

ისტორიულ-ეკონომიური

ნ ა რ კ ვ ე ვ ი

(საფრანგეთის წარსულიდან)



თარგმანი

ლ. ელჩავასი



თბილისი

ელექტრომბეჭდავი თავ. გრ. დასაზღვრისა, სასახლის ქ.

1905

ისეთ დიდ ისტორიულ მოვლენას, როგორც რევოლუციისა, რასაკვირველია მრავალი სხვა და სხვა მხარე აქვს, ასე რომ ყოველ პარტიის წარმომადგენელს შეუძლია იპოვოს მასში თავის სასარგებლოთ გამოსაყენებელი მომენტები. კიდევ უფრო ადვილათ შეუძლია ისარგებლოს რევოლუციით პარტიულ მიზნისთვის, ვინც „ზნეობრივ“ ნიადაგზე სდგას. ასეთ ისტორიულ ქართველის დროს, როგორც რევოლუციისა, ყველა მომქმედი პირის ვნებათა ღელვა უმაღლეს წერტილამდე აღწევს. ყოველ მებრძოლ პარტიაში ჩვენ ვიპოვით გმირობის და თავგანწირულების შეუდარებელ მაგალითებს, მაგრამ ყოველგან მოიპოვება აგრეთვე სისაძაგლის, სიმკაცრის, უხასიათობის და გაუმაძღრობის საშინელი მაგალითებიც. რომ ერთი მხარის სიმპატიური თვისებები წინ წამოაყენო და გააღდილო, და ყველაფერი კუდი, რაც კი მეორე დასში მოიპოვება, მოწინააღმდეგეთ მოახვიო თავს, ეს ძალიან ადვილი ხელობაა. საკვირველია ამგვარი „ისტორიული ხერხი“, მაგრამ კოტა მონახება საფრანგეთის რევოლუციის ისეთი აღწერა, სადაც ეს „ხერხი“ ნახმარი არ იყოს. და ეს ადვილი გასაგებია. ის მრავალი საზოგადოებრივი წინააღმდეგობა, რომელიც რევოლუციისაში სავსებით გამოიხატა, ჯერ კიდევ არ მოსპობილა სრულებით. და ამივე დროს თვით რევოლუციამ წამოაყენა და პირველათ აღნიშნა ახალი წინააღმდეგობანი, რომლებიც მას აქვთ კიდევ უფრო მკაფიოთ გამოირკვა და კიდევ უფრო გამწვავდა. თანამედროვე პარტიათა შორის არ მოიპოვება არც ერთი, რომელიც ტრადიციით, თუ თანაგრძნობით, მდგომარეობის, თუ მიზნის მსგავსებით, თავის ნათესავეურ კავშირს არ ხედავდეს რევოლუციისაგან წარმოშობილ ამა თუ იმ საზოგადოებრივ მიმდინარეობასთან და ამიტომ განსაკუთრებულის, სიყვარულით არ ეპყრობოდეს თავის მონათესავე მიმდინარეობას და განსაკუთრებულის სიმკაცრით მის მოწინააღმდეგეთ. მიუხედავად ამისა სწორეთ საფრანგეთის რევოლუციამ გაუწია დიდი სამსახური ისტო-

ჩიულ მეცნიერების განვითარებას, მან შესაძლებელი გახადა, როგორც ამ საზოგადოებრივ მოვლენის, ისე სხვების ობიექტიურათ შესწავლა. რევოლიუციამ შეგვაგნებინა, რომ ისტორიული განვითარების მამოძრავებელ ძალას უნდა ვეძებდეთ არა ადამიანთა სურვილებში, არამედ საზოგადოებრივ ურთიერთობაში, რომელიც საქონლის წარმოების ხანაში მაინც სრულიად დამოუკიდებელია ადამიანის სურვილებისაგან, მალა ღვას და გაბატონებულია მათზე. თუმცა დიდ რევოლიუციის მკვლევარნი ცდილობენ მიაწერონ ის ერთის მხრით ფილოსოფოსთა ვოლტერის და რუსოს ქადაგებას, მეორე მხრით საერო ორატორთა—მირაბოს და რობესპიერის მკერ მეტყველობას, მაგრამ მანც არ შეუძლიათ გვერდი აუხვიონ იმ ფაქტს, რომ განხეთქილება, რომელმაც რევოლიუციამდე მიიყვანა საქმე, აღმოსკდა იმ წინააღმდეგობიდან, რომელიც არსებობდა პირველ ორსა და მესამე წოდების შორის. ისინი ხედავდნენ, რომ ეს წინააღმდეგობა შემთხვევითი და მსწრაფლ წარმავალი არ იყო, რომ ის მოქმედებდა 1614 წლის გენერალურ შტატებში და უფრო ადრეც სწორეთ ისე, როგორც 1789 წელს, ხედავდნენ, რომ ეს წინააღმდეგობა ფაქტორი იყო ისტორიულ განვითარებისა—მეფის განუსაზღვრელ უფლებათა განმტკიცების. მათ უნდა დაენახათ ბოლოს და ბოლოს, რომ ამ განხეთქილებას ღრმად ქონდა ფესვები გადგმული ეკონომიურ ურთიერთობაში. რასაკვირველია, კლასთა ბრძოლა რევოლიუციის აღწერებში უმეტეს ნაწილათ გამოყვანილია არა როგორც არსებითი ელემენტი მთელი რევოლიუციის, არამედ როგორც კერძო ეპიზოდი ფილოსოფოსთა, ორატორთა და სახელმწიფო მოღვაწეთა ბრძოლაში, თითქოს ეს უკანასკნელი პირველის შედეგი არ ყოფილიყოს. საჭირო იყო ხანგრძლივი და ძლიერი გონებრივი შრომა, რომ ის, რაც კერძო ეპიზოდათ იყო ცნობილი, ეცნოთ უმთავრეს მამოძრავებელ ძალათ არა მარტო დიდ რევოლიუციაში, არამედ მთელ საზოგადოებრივ განვითარებაშიაც კლასთა ინტერესების წინააღმდეგო-

ზის გაჩენის პირველ დღიდან. მატერიალისტური შეხედულება ისტორიაზე, რომელსაც საფუძვლათ კლასთა შორის ბრძოლა უდევს, დღესაც ბევრს სადავო საგნათ მიაჩნია, მაგრამ ის კი თითქმის ყველასაგან მიღებულია, რომ საფრანგეთის რევოლიუცია შედეგი იყო კლასობრივი ბრძოლისა პირველ ორსა და მესამე წოდებას შუა; ასეთი შეხედულება დღეს მარტო სწავლულთა კუთვნილება აღარ არის. ის გავრცელდა და ყველასათვის ხელმისაწვდომი გახდა; განსაკუთრებით შეითვისა ის გერმანიის მუშა-ხალხმა. ეს შეხედულება დღეს იმდენათ დაცვას აღარ საჭიროებს თავის მომხრეების მხრივ, რამდენათაც გათახირებისგან დაფარვას. ბევრი, ვინც ისტორიულ განვითარებას ხსნის კლასთა ბრძოლით, ფიქრობს, ვითომც საზოგადოებაში არსებობდეს ორი ბანაკი, მხოლოდ ორი ერთმანეთის მოწინააღმდეგე კლასი, ორი მტკიცე, განუყოფელი მასა: რევოლიუციონური და რეაქციონური, რომ საზოგადოებაში არიან მხოლოდ „მალლა მდგომნი და დაბლა მდგომნი“. ეს რომ ასე იყოს, მაშინ ისტორიკოსობა ძალიან ადვილი ხელობა იქნებოდა; მაგრამ ნამდვილათ კი საქმე არც ისე ადვილია. საზოგადოება მეტათ რთული ორგანიზმია და რაც უფრო ვითარდება, უფრო და უფრო რთულდება. ის მრავალსხვა და სხვა კლასთაგან შედგება რომელთაც სხვა და სხვა ინტერესები აქვთ, და გარემოებათა მიხედვით უახლოვდებიან, ან ცილდებიან ერთმანეთს და სხვა და სხვა კომბინაციებს ქმნიან.

ეს მართალია ჩვენი დროისთვის; მართალია აგრეთვე საფრანგეთის რევოლიუციის დროისთვისაც. ჩვენი სურვილი მოკლეთ თვალი გადავაგლოთ იმ საზოგადოებრივ მოვლენათა, რომელიც ჩვენ საკითხს შეეხება და რომელიც ამ ასი წლის წინათ მოხდა, მარტო იმ ინტერესით არ აიხსნება, რომელსაც რევოლიუცია ბადებს. ეს გათვალისწინება ხელს შეგვიწყობს სინათლეზე გამოვიტანოთ და გამოვარკვიოთ ბევრი თანამედროვე პარტიის პრინციპები. ამგვარათ ის თანამედროვე ცხოველმყოფელ ინტერესსაც არ იქნება მოკლებული.

II.

პირველ შეხედვით კაცს ეგონება, რომ საფრანგეთის რევოლუციის დასაწყისში „რეაქციონერები“ და „რევოლიუციონერები“, „გაბატონებული კლასები“ და „ხალხი“ წარმოადგენდნენ მკიდროთ შეკავშირებულ ჯგუფებს, ცხადათ გარკვეულ მიზნებით და ბრძოლის იარაღებით. მაგრამ ნამდვილათ კი არაფერი ამის მსგავსი არ ყოფილა. არა თუ მესამე წოდება შეიცავდა სულ სხვა და სხვა მოპირდაპირე ელემენტებს, არამედ პირველი ორი წოდებაც განიყოფებოდა მოწინააღმდეგე ჯგუფებათ, მიუხედავათ იმისა, რომ გარეგნულათ მათში ვითომც თანხმობა იყო; მიუხედავათ იმისა, რომ ამ ჯგუფების წევრთა რიცხვი შედარებით სულ მცირე იყო*).

თუმცა აზნაურთა და სასულიერო წოდების პირთა რიცხვი ძალიან მცირე იყო, მარა მაინც მხოლოდ ერთი ნაწილი ამ რიცხვისა, ყოველ შემთხვევაში უმცირესი ნაწილი, ეძლეოდა უსაზღვრო ფუფუნებასა და განცხრომასა, მხოლოდ უმცირესი ნაწილი ფლანგავდა და აპნედა ქონებას მარცხნივ და მარჯვნივ, რაც დამახასიათებელ თვისებას შეადგენს უპირატესობებით აღქურვილ კლასისას რევოლიუციის წინა ხანებში. მხოლოდ თავად აზნაურობის და სასულიერო წოდების ზედა ნაწილს, აურაცხელ მიწის მქონებელთ, შეეძლოთ ეცხოვრათ ფუფუნებით, ხელგაშლილათ, მაჯიბრებოდნენ ერთი მეორეს თვალწარმტაც სალონების გამართვაში, მდიდარი ნადიმების გადახდაში, საუცხოვო ციხე-დარბაზების აგება-მოწყობაში. ეს იყო ერთათ ერთი მოედანი, რომელიც დარჩე-

*) ტენის გამოკვლევით აზნაურთა და სასულიერო წოდების წარმომადგენელთა რიცხვი ერთათ 270,000 სულს უდრიდა დაახლოვებით. მისი გამოანგარიშებით 25,000-დან 30,000-მდე აზნაურთა ოჯახი იყო, რომელიც 140,000 სულს შეიცავდა. ეკლესიის მსახურთა რიცხვი 130,000 უდრიდა. ამ უკანასკნელ რიცხვში 70,000 სამრევლო და სივიკარო მღვდელი იყო, 23,000 ბერი და 37,000 მოლაზონი.

ნოდა არისტოკრატიას ერთმანეთთან გასაჯობრებლათ. იმ სფერაში კი, სადაც საქმის გადამწყვეტელი მნიშვნელობა პირად ღირსებებს ეკუთვნის, არისტოკრატია დიდი ხანია მხოლოდ სიზარმაცეს და უხასიათობას იჩენდა და გაჯობრებაც არ შეეძლო. ჯიბრი იმაში, ვინ მეტს დახარჯავს და მაშასადამე, უნდა ვიგულისხმოთ, ვის მეტი შემოსავალი აქვს, სწორეთ დამახასიათებელი თვისებაა საქონლის წარმოებისა, რომლის სფერაში რამდენიმეთ უკვე შედგა ფეხი არისტოკრატიაში. მარა მაშინდელი არისტოკრატია ჯერ იმდენათ ვერ შეგუებოდა წარმოების ახალ ფორმას, როგორც მაგალითათ ამას ვხედავთ დღეს. აქეთ-იქით ფულის ფლანგვა მან მალე ისწავლა, მაგრამ თავის შემოსავლის გადიდება მატყლის, პურის, სასმელების და სხ.—ვაქრობით ისე ხერხიანათ, როგორაც დღეს იცის ამ წოდებამ, მაშინდელმა არისტოკრატიაში არ იცოდა, ვერ ახერხებდა. ის ცხოვრობდა, როგორც ფეოდალი, მარტო მამულის შემოსავლით და კისრამდე ვალში ჩაიფლა. თუ ასეთი ბედი ეწვია უმაღლეს არისტოკრატიას, რაღა ხეირი უნდა დაეკრდა საშუალო და მდბალ აზნაურებს. მრავალ მათგანს ძლივს 50, ზოგს კი 25 ლივრის წლიური შემოსავლის წაგლეჯა-ლა შეეძლო თავის მამულიდან. რამდენათ უფრო ღარიბი იყო აზნაური, იმდენათ მეტს თხოულობდა ის თავის გლეხებისაგან, მარა ეს არაფერს შველოდა. სესხები მხოლოდ დროებით აძლევდენ შეღავათს და შემდეგ უარეს სიღარიბეში აგდებდენ. მარტო სახელმწიფოს შეეძლო მათთვის ერთათ ერთი საფუძვლიანი დახმარება აღმოეჩინა. და აზნაურებიც ქორივით ეცენ მას. რაც მეფეს შემოსავლიანი ადგილები ქონდა ყველა მათი ლუკმა გახდა. მარა გაღარიბებულთა და სრულ გადაღატაკებაზე მიმდგართა რიცხვი წლითი წლობით მატულობდა, და იმათთვის შესაფერათ სამსახურის რიცხვიც უნდა გაზრდილიყო: ათასნაირ სასაცილო მიზეზებს იგონებდენ, რომ როგორმე გადატაკებულ, დამშეულ აზნაურისთვის, შეძლება მიეცათ სახელმწიფო ხარჯზე ცხოვრებისა. თა-

ვის თავით ცხადია, რომ გალატაკებულგებთან ერთათ არც დავახშინებული და გაუმადლარი უმადლესი არისტოკრატია იყო მივიწყებას მიცემული.

ყველაზე მიმზიდველი, თბილი, სამუქთახორო კუნძული სამეფო კარის თანამდებობები იყო, — ჯამაგირსაც სხვაზე მეტს იძლეოდნენ, ცოდნა და შრომა კი ბევრათ ნაკლები სჭიროდა კაცს. ერთი სიტყვით ეს იყო წყარო განცხრომისა და ცხოვრების სიტკბოების მიმნიკებელი. მეფის კარზე სულ 15,000 კაცი მსახურებდა: იმათში უმრავლესობის ერთათ ერთი დანიშნულება იყო კარგი ტიტული ეტარებინა და შესაფერი ჯამაგირი აეღო. აი ამ შრომის გამოსაკვებათ იხარჯებოდა მთელი სახელმწიფოს შემოსავლის ერთი მეათედი, 40 მილიონ ლივრზე მეტი, (რაც ახლანდელ ფულის ლირებულებით უდრის თითქმის 100 მილიონ ფრანკს, 50 მილიონ მანათს). მარა თავად-აზნაურობა ამასაც არ სჯერდებოდა. ადმინისტრაციაში ათასნაირი თანამდებობები იყო: ზოგი მათგანი ისეთი იყო, რომ ღიდ შრომას და განათლებას თხოულობდა. ასეთ თანამდებობაზე ჯამაგირები უფრო ზომიერი იყო და ამიტომ უმთავრესათ მეშხანებს (წვრილ ბურჯუა-მოქალაქეთ) ეჭირათ, თუმცა ფაქტიურათ მათ აწვა კისერზე მთელი სახელმწიფოს მართვა-გამგეობის საქმე. ამის გვერდით ისეთი თანამდებობებიც არსებობდა, სადაც მხოლოდ წარმომადგენლობა იყო საჭირო და, ასეთ თანამდებობის აღმასრულებელთა ერთათ ერთი მოვალეობა იყო ტკბილათ და განცხრომით დროს გატარება. ასეთი თანამდებობები უხვათ ჯილდოვდებოდა და აზნაურებს ურიგდებოდა. ჯარში აფიცრებათ დანიშნვის დროს ძველათ უმთავრეს ყურადღებას მათ დამსახურებას აქცევდნენ. ლიუდოვიკო მე-XIV-ეს დროს ჯარში ბევრს ნახავდით აფიცრებს, როგორც აზნაურებს, ისე მეშხანებს.

მარა რაც უფრო მეტათ შეიქნა საჭირო თავად-აზნაურობისთვის სახელმწიფო სამსახურის ხელში ჩაგდება, მით

უფრო მეტს კდილობდა ის დიდი სამხედრო თანამდებობები აზნაურების პრივილეგიათ გაეხადა. უნტეროფიცრები, რომლებსაც მძიმე მოვალეობა აწვიათ კისერზე, კიდევ შეიძლება „შავი ხალხისაგან“ ყოფილიყვენ, ხოლო აფიცრის ადგილები, რომელნიც კარგი შემოსავლიანი იყვენ და ამისთანავე ნაკლებ ცოდნასა და შრომას თხოულობდენ, განსაკუთრებით მშვიდობიანობის დროს, ბრწყინვალე წოდების პრივილეგიას შეადგენდა.

აფიცრებზე წლიურათ 46 მილიონი ლივრი იხარჯებოდა, მთელი ჯარი კი 44 მილიონით უნდა დაკმაყოფილებულიყო. რამდენათ უფრო ღარიბდებოდა აზნაურობა, იმდენათ უფრო მედგრათ იცავდა აფიცრობის მონოპოლიას; რამოდენიმე წლით აღრე რევოლიუციის აფეთქებამდის (1781 წ.) მეფემ გამოსცა ედიქტი, რომლითაც აფიცრების ადგილი მხოლოდ ძველ აზნაურთა გვარების კუთვნილება შეიქნა. ვისაც აფიცრობა უნდოდა, უნდა უსათუოთ დამეტკიცებია, რომ 4 თაობა მაინც მისი წინაპრებისა აზნაურთა წოდებას ეკუთვნოდა. ამნაირათ უკანასკნელ საუკუნეში ახლათ გამოცხვარ აზნაურებს აფიცრობის ადგილი ხელიდან გაუქრა.

საკლესიო დიდი ჯამაგირიანი ადგილები ზოგი უკვე ექირა აზნაურობას, ზოგიც ფაქტიურათ მის განკარგულებაში იყო, რადგან ამ ადგილებზე საჭირო პირების დანიშვნა მეფის ხელში იყო და ეს უკანასკნელი კი სულ უფრო და უფრო კდილობდა აზნაურობისთვის შეერჩინა ისინი. აქაც რევოლიუციის წინა ხანებში საუკეთესო ადგილების მიღების უფლება, თუმც ეს გამოჰყევნებული არ იყო, მიენიჭა მხოლოდ აზნაურებს. 1500 მდიდარი ბენეფიციები, რომელნიც მეფის უფლებაში იყვენ და აგრეთვე არქიეპისკოპოსთა და ეპისკოპოსთა კათედრები ეძლეოდა აზნაურობას. არქიეპისკოპოსები და ეპისკოპოსები, რომელთა რიცხვი 131 კაცამდე აღიოდა, წლიურათ იღებდენ 14 მილიონ ლივრს, ე. ი. 100,000-ზე მეტს თვითთელი; კარდინალი რავინი, სტრასბურგის არხიეპისკო-

პოსი, როგორც თავი ეკლესიისა, იღებდა წლიურათ ერთ მილიონზე მეტს. ცხადია, პატივცემულ მწყემსს ადვილათ შეეძლო ასეთ პირობებში თავისთვის ნება მიეცა და მარია ანტუანეტას გულის მოსაგებათ აღმასის საყვლური ეყიდა მისთვის სულ 1.400,000 ლივრათ ღირებული.

მაგრამ დავახშანებული აზნაურობის გაუმადლობა ვერ დააკმაყოფილა ეკლესიის, ჯარის, სახელმწიფოს და მეფის კარის შემოსავლიანმა ადგილებმა. მეფეს მუდამ თავს აბეზრებდენ ხაზინიდან ერთდროული შემწეობის თხოვნით: ხან ვინმე აზნაური უნდა გამოეხსნა „გაქირვებულ მდგომარეობიდან“, ხან უნდა დაეკმაყოფილებია რომელიმე წარჩინებული პირის სურვილი და ამგვარათ მარტო 1774 წლიდან 1789-მდე სახელმწიფო ხაზინიდან ერთდროული შემწეობის, საჩუქრების და სხვა ამგვარი სახით გაცემულა სულ 228 მილიონი ლივრი. ამ ჯამიდან 80 მილიონი მეფის სახლეულობის წევრებს წაუღია. მეფის ორ ძმას მიუღია 14 მილიონზე მეტი. რევოლიუციის წინ რამდენიმე ხნით ფინანსთა მინისტრმა კალონმა, თუმცა სახელმწიფო ფინანსების საოცარი დეფიციტი მოსალოდნელი იყო, მაგრამ მაინც დედოფლისთვის გასართობი სასახლე სენ-კლუ იყიდა 15 მილიონ ლივრათ და მეფისთვის კიდევ რამბულიე—14 მილიონათ. მეფე თავის თავს არა მარტო სახელმწიფოს თავათ თვლიდა, არამედ „პირველ აზნაურათაც“ და ამიტომ არ ზოგავდა გამდიდრებულსა ხაზინის ხარჯზე. პოლინიაკის სახლობამ, რომელსაც მარია ანტუანეტა წყალობდა, მარტო პენსიებათ მიიღო 700,000 ლივრი. თვით ჰერცოგმა პოლინიაკმა ამას გარდა მუდმივ რენტათ 120,000 ლივრი მიიღო და ერთდროულათ მამულის შესაძენათ 1.200,000 ლივრი.

ჩვენ აქამდის აზნაურობაზე ვლაპარაკობდით, როგორც სისტემატიურათ მტაცებელ რაინდებზე, მაგრამ ეს სინამდვილეს სავსებით არ გამოხატავს. ერთი ნაწილი აზნაურობისა, ყოველ შემთხვევაში მხოლოდ უმცირესობა, არა თუ ღებუ-

ლობდა მონაწილეობას ამ მტაცებლობაში, პირიქით მეტის მეტათ გაბრაზებული იყო ამითი. ამ ნაწილს შეადგენდა ეკონომიურათ ჩამიარჩენილი პროვინციების შუათანა და წვრილი აზნაურობა. იქ ფეოდალური მეურნეობა ისევ თავის სრულ ძალაში იყო, მაგალითათ, ვანდიაში და რამდენიმეთ ბრეტონშიაც. ასეთი პროვინციების ფეოდალები პარიჟსა ანუ ვერსალში გადასახლების მაგიერ, ცხოვრობდენ ძველებურათ თავის კოშკში, თავის გლეხებთან. ისინი თითქმის იგივე გლეხები იყვენ, მხოლოდ ცოტა უფრო მაღალი წოდების. ისინი მოუხეშავი, გაუნათლებელი იყვენ, მარა კერპი და თავის ღირსების დამცველი; მათი მოთხოვნილება, რომელიც უმთავრესათ კარგ სმა-ქამაში მდგომარეობდა, ადვილათ კმაყოფილდებოდა იმითაც, რასაც თავის გლეხებისაგან იღებდენ. ვალები მათ არ აწუხებდათ, ფულის ფანტვის შემთხვევაც არ ქონდათ, მაშასადამე, არც მიზეზი ქონდათ თავის გლეხებისთვის გადასახადის მომატებისა, ან წარა-მარა უბრალოთ ხელქვეითების შევიწროებისა, და ამის გამო არა-ურიგო განწყობილებაში იყვენ თავის გლეხებთან. ერთათ ცხოვრება და ერთგვარ პირობებში—მარტო ესეც საკმარისია ურთ-ერთში სიმპატიის გამოსაწვევათ. ჩამორჩენილი პროვინციის ფეოდალი ჯერ კიდევ არ გამხდარიყო ისეთი ყოვლად უსარგებლო ექსპლოატატორი და ხორცმეტი, როგორიც ის გახდა პროგრესიულ პროვინციებში, სადაც ადმინისტრაციის, პოლიციის და სასამართლოს თანამდებობები, რომელსაც წინეთ ფეოდალი ასრულებდა, სულ უფრო და უფრო მეფის ბიუროკრატის ხელში გადადიოდა და ფეოდალს ბოლოს მარტო ის შერჩა, რასაც არავითარი მნიშვნელობა არ ქონდა არც წესწყობილებისთვის, არც საზოგადოებრივ მშვიდობიანობისთვის: იმის მაგივრათ, რომ ცოტა რამე გაეკეთებია ქვეყნის საკეთილდღეოთ, ის შეიქნა, და არც შეეძლო არ შექნილიყო, ქვეყნისათვის მეტ ბარგათ. სასამართლოსა და პოლიციის მოხელეებს პროვინციებში არავითარი ჯამაგირი არ ეძლეოდათ,

პირიქით უნდა ეყიდათ კიდევ თავისი თანამდებობა; ცხადია, თანამდებობასთან ერთათ ისინი ყიდულობდენ უფლებას გამოეწუწნათ გლეხისთვის უკანასკნელი წვეთი სისხლი.

სრულიად წინააღმდეგი ხდებოდა ეკონომიურათ ჩამორჩენილ პროვინციებში. აქ მეტატონები ჯერ კიდევ სრული მმართველი იყო მისდამი კუთვნილ ტერიტორიისა: ის ზრუნავდა გზების გაკეთებაზე და მიმოსვლის უზრუნველ ყოფაზე, არჩევდა თავის ხელქვეითთა შორის ამტყდარ დავას, მსჯავრს დებდა მათ მოქმედებას, სჯიდა დამნაშავეს და სხ.; ზოგჯერ ფეოდალი თავის ძველ უფლებასაც მიმართავდა—იცავდა თავის ხელქვეითთ გარეშე მტრებისაგან, რასაკვირველია, არამტრის ჯარისაგან,—არამედ მეფის ხარჯის ამკრეფებისაგან; რომელნიც დრო გამოშვებით თავს ესხმოდენ გლეხებს დასარბევათ; იყო ისეთი შემთხვევები, როცა ფეოდალი-მემამულე პირდაპირ დაიფრენდა ხოლმე ამ ვაებატონებს, როცა ისინი მეტათ თავდაუქერელათ დაიწყებდენ თარეშს მის სამფლობელოში. ამ კატეგორიის აზნაურობა ყველაზე ნაკლებ ურიგდებოდა მეფის უფლებათა ზრდას და არ სურდა სავსებით დამორჩილებოდა მას. ხოლო სასახლის აზნაურობა და მათი კუდები, რომელნიც მსახურობდენ ჯარში, ეკკლესიაში და უმაღლეს ბიუროკრატიაში, ყოველი მხრით დაინტერესებული იყვენ მეფის უფლების გაძლიერებაში.—რასაც თავის ფეოდალური უფლებით ვერ გამოსწოვდა ასეთი აზნაური გლეხს, იმის გამოსაწოწნათ მეფის მოხელეებს და გადასახადთა შემსყიდველებს აგზავნიდა. ეს არაფრათ ეპიტნავებოდა სოფლის აზნაურობას. სასახლიდან მათ არავითარი წყალობა არ ხვდებოდა და ისინი არც საჭიროებდენ ამას. მარა რაც უფრო ძლიერათ მუშაობდა ადმინისტრაციული მანქანა, იმდენათ უფრო აღარიბებდა ის მის ხელქვეითებს; რამდენათაც მეფის ბიუროკრატის ხელში გადადიოდა ადმინისტრაციის, პოლიციის და სასამართლოს უფლებები, იმდენათ ფეოდალს ძალა და მნიშვნელობა ეკარგებოდა თავის მიდამოში, ამასთანავე იგი

გამსკვალული იყო ძველი ფეოდალური შეხედულებებით და თავის თავი მეფის ტოლათ მიაჩნდა: მისთვის მეფე, როგორც წინეთ ფეოდალურ ხანაში, იყო მხოლოდ მსხვილი მემამულე, „პირველი თანასწორთა შორის“, რომელსაც ვერ უნდა გაეხედა სახელმწიფოში რაიმე ცვლილების მოხდენა ფეოდალთა დაუკითხავათ; ის მუდამ და დაჯინებით უყენებდა მას წინ თავის მამა-პაპურ უფლებებს და უპირატესობათ, თუმცა ყოველთვის, რასაკვირველია, თავისი ვერ გაჰქონდა, და რაც უფრო იზრდებოდა სახელმწიფო ხაზინის მოთხოვნილება, წესდებოდა ახალ-ახალი გადასახადები, რომელიც რამდენიმეთ აზნაურობასაც აწვებოდა, მიუხედავად იმისა, რომ რგი უხსოვრის დროიდან თავისუფალი იყო ყოველგვარ გადასახადისაგან. მით უფრო მეტი მიზეზი ეძლეოდა სოფლის აზნაურობას ოპოზიციისაში ჩამდგარიყო. ის არავითარ მონაწილეობას არ ღებულობდა ნადავლის განაწილებაში და სახელმწიფოს მოთხოვნილებათა დაკმაყოფილება კი ტვირთათ აწვებოდა, ამის გამო მან, რასაკვირველია, უფრო და უფრო ხმა მალლა დაიწყო ლაპარაკი, რომ სახელმწიფო მეურნეობაში საქირთა მომპირნეობა, საფინანსო მართველობაში რეფორმის მოხდენა და უკანასკნელზე წოდებრივ წარმომადგენელთა კონტროლის დაწესება.

ამგვარათ ჩვენ ვხედავთ, რომ აზნაურობა ორ მოპირდაპირე ბანაკათ გაიყო. ერთი მხრით მეფის კარის არისტოკრატია და მისი ამყოლი; ამ ბანაკში იყვენ უმაღლესი აზნაურობა და ბლომა ნაწილი საშეალოსი და დაბალისა. ესენი მომხრე იყვენ მეფის შეუზღუდველ უფლებებისა. მეორე მხარეს იდგა სოფლის აზნაურობა, რომელსაც შეადგენდა ეკონომიურათ ჯანუვითარებელი ადგილების საშეალო და დაბალი აზნაურობა. უკანასკნელნი დაჯინებით თხოულობდენ წოდებრივ წარმომადგენელთა მოწვევას სახელმწიფოს მართვა-გამგეობის საკონტროლოთ.

თუ იმ დროის პარტიებზე მსჯელობას ვიქონიებთ არა იმ

კლასობრივ ინტერესების მიხედვით, რომელთა წარმომადგენელთა ისინი იყვენ, არამედ მხოლოდ მათი ტენდენციების თანამედროვე პარტიულ ლოზუნგებთან გარეგნულ თანხმობის მიხედვით, მაშინ უნდა აღვიაროთ, რომ ყველაზე ჩამორჩენილი ელემენტები საფრანგეთში პროგრესისტები და ლიბერალები იყვენ, რადგან მათაც ისე, როგორც მესამე წოდებას, სურდათ კონსტიტუციონურ მმართველობის შემოღება. ყველა ამის მიუხედავად არავინ ისეთი ზიზლით არ ამხედრებულა ახალი იდეების და ახალი კლასების წინააღმდეგ, როგორც სწორეთ ისინი.

მიყრუებული პროვინციის აზნაური ისეთივე სიძულვილით უყურებდა ბურჟუას, როგორც საზოგადოთ გლეხი მოქალაქეს, ნატურალური მეურნეობის მიმდევარი—ფულით მწარმოებელს, გაუნათლებელი—განათლებულს და „ძველის ძველი მკვიდრი“ ამა თუ იმ ადგილისა ვილაც მოთრეულს, ვინ იცის როგორი შთამომავლობისას. თუმცა პროვინციის აზნაურობა იშვიათათ ხვდებოდა ბურჟუას თავის მიყრუებულ სოფელში, მარა ამ იშვიათ შემთხვევაშიაც არასოდეს არ ფარავდა თავის ზიზლს მისდამი. ქალაქის აზნაურობა კი პირიქით თანდათან უახლოვდებოდა ბურჟუაზიის ერთ ნაწილს მაინც. რა თქმა უნდა, ვინმე თერძს, ან მეხელთათმანეს კარის არისტოკრატი კიდევ უფრო მედიდურათ დასცქერდა, ვიდრე მისი მოძმე სოფლელი აზნაური. მოხელეს ბედნიერებათ უნდა ჩაეთვალა, თუ ასეთი დიდებული გვამი რამეს გააკეთებებდა, თორემ თუ გაუბედავდა და სასყიდელს მოთხოვდა, ეს ხომ უტიფარი კადნიერება იქნებოდა მისი მხრით. სულ სხვა განწყობილება ქონდა ამ ამაყ არისტოკრატიას ფინანსისტ ტუზებთან. იმათ ბლომათ ქონდათ ხელში ფული, რომელიც ეგრე რიგათ სკირდებოდა დიდებულებს: ამათ ხელში იყო უკანასკნელთა გაკოტრებაც და მათი სულის შერჩენაც. რამოდენიმე გვარეულობის გარდა მთელი კარის არისტოკრატია მეფიდან დაწყებული უკანასკნელ პაეამდის ყელამდის ჩაფლული იყვენ ფი-

ნანსისტების ვალებში. ამიტომ მათ, რასაკვირველია, უნდა ფრთხილათ მოქცეოდნენ. თვით ლუდოვიკო მე-XIV-ემ, ამ—ამაყმა „მზე—მეფემ“, ერთხელ მთელი კარის თანადასწრებით მეფეურათ მიიღო ებრაელი სამუელ ბერნარი. ხუმრობა კი არ იყო, ამ ურიას 60 მილიონი ჰქონდა! და განა შეეძლოთ მეფის ფარეშებს უფრო მიუკარებელი ყოფილიყვენ, ვინემ თვით მათი ბატონი იყო?! ფუღლით არისტოკრატები სულ თან და თან ემსგავსებოდნენ უმაღლეს, შთამომავლობით არისტოკრატის, ყიდულობდნენ აზნაურის ტიტულს, იძენდნენ აზნაურების მამულებს; ხშირათ რომელიმე გალატაკებული აზნაური თავის დაცემული მდგომარეობის გასასწორებლათ ირთავდა სქელი ქისით გაარისტოკრატებულღის ქალს და ასეთ შემთხვევაში თავს ხუმრობით ინუგეშებდა, რაო და კარგ ნიადაგსაც სჭირია დრო გამოშვებით გაპოხიერებაო. აზნაურობა ამგვარათ თან და თან იფლებოდა ნაკელში. ფულიანი არისტოკრატის სალონები არაფრით აღარ ჩამოუფარდებოდა შთამომავლობით არისტოკრატისას და ორივე კლასი ერთსა და იმავე წუმბეში ცურავდა, რამაც შეიძლება ყველაზე მეტათ შეუწყო ხელი მათ დაახლოვებას, ზნე დაცემული დედაკაცები ისეთივე ხელმისაწდომი შეიქნა მესამე წოდების პირთათვის, როგორც გრაფების, ჰერცოგების და ეპისკოპოსებისათვის. გარყენილების მორავში ქრებოდა წოდებრივი სხვა და სხვაობა და საფრანგეთის სამეფო კარი თან და თან უახლოვდებოდა თავის სანატრელ იდეალს. ჩვენ უკვე ვიცით, რომ ერთი ეპისკოპოსი ცდილობდა კიდევ აღმასებით ეყიდა თვით დედოფლის სიყვარული.

ზოგიერთი მწერლები, როგორც მაგალითათ, ბოკლი, არისტოკრატის ფულიან ტომრებთან დაახლოვებაში ხედავდა „დემოკრატიულ მისწრაფებას“, რომელიც ვითომ რევოლიუციის წინ ყველას თავში უტრიალებდა, მაგრამ საქმე ის არის, რომ სწორეთ ამ დროს ვითომ და „გადემოკრატებული“ აზნაურობა არისტოკრატიულ მოთხოვნილებებს უმატებ-

და: აფიკრის ჩინი მას ეძლეოდა, ვინც დიდ-კაცის ჩამომავალი იყო, საეკლესიო მამულები აზნაურობას შემოუსაზღვრეს, შექნეს ახალი სამუქთახორო ადგილები ბიუროკრატიაში, განსაკუთრებით აზნაურთათვის, დემოკრატიული იდეები კი არა მატერიალური ინტერესები არღვევდენ—და ძალიან შესამჩნევთაჲც არღვევდენ—მიწის მფლობელთა და ფულით არისტოკრატის შორის ამართულ ზღუდეს, მაშინ როდესაც თავად-აზნაურობა მხოლოდ იმის ცდაში იყო, რომ დაეცვა თავის უპირატესობანი სახელმწიფო სამსახურის მიღებაში.

სოფლის აზნაურობას თავზარს ცემდა პარიჟელი აზნაურებისაგან წოდებრივი განკერძოვების გადალახვა და საზოგადოებრივ ურთიერთობაში ასეთი „თავისუფალი ქცევა“; მარა კიდევ მეტათ თავზარ დამცემი იყო მათთვის პარიზელებისაგან ძველი ზნეობრივი და სარწმუნოებრივი ჩვეულებების დღატი. სოფლის აზნაური ჯერ კიდევ ფეოდალურ წყობილების ჩარჩოში ცხოვრობდა და ამიტომ მის შესაფერ შებედულებას მტკიცეთ აღდა, მამა პაპის სარწმუნოებას იცავდა. პარიჟელ აზნაურისათვის კი ფეოდალიზმის ნაშთი მხოლოდ-საშუალება იყო იმისი, რომ ბრბო კარგათ ჩაეჭირა ხელში და მათ ზურგზე ენავარდებნა. მისთვის კი მის საკუთარ უფლებას სხვა აღარავითარი მნიშვნელობა არ ქონდა, და არც არაფერი დარჩა მას ამ უფლებებიდან გარდა ტიტულისა და მის შესაფერი შემოსავლისა. სწორეთ ასეთივე თვალთ უყურებდა ის სარწმუნოებასაც. ის ცხოვრობდა ქალაქში, ფეოდალურ ურთიერთობას მოშორებულთ, და სარწმუნოებამაც დაკარგა მისთვის ყოველივე მნიშვნელობა, სარწმუნოებაც, როგორც სხვა ფეოდალიზმის ნაშთები, ისა საჭიროთ მიიჩნდა მხოლოდ თავის ინტერესების დასაცველათ, ის აუცილებლათ საჭირო იყო უეიცი „გაუნათლებელ“ ბრბოსთვის; ამ „შავ ხალხს“ არ შეეძლო უიმისოთ გაძლება, „განათლებულ“ აზნაურობას კი სასაცილოთ არ ყოფნიდა.

„თავისუფალ აზრების გავრცელებასთან ერთათ არისტოკ-

რატო სალონებში სწრაფათ ქრებოდა ძველი ზნე-ჩვეულება, რა კი მათ გამოეცალა თავის მატერიალური სარჩული. მეოჯახეობას, დიასახლისის ღირსება-ნაკლულევენებას ძველი ფეოდალური მეურნეობისათვის დიდი მნიშვნელობა ქონდა: მთელი საწარმოო მექანიზმის ტრიალი შეფერხდებოდა, თუ ოჯახის მეურნეობა სისწორით და მტკიცეთ არ მიდიოდა. ასეთ პირობებში, მიუცილებელია მტკიცე კავშირი მეუღლეთა შორის და სასტიკი დისციპლინა ოჯახში. კარის არისტოკრატიებისთვის კი, რომელთაც დროს გატარებდა და ფულის ფლანგვის მეტი სხვა არავითარი საქმე არ ქონდათ, ოჯახი და ქორწინება მეტი ბარგი იყო, ხელის შემშლელი და დამამძიმებელი. ისინი ეკიდებოდნენ ოჯახს უფრო იმისთვის, რომ კანონიერი მემკვიდრე ყოლოდათ, ნამდვილათ კი სრულიადაც არ იცავდნენ მტკიცეთ ოჯახის ფორმებს. ამაზე შეჩერება საჭირო აღარ არის, ყველამ კარგათ იცის, რა შევნიერ მაგალითებს თუ „თავისუფალ სიყვარულის“ აძლევდნენ აზნაურობას თვით მეფეები. სოფლის აზნაურობას ისე აბრაზებდა ასეთი „თავისუფლება“ და ძველი ზნე-ჩვეულების გადაგდება ქალაქელ აზნაურთაგან, როგორც სახელმწიფო ხაზინის ძარცვა-გლეჯა. სამაგიეროთ ქალაქის აზნაურობა მოუხეშაობას, უმეცრებას და უმოქმედობას უკიეინებდა მათ. ორივე მხარე მეტის მეტათ მტრულათ უცქერდნენ ერთმანეთს. მაგრამ, რასაკვირველია, როცა განსაცდელში ჩავარდა ფეოდალური წყობილების საფუძველი, ეს საერთო ნიადაგი, რომელზედაც შეეძლოთ არსებობა როგორც ერთს, ისე მეორეს, მაშინ მტრათ გადაკიდებული ძმები შეერთდნენ; მარა ეს შეერთება ორი წრის არისტოკრატიისა მოხდა მაშინ, როცა უკვე ყველაფერი დაკარგული იყო, როცა ველარაფერი ვერ შეაჩერებდა მესამე წოდების ძლევა-მოსილ მსვლელობას.

ამ ორი წრის არისტოკრატიის გარდა აზნაურობაში ერია არა მცირედი რიცხვი ისეთი პირებისა, რომელნიც განკითხვის დღეს მტრის მხარეს გადავიდნენ და ამით ძირიანათ შეა-

რყიეს ფეოდალური წყობილების საფუძველი. ასეთი პირები გამოვიდნენ უმთავრესათ მდაბალ, საბოლოოთ გალატაკებულ აზნაურებიდან, რომელთაც სასულიერო წოდებაში სამსახური არ მოსწონდათ, სამხედრო სამსახურშიაც ფეხი ვერ მოიკიდეს, ვერც მეფის კარზე შემოსავლიანი ადგილების შოვნა მოახერხეს, და ხშირათ, პირიქით, რაიმე მიზეზის გამო მეფის რისხვაც ქონდათ დამსახურებული. ამათში ისეთებიც ერიენ, რომელთაც ერთნაირათ ეზიზღებოდათ, როგორც კარის აზნაურთა სულმდაბლობა, ისე სოფლის აზნაურთა უფიცობა და მოუხეშაობა. მათ აუცილებლათ მიაჩნდათ არსებული წყობილების დაცემა და გულით თანაუგრძობდნენ ხაღის გაქირვებას. აი ეს ხალხი ამოუდგა გვერდით მესამე წოდებას, შეუერთდა მის ინტელიგენციას, მის პამფლეტისტებს და ჟურნალისტებს, რომლების ძალა და მნიშვნელობაც მესამე წოდების ყოველ გამარჯვებასთან ერთათ სწრაფათ იზრდებოდა. ამნაირათ არისტოკრატიისაგან მესამე წოდების მხარეზე გადავიდა საუკეთესო ნაწილი: შეგნებული, ენერჯის პატრონი, მედგარი და სულით ძლიერი. ჯერ თითო-ოროლა გადადიოდა, შემდეგ კი, როცა მესამე წოდების გამარჯვების ექვი აღარ იყო, ჯგუფობით დაიწყეს გადასვლა მესამე წოდების მხარეზე და ამით მეტათ საგრძნობლათ დაასუსტეს თავის საკუთარი კლასი სწორეთ იმ დროს, როცა მას უკანასკნელი ძალ ღონე უნდა მოეკრიბა, რომ დროებით მაინც გაეგრძელებია თავის არსებობა. ამავე დროს ძველ რეიშს იმ ორმა ბურჟუაც უღალატა, რომლების იმედი ყველაზე მეტათ ქონდა; ეს იყო სასულიერო წოდება და ჯარი.

უმალლესი ადგილები როგორც ეკლესიაში, ისე ჯარში აზნაურობის ხელში იყო, მესამე წოდებას მარტო უნტეროფიცრობის და სოფლის მღვდლების ადგილები ექირა. როგორც ერთის ისე მეორეს დანიშნულება იყო უსულო მანქანათ გაეხადა ისინი, ვისიც დარაჯათ იყვენ მიჩენილი, რომ სიტყვის შეუბრუნებლათ დამორჩილებოდნენ ყოველ ბრძანებას,

რომელიც ზევიდან გამოდიოდა, მარა თითონ ისინი, ვისაც ხელმძღვანელობა უნდა გაეწია ხალხისთვის და მონები უნდა გამოეზარდა გაბატონებულ კლასისათვის, არა ნაკლებ იჩაგრებოდნენ ამ უკანასკნელებისაგან; ეკლესია მაშინ საოცრათ მდიდარი იყო, მას ეკუთვნოდა მეხუთედი საფრანგეთის მიწების და ეს იყო საუკეთესო ნაწილი, რომლის ღირებულება ბევრათ აჭარბებდა დანარჩენ მიწების ღირებულებას, საეკლესიო მამულების ღირებულება ოთხასი ათას მილიონ ლივრამდენად აღიოდა და წლიურათ ას მილიონ შემოსავალს იძლეოდა*). ამას გარდა ათის თავიდან შემოდიოდა სასულიერო წოდებას 123 მილიონი წლიურათ. ამ აურაცხელი შემოსავლიდან, რომლის ანგარიშში არ შედის სხვა და სხვა საეკლესიო კორპორაციების შემოსავალი მოძრავ ქონებიდან, უდიდესი ულუფა ეკლესიის და მონასტრების უმაღლეს თანამდებობის პირთ მიქონდათ**).

სოფლის მღვდლები გამოუთქმელ სიღარიბეში ცხოვრობდნენ, ძველ ქოხებში შიმშილით სული ძვრებოდათ. მიუხედავად ამისა ყველა საეკლესიო მოვალეობის შესრულება მათ კისერზე იყო დაწოლილი. მათ, რასაკვირველია, ფიქრათაც არ მოდიოდათ თავში, რომ ისინი უპირატეს წოდებას ეკუთვნოდნენ.

*) 1791 წ. დეპუტატი ამელო (Amelof) გაყიდულ და გასაყიდ საეკლესიო მიწებს და ტყეებს 3,700 მილიონათ აფასებდა.

**) ერმონსტრანტების ორდენის 599 წევრები იღებდნენ წლიურათ მილიონზე მეტს; ვლიუნის და ბენედიქტეს ორდენები რიცხვით 298 კაცი იღებდნენ 1,500,000 ლივრს. წ. მარის ბენედიქტიანეები—1672 კაცი იღებდნენ 8 მილიონს და ერთი ამდენიც შემოდიოდათ აბბატებს და პრიორებს. მას მიუმატებ ზემოთ აღნიშნული შემოსავალი ეპისკოპოსების და არხიეპისკოპოსების და მაშინ ადვილი წარმოსადგენი იქნება, რა-ცომ იცავდა აზნაურობა მეფის ტახტთან ერთათ სარწმუნოებასა და ეკლესიასაც. პირველის შემწეობით ის ხაზინის ავლადიდებას ეპატრონებოდა, მეორესგანაც ასეთი მსუქანი ულუფა ხვდებოდა!

ეს ხალხი, რომელსაც დიდი ხანია დაეკარგა თავის გაქირვებულ მდგომარეობიდან გამოსვლის იმედი, გალატაკებულნი, ჯაფით წელში გაწყვეტილი, ცხოვრობდა მასავით გალატაკებულ და დაბეჩავებულ მრევლში და მქიდრო ნათესაური კავშირით უერთდებოდა მესამე წოდებას. და აი, ასეთი პირები, რომელნიც თავის შრომის ჯილდოთ მხოლოდ შეურაცხყოფას და დამცირებას იღებდენ, უნდა გამოსულიყვენ და მრევლისთვის უსაზღვრო მორჩილება ექადაგებიათ. ისინი უნდა დახმარებოდენ ხალხის გაყვლეფაში, იმ ხალხის, რომელსაც უკვე ყველაფერი წაგლიჯეს, რის წაგლეჯაც კი შეიძლებოდა, დახმარებოდენ თავის ძმების, მამების გაყვლეფაში ვიღაც სვინდის დაკაგულ მფლანგველებს, რომელნიც წარა-მარა აყრიდენ თავზე თავის გარყვნილ საყვარლებს ათასი და ათი ათასი მშრომელის მწარე ოფლით შენაძენს.

მეორეს მხრით განა შეიძლებოდა რაიმე იმედის დამყარება უნტერ-ოფიცრებზე, რომელთაც არც რიგიანი ჯილდო ეძლეოდათ შრომისთვის და არც სამსახურში აღმატების იმედი ქონდათ, და რომელთაც, მიუხედავად ამისა, ყველა საძინელო და პასუხსაგები საქმეები უნდა აესრულებინათ?! განა ისინი ცეცხლსაც არ მოერიდებოდენ იმ ქკუა თხელ აფიცრების გულისთვის, რომელთაც არც გაეგებოდათ რამე სამსახურის და არც დარდი ქონდათ მისი?!

რამდენათაც უფრო მატულობდა აზნაურობის გაუმადლოება და რაც უფრო მეტი ადგილები ჯარში და ეკკლესიაში მათ განსაკუთრებულ განკარგულებაში გადადიოდა, მით უფრო შორდებოდა მათ ამგვარი „პოლატიკის“ წყალობით უნტერ-ოფიცრები და სოფლის მღვდლები და მესამე წოდების მხარეს გადადიოდა. ამ მოვლენას და მის აუცილებლობას, რასაკვირველია, ვერ აჩწევდენ სამეფოს სათავეში მდგომნი, რადგან ერთათ ერთი მოვალეობა ჯარის და ეკკლესიის მდაბალ მოსამსახურეთა, ეს უსაზღვრო მორჩილება იყო. მით უფრო მოულოდნელი და თავზარ დამცემი რისხვა იყო მათ-

თვის, როცა სწორეთ მათი ბედის გადამწყვეტ წუთებში მათ წინააღმდეგ ამხედრდენ ის ძალები, რომლების დიდი იმედი ქონდათ და ახლა ყველაზე მეტათ საქიროებდენ.

გენერალურ შტატების კრებაზე 1789 წ. თავდაპირველათ წამოყენებულ იქნა დიდმნიშვნელოვანი კითხვა: როგორ უნდა მოხდეს კენჭის ყრა, დეპუტატთა რიცხვის მიხედვით, თუ წოდებათა მიხედვით. პირველი აზრის მომხრე იყო მესამე წოდება, რადგან მას ორჯერ მეტი წარმომადგენელი უავდა, ვინემ პირველ ორ წოდებას. აზნაურობას კი სასულიერო წოდებაზე ქონდა იმედი დამყარებული და თუ წოდებათა მიხედვით ხმის მოკრება გაიმარჯვებდა, მაშინ გენერალური შტატები თელათ მას ჩაუვარდებოდა ხელში. მარა სასულიერო წოდებამ არ გაამართლა აზნაურობის მოლოდინი. მის წარმომადგენლათ იყვენ 48 ეპისკოპოსი და არხი-ეპისკოპოსი, 35 აბბატი და დეკანი და 208 სოფლის მღვდელი. ამ უკანასკნელთა უმრავლესობამ მესამე წოდების მხარი დაიჭირა და ამით დიდათ შეუწყო ხელი დეპუტატთა რიცხვის მიხედვით ხმის მოკრების მიღებას. აზნაურების საქმე ახლა ჯარს უნდა გაესწორებია. მეფე იგონებდა სხვა და სხვა ღონისძიებას, რომლითაც, აშკარა იყო, მხედველობაში ქონდათ სახელმწიფოს გამგეობის უეცრათ გარდაქმნა, მეფის კარზე ყველანი დარწმუნებული იყვენ, რომ საკმაოა პარიზის გასრესა და მაშინ ძნელი დასამორჩილებელი აღარ იქნება გენერალური შტატები, რომელმაც თავი ნაციონალურ კრებათ გამოაცხადა. ამბოხება სულ ადვილათ გამოიწვია ნეკკერის გადაყენებამ (12 ივლისს) მარა ეს ამბოხება მეფის სასარგებლოთ არ გათავებულა, თუმცა უმთავრესათ მისგანვე იყო გამოწვეული. გვარდია ხალხს ძიემხრო, დანარჩენმა პოლკებმაც უარი თქვენ თოფის სროლაზე და აფიცრები იძულებული გახდენ უკანვე წაეყვანათ ჯარი, რომ ისინიც ხალხის მხარეს არ გადასულიყვენ. მარა ხალხი ამითი არ დაკმაყოფილდა. მან თავის მხრივ ზომები მიიღო მოსალოდნელ ხიფათის

თავიდან ასაცდენათ. 13 ივნისს ხალხი შეიარაღდა, 14-ს კი, როცა ხმა გავრცელდა, ბასტილიის ზარბაზნებით სენ-ანტუანის ნაწილს პარიზისას დანგრევას უქადიან და სენდენიდან ახალი ჯარი მოდის ქალაქშიო, მაშინ ხალხმა და გვარდიამ მიწასთან გაასწორა საზიზღარი ბასტილია, რომელიც ციხეც იყო და საპყრობილევც. „ღალატი“ სოფლის მღვდლების და გვარდიის, ეს ორი შესანიშნავი მომენტია საფრანგეთის რევოლიუციაში.

ამნაირათ ჩვენ ვხედავთ, სწორეთ რევოლიუციის ხანებში „რეაქციონური მასსა“ დაქსაქსული და მრავალ სხვა და სხვა ჯგუფებათ დაყოფილი იყო, ერთი მათგანი საიმედო არ იყო, მეორე პირდაპირ უწყობდა მტერს ხელს, მესამე ღრმა კონსერვატორი იყო, მარა მაინც ვერ ურიგდებოდა შეუზღუდველ მონარქიას. და დაეინებით თხოულობდა რეფორმებს სახელმწიფო ფინანსების მოწესრიგებაში; ზოგს საკმაო „განათლება“ ქონდა, მარა იმდენათ შეზრდილიყო არსებულ წყობილების ცარცვა-გლეჯას, რომ ყოველგვარი ფინანსური რეფორმა სიკვდილის მომასწავებელათ მიაჩნდა. ზოგი მტკიცეთ იცავედა თავის უპირატეს უფლებებს, ენერჯიაც დიდი ქონდა, მარა უფიცობის, გაუნათლებლობის და მოუხეშაეობის გამო არ შეეძლო სახელმწიფოს მართვა-გამგეობის თავის თავზე მიღება; ზოგიც კი უფრო შეგნებული, სახელმწიფოს გამგეობის მკოდნე იყო, მარა მშიშარა და სუსტი ხასიათის; ზოგი მედიდურობდა და ძალმომრეობის გზას ადგა; ზოგიც სუსტი, მხდალი იყო და დათმობის გზას ადგა... ყველა ეს ერთი მეორეს მოწინააღმდეგე ელემენტები გამალებული ებრძოდენ ერთმანეთს და ყოველივე ბრალს ახევედენ თავზე, რომ მათი საქმე ასე გაფუქდა. მეფეც ამ მოწინააღმდეგე ჯგუფების გავლენის ქვეშ იმყოფებოდა. დღეს ერთი იყო სასახლესთან დაახლოვებული, ხვალ მეორე მოიპოებდა მაზე გავლენას, ამიტომ დღეს ის თავის ძალმომრეობით აბრაზებდა ხალხს, ხვალ კი ისეთ მხდალობას გამოიჩენდა, რომ ყველას ზიზღს მოგვი-

რიდა. აი ასეთ მდგომარეობაში იყვენ გაბატონებული კლასები რევოლუციის დასაწყისში, — მარა არც მესამე წოდება იყო ნაკლებ დანაწილებული.

III.

ამ ბოლოს დროს რაღაც მოდით გახდა, კაპიტალისტთა კლასს მესამე წოდებას უძახიან და მას პროლეტარიატს უპირდაპირებენ, როგორც მეოთხე წოდებას. მარა ისიც რომ არ მივიღოთ მხედველობაში, რომ პროლეტარიატი სრულიადაც არ წარმოადგენს წოდებას, რომ ის არის კლასი, ე. ი. საზოგადოების ნაწილი, რომელიც სხვა ნაწილებისაგან განირჩევა ეკონომიური პირობებით და არა იურიდიულ უფლებათა შეზღუდვით, მაზე ლაპარაკი, როგორც მეოთხე წოდებაზე, მაინც შეუძლებელია მარტო იმ მიზეზითაც კი, რომ ის უკვე მთლიან შედიოდა მესამე წოდებაში. მესამე წოდებას შეადგენდა ყველა, ვინც პირველ ორ წოდებას არ ეკუთვნოდა. მასში შედიოდნენ არა მარტო კაპიტალისტები, არამედ ხელოსნებიც, გლეხობაც და პროლეტარებიც. ადვილათ წარმოსადგენია, თუ რა ქრელ მასსას წარმოადგენდა ეს წოდება. აქ ჩვენ ვპოულობთ სულ სხვა და სხვა ერთი მეორის მოწინააღმდეგე ჯგუფებს, როგორც მისწრაფებით, ისე ბრძოლის საშუალებით; გარკვეულ კლასობრივ ბრძოლის კი აქ ნასახიც არსად ჩანს.

კლასი, რომელსაც დღეს უმეტეს ნაწილათ მესამე წოდებას უძახიან, ე. ი. კაპიტალისტთა კლასი სრულიადაც არ წარმოადგენდა ერთ მჭიდროთ შეკავშირებულ რაზმს. მის ზევით მსხვილი ფინანსისტები იდგენ; ამათ, როგორც სახელმწიფოს მთავარ მოვალეებს, სრული საბუთი ქონდა ისეთი რეფორმების შემოღება მოეთხოვა, რომელიც დაიფარავდა სახელმწიფოს გაკოტრებისაგან, შეამკირებდა მის ხარჯს და ასწევდა შემოსავალს. მარა ეს რეფორმები, როგორც ერთი

ანდაზა ამბობს, რომელიც უკვე წარსულ საუკუნეში ყველა ზევიდან დაწყებულ სოციალურ რეფორმების სახელმძღვანელო პრინციპათ შეიქნა, ისეთი უნდა ყოფილიყო, რომ „მგელიც მაძლარი ყოფილიყო და ცხვრებიც უვნებელი“. მართლაც, ფინანსისტებს არ შეეძლოთ მტრული თვალით არ შეეხედათ ყოველ რადიკალურ საფინანსო და სოციალურ რეფორმებისათვის. მრავალმა მათგანმა დიდი საფეოდალო მამულები შეიძინა, აზნაურობის ტიტულიც მიიღო და, რა თქმა უნდა, ყველა ამაზე ხელის აღება არაფრათ ეპიტანავებოდა. აზნაურობისთვის პრივილეგიის შერჩენაში ისინი კიდევ უფრო იმ მოსაზრებითაც იყვნენ დაინტერესებულნი, რა მოსაზრებითაც დაინტერესებულია საზოგადოთ კრედიტორი, რომ მისი შოვალე სრულიად არ განადგურდეს. ისინი იყვენ კრედიტორები არა მარტო მეფის, არამედ მთელი დავალიანებული აზნაურობისაც. ეკონომისტები დაბეჯითებით ამტკიცებდენ, რომ სოფლის მეურნეობის შემოსავალი საგრძნობლათ იმატებს, თუ მის წარმოება არა ნახევრათ ფეოდალურ, არამედ წმინდა კაპიტალისტურ ნიადაგზე იქნება აგებულიო. ასეთი ცვლილების მოსახდენათ კი საჭირო იყო სამეურნეო იარაღების, მუშა საქონლის და სხვა მოწყობილობების შექმნა; ამისთვის მიუცილებელია კაპიტალი. კაპიტალი კი აზნაურობის ზუმცირეს ნაწილს ქონდა ხელში, საფეოდალო გადასახადების მოსპობა მათ სრულ გაკოტრებას უქადდა, მათი კრედიტორები კი, რასაკვირველია, ყველაზე ნაკლებ იყვენ დაინტერესებული ხელი შეეწყუთ მათი გაკოტრებისათვის. ბურჟუაზიის უმაღლესი სფერები. როგორც უკვე დავინახეთ, თანდათან უახლოვდებოდა აზნაურობას საზოგადოებრივ ურთიერთობაშიაც. ეს კიდევ არაფერი, ყოველი რადიკალური საფინანსო რეფორმა უთუოთ გამოიწვევდა გადასახადების იჯარით გაცემის მოსპობას და პირდაპირ სახელმწიფო ბაჟების შემოღებას. სახელმწიფოს უმთავრესი შემოსავალი, როგორც მარილის და მაგარი სასმელების ბაჟი, სატარიფო გადასახადი, თამბაქოს მო-

ნაპოლია, — ყველა ეს იჯარით იცემოდა. მოიჯარადრეები ყველა ამაში სახელმწიფოს აძლევდენ, (რევოლიუციის წინა წლებში) 166 მილიონ ლივრს, ხოლო ხალხს კი თითქმის ამაზე ორჯერ მეტს ახდევინებდენ; საიჯარო სისტემა ხალხის ცარცვა-გლეჯის, ექსპლოატაციის საუკეთესო საშეალება იყო და განა ბ. ბ. ფინანსისტები ნებაყოფლობით აიღებდენ ხელს ასეთ გემრიელ ლუკმაზე? განა შესაძლებელი იყო, რომ თვით ისინი გამოსულიყვენ მის წინააპლმდეგ?! არ შეიძლებოდა აგრეთვე მათ იმის ინტერესი ქონოდათ, რომ სახელმწიფოს დეფიციტები მოსპობილიყო, და ამით მის დავალიანებას ბოლო მოღებოდა. ისინი მხოლოდ ერთ ნაწილს იტოვებდენ სახელმწიფოს ვალის ბარათებისას, დანარჩენ უმეტეს ნაწილს კი საკმაოდ დიდ ფასებში ასაღებდენ „საზოგადოებაში“, საშუალო და წვრილ კაპიტალისტებზე, სახელდობრ რანტიებზე. ამნაირათ ფინანსისტები ახერხებდენ სახელმწიფოსაგან ახალ-ახალი სესხას აღების დროს მთელი „რისკი“ სხვისთვის დაეტებათ თავზე, სარგებლობა კი, რომელსაც ისინი ღებულობდენ სახელმწიფოსა და საზოგადოების ექსპლოატაციით მეტათ დიდი იყო, ყოველი ახალი სესხი უხვ სამკალს აძლევდა ფინანსისტებს. მათთვის არაფერი არ იყო ისე საწყენი, როგორც სახელმწიფოს ხარჯთ-აღრიცხვის, ანუ ბიუჯეტის უდეფიციტო შედგენა, რადგან მაშინ ახალი სესხის აღება საჭირო აღარ ხდებოდა. და რა გასაკვირველია, რომ ასეთ პირობებში უშაღლეს ფინანსისტთა წრეების კლასობრივი სიმპატია ძველი წყობილების, ე. ი. წოდებრივ უპირატესობაზე აგებულ სახელმწიფოს მხარეს ყოფილიყო. ისინი, მართალია, გაიძახოდენ რეფორმებია საჭიროო, მარა, ისიც უნდა ვთქვათ, ვინ არ ყვიროდა ამას რევოლიუციის წინა ხანებში? ძველი, დახვესებული არისტოკრატიაც რო ავიღოთ, ისიც კი იყო დარწმუნებული, რომ თანამედროვე მდგომარეობა აუტანელი იყო და რეფორმები აუცილებლათ უნდა მომხდარიყო; ერთი სიტყვით, არსებულ წესწყობილებით ყველა

უკმაყოფილო იყო, მარა ყოველ კლასს ისეთი რეფორმებო უნდოდა, რომელიც მას რაიმე სარგებლობას მოუტანდა და არა ზარალს.

მიუხედავად ამისა ფინანსისტები, რასაკვირველია, თავის-და უნებურათ ძლიერი პოლიტიკური აგიტატორები გახდნენ. სწორეთ მათი მეოხებით იყო, რომ სულ მშვიდობიანი, უწყინარი მცხოვრებლებიც კი თავისუფლებაზე ოხვრას მოყვენ-მსხვილი კაპიტალი იმ ვეებერთელა არხს ემსგავსებოდა, რომელსაც ერთი მხრით სახელმწიფოს ვალდებულობის ბარათები გაქონდა ხალხში და მეორე მხრით კი ხშირ ხშირათ სენსებით მოტყუილებულ საშუალო და წვრილ კაპიტალს აგროვებდა სასახლის კარზე, რომელნიც შემდეგ სასახლის მსახურთა უძირო ჯიბეში უნდა გამქრალიყო. წვრილი და საშუალო კაპიტალისტები ნელ-ნელა სახელმწიფოს კრედიტორებათ ხთებოდნენ. ამ ჯურის ბურჟუას, სრულიადაც არ აინტერესებდა მართველობა და მისი მოქმედება. ფილისტერისთვის პოლიტიკა მეტი ბარგია, ფუჭი საქმე, რომელსაც სარგებლობა არაფერი მოაქვს, ხოლო ხანდახან ფულს და დროს კი აკარგვინებს. ის ასე მსჯელობს: ყველამ თავის საქმე უნდა აკეთოს, და იმას არ ეძებდეს, რაც მის გარშემო ხდება. პოლიტიკა მეფის საქმეაო. ფილისტერის ინდიფერენტიზმი, გულგრილობა ყველაფერში, „რაც მას არ ეხება“, რა თქმა უნდა კიდევ უფრო ძლიერი უნდა ყოფილიყო ისეთ შეუზღუდველ მონარქიაში, როგორიც იყო საფრანგეთი რეგოლიუციამდის: როცა პოლიციის ორგანიზაცია კარგათ შემუშავებული იყო და პოლიტიკაში გარევა დანაშაულობათ ითვლებოდა. მარა საქმე სულ სხვარიგათ დატრიალდა, როცა ის სახელმწიფოს კრედიტორი შეიქნა და თან შიშიც დაებადა სახელმწიფო არ გაკოტრდესო. ესლა პოლიტიკა ფუჭი საქმე აღარ იყო, პირიქით ის მეტათ დიდმნიშვნელოვანი შეიქნა და აი ბურჟუასთვისაც სახელმწიფოს მართვა-გამგეობის საკითხებს ღრმა ინტერესი მიეცა. დიდი გამჭირახობა არ უნდოდა იმის მიხვედ-

რას, რომ უმთავრესი მიზეზი ასეთ „საშიში მდგომარეობისა პრივილეგიებით აღჭურვილი კლასები იყვნენ, რადგან ისინი იჭირავდნენ სახელმწიფო შემოსავალს. და სრულიად არაფრით არ უწყობდნენ ხელს მის ზრდას: ამიტომ ბურჟუა სულ ადვილათ გადავიდა უკიდურეს ოპოზიციაში და თანასწორობისა და თავისუფლების სიყვარულით აღგზნო. ის ოპოზიციაში უნდა ჩადგომოდა წარჩინებულთა კლასს არა მხოლოდ იმიტომ, რომ სახელმწიფოს კრედიტორი იყო, არამედ იმიტომაც, რომ ის ვაჭარი და მრეწველი იყო. როგორც ვაჭარს და მრეწველს მას არ შეეძლო სხვანაირათ მოქცეულიყო.

რადგან უმაღლესი თანამდებობები ჯარში და ფლოტში ხელში ეჭირა მარტოთ აზნაურობას, რომელიც შესაჩინევად დაკნინებული იყო როგორც ზნეობრივად, ისე ფიზიკურათაც, ამიტომ საფრანგეთის სამხედრო ძლიერება ნელ-ნელა ეცემოდა. მე-18 საუკუნის განმავლობაში საფრანგეთს თითქმის არც ერთი ომი არ ჩაუტარებია ისე, რომ ან თავის აღებ მიცემობა არ ჩაეგდო მეტად საზარალო პირობებში, ან და ახალშენები არ დაეკარგა: საკმაოა მოვიგონოთ ზავი უტრეხტის (1718), აქენის (1748), პარიზის (1763) და ვერსალის (1783). ხოლო გონიერი საახალშენო პოლიტიკა ერთი უმთავრესი პირობათაგანია საგარეო აღებმიცემობის აყვავებისა. საშინაო აღებ-მიცემობა კი მეტად შევიწროებული იყო სხვა-და-სხვა ძველის-ძველ ფეოდალურ უფლებებით. ზოგიერთი პროვინციები წარმოადგენდნენ, ასე ვთქვათ, „სახელმწიფოს სახელმწიფოში“. ისინი განცალკევებული იყვნენ სახელმწიფოს დაწარჩინ ნაწილებისაგან საკუთარი კანონებით, მმართველობით, სადამოყენო გადასახადებით და სხვ. თუ ამას დავძენთ, რომ სავაჭრო დაწესებულებები ფეოდალთა სასამართლოს ექვემდებარებოდნენ, რომ ყველა იმ ადგილებისთვის, რომელიც ვაჭრებს ეჭირათ, ბაჟს ახდევინებდნენ, ხიდებზე და გზებზე გადასახადს კრეფდნენ და სხ. და სხ.; მაშინ ადვილათ გასაგები იქნება ის ფაქტი, რომ შინაური აღებმიცემობა საფრანგეთში

თითქმის არც კი არსებობდა. საქონელი, რომელიც ჩინეთიდან და იაპონიიდან შემოქონდათ და რომელიც იმ სიშორიდან მშფოთვარე და მეკობრეებით სავსე ზღვაზე იყო გამოტარებული, მხოლოდ სამჯერ თუ ოთხჯერ მეტ ფასში იყიდებოდა. ღვინო კი, რომელიც ორლენიდან მოქონდათ ნორმანდიაში, ოცჯერ მეტათ ძვირი მაინც ჯდებოდა, რადგან გზა-გზა სხვა და სხვა ბაყებს ახდევინებდნენ. ასე განსაკუთრებულად შევიწროებული იყო ღვინის ვაჭრობა, რომელიც საფრანგეთის მრეწველობის უმთავრეს დარგს შეადგენდა. ბორდოს მიდამოების მევენახეებს მაგ. აღკრძალული ქონდათ ამ ქალაქში, თუ არ თავისავე ბაღში მოწეულის, სხვა ღვინით ვაჭრობა. ამგვარათ ღვინით უმდიდრეს ადგილებს: ლანგდოკს, პერიგორს, აუენუას, კერსის, რომელთა წყლები ბორდოს გვერდზე ჩადიოდნენ, თავიანთი ქირნახულის გასაღების უფლება ჩამორთმეული ქონდა ბორდოს მევენახეების სასარგებლოდ. არც ის უნდა დავივიწყოთ, რომ საფრანგეთში მიმოსვლის საქმე მეტათ ცუდ მდგომარეობაში იყო. გზების შესაკეთებლათ სახელმწიფო არაფერს იძლეოდა და ჩვეულებრივი საგლებო ბეგარით კი მათი რიგიანათ შენახვა არ შეიძლებოდა. აღებმიცემობის ასაყვავებლათ საჭირო იყო აზნაურთა პრივილეგიების მოსპობა, ფლოტის და ჯარის რეორგანიზაცია, ცალკე პროვინციების პარტიკულიარიზმის მოსპობა, შინაურ საქონელზე დადებულ ბაჟის გაუქმება, მეფისგან იყო იგი დადგენილი თუ ფეოდალისაგან, ერთი სიტყვით, ვაჭრობის ინტერესი თხოულობდა „თანასწორობას და თავისუფლებას“.

მარა მარტო ვაჭრები არ იყვნენ ამ დღეების თაყვანისმცემლები. რევოლიუციის წინა ხანებში სახელმწიფოს თავის გამდიდრების საუკეთესო საშუალებათ ვაჭრობა-მრეწველობის ამა თუ იმ დარგის მონოპოლიზაცია ქონდა, ან კიდევ ამ მონოპოლიის რამდენიმე ბედნიერ პირთათვის მიყიდვა, ე. ი. მათთან ერთათ იმ შემოსავლის განაწილება, რომელიც მოწი-

მარებელ საზოგადოების უსაზღვრო ექსპლოატაციისგან შემო-
დიოდა. ყველაზე უფრო ხელსაყრელი ამ მხრით კოლონიების
დიდი სავაჭრო საზოგადოებების მონოპოლია იყო. ამასთანავე
სხვა და სხვა ქალაქებში არსებობდა კიდევ სავაჭრო მონოპო-
ლიები, რომელიც ამქრების მსგავსათ მწყობილ სხვა და სხვა
კორპორაციებს ეკუთვნოდა. ერთი ასეთი კორპორაცია ტიურ-
გოს რეფორმებსაც გადაურჩა. ეს იყო ღვინით მოვაჭრეთა
ცეხი პარიზში. გასაკვირველი არაა, რომ ის ხალხი, რომელიც
ამ პრივილეგიებით სარგებლობდა, თუმცა თვითონ მესამე წო-
ლებას ეკუთვნოდა, მარა მაინც სახელმწიფოს ძველ წყობი-
ლების მომხრე იყო, მრეწველობა-ვაჭრობაზე არა ნაკლებ შე-
ვიწროებული იყო ძველი რეჟიმით. მთავრობას ეს, რასაკვი-
რველია, მითი კი არ მოდიოდა, რომ მისი მოსპობა სურვე-
ბოდეს; წინააღმდეგ, ის ყოველი ღონით ცდილობდა მფარ-
ველობა გაეწია მისთვის. კაპიტალისტური წარმოების აყვავება
სახელმწიფოს სიმდიდრის ერთ უმთავრეს წყაროთ ითვლებო-
და და ამიტომაც მას მფარველობას და დანხარებას უწევდენ.
რადგან ხელოსანთა ამქრები ყოველი ღონით ცდილობდენ
სხვა და სხვა დაბრკოლებები დაედვათ წინ კაპიტალისტური
წარმოებისთვის, რომლის მეტოქეობა მათ მეტათ არა სასი-
აზროთ ურჩებოდათ, ამიტომ მეფეებმა მიიღეს ის თავის საკუ-
თარ მფარველობის ქვეშ. ამქრების მოსპობა და ამნაირათ მათ-
გან ყოველივე დაბრკოლების სამუდამოთ თავიდან მოშორება,
მეფეებს, რასაკვირველია, ფიქრშიაც არ მოდიოდათ, რად-
გან, როგორც ქვევითაც დავინახავთ, ამქრობის მოსპობით
ისინი კარგ შემოსავლის წყაროს კარგავდენ. სამაგიეროთ ისინი
აძლევედენ სხვა და სხვა მანუფაქტურებს ღრამოტებს, რომლის
ძალით უკანასკნელნი თავისუფალი ხდებოდენ გადასახადებისაგან
და სხვა და სხვა ამქრული და ფეოდალური ზღუდეებისაგან.
ასეთ პრივილეგია-მოპოვებულ მანუფაქტურას, „კოროლის
მანუფაქტურას“ ეძახდენ. მეფეები ამით არ კმაყოფილდებო-
დენ. რომ მანუფაქტურას საუკეთესო ღირსების საქონელი

ენარმოებია, მწარმოებელი ვალდებული იყო ცოდნოდა საუკეთესო წესი წარმოებისა და ასეთი წესის შემოღება და ხმარება სავალდებულო იყო ყველასათვის განსაკუთრებულ რეგლამენტების ძალით. შესაძლებელია, მანუფაქტურულ წარმოების პირველ დაწყებით ხანაში ასეთი ზომები სასარგებლოც იყვენ მისთვის, მარა საქმე სულ სხვა გვართ დატრიალდა მე 18-ე საუკუნის მეორე ნახევარში, როცა სამანუფაქტურო წარმოება სწრაფათ გაიზარდა და განვითარების უმაღლეს საფეხურზე ავიდა, ახალი წარმოებისთვის მეტათ ხელის შემშლელი იყო, ის გარემოება, რომ მხოლოთ მეფის მიცემულ პრივილეგიას შეეძლო მისი დაცვა ხელოსანთა ამქრების შევიწროებისა და საჩივრებისაგან, ყოველგვარი რეგლამენტები კი პირდაპირ აუტანელი შეიქნა. იმის მაგიერ, რომ წარმოების საუკეთესო წესის გავრცელების საშვალეება ყოფილიყო, ის ახლა ძველ, გამოუღეგარ წესის შერჩენის საშვალეებათ გადაიქცა. მე-18-ე საუკუნის მესამოცე წლებში დაიწყო ტეხნიკური რევოლიუცია, რომელმაც მანუფაქტურა ქარხანათ შესცვალა და შექმნა ჩვენი დროის მსხვილი წარმოება. წინეთ, მანუფაქტურულ წარმოებაში წარმოების წესი და იარაღები მეტათ იშვიათათ იცვლებოდა. ახლა კი ყოველი ახლათ ამოჩენილი იარაღი სულ მალე იღვენებოდა უფრო ახალი იარაღებით. ეს გაუზღობესებული და ახალი საშვალეებები ინგლისში დაუყოვნებლივ შედიოდა მოქმედებაში და რომ საფრანგეთს შეძლებოდა ინგლისთან მეტოქეობის ატანა, ისიც არ უნდა ჩამორჩენოდა ტეხნიკურ პროგრესს.

ამ ნაირათ ბიუროკრატიული რეგლამენტების და ამქრული ზღუდეების მოსპობა წაგებ-მოგების საკითხი კი აღარ იყო, არამედ ეს იყო საკითხი, რომელსაც უნდა გადაეწყვიტა საფრანგეთის კაპიტალისტური წარმოების სიკვდილი ან სიცოცხლე. მარა ტყუილათ ცდილობდა ტიურგო (1776 წ.) ამ ძველი ნაშთების მოსპობას. „უპირატესმა“ წოდებამ კარგათ იცოდა, რომ რაკი რეფორმა ერთხელევი დაიწყებოდა,

ის მერე აღარ შეჩერდებოდა. ამიტომ მათ დასცეს ტიურგო და ამნაირათ ჩათუშეს რეფორმების საქმე. მსხვილი წარმოების შემხუთაფი ჯაჭვების დასამსხვრევათ ერთი გზა ლა დარჩა: რევოლიუცია.

მწარმოებელ კაპიტალისტების არა მცირედი რიცხვი იყო დაინტერესებული დაეცვა ძველი რეჟიმი თავის პრივილეგიებიანა. კაპიტალისტური წარმოება, ისე როგორც ვაჭრობა, თავდაპირველათ უმთავრესათ მდიდართა მოთხოვნილების— ფუფუნების დამაკმაყოფილებელი იყო, მით უმეტეს, რომ ეს წარმოება მეფის მფარველობის ქვეშ იმყოფებოდა და, შეიძლება ვთქვათ, მარტო სასახლისთვის არსებობდა. საფრანგეთის მანუფაქტურა აწარმოებდა აბრეშუმეულობას, ხავერდს, არშიებს, ნოხებს, ფარფორს, პურს, ქალაღს (ასი წლის წინეთ ქალაღი ჯერ კიდევ მხოლოდ მდიდართა ხელმისაწვდომი იყო) და სხვ... ყველა ეს საქონელი უმთავრესათ კარის აზნაურებსა და უპირატეს წოდებაში საღდებოდა. მათი შემოსავლის შემცირება მწარმოებელ კაპიტალისტების ერთი ნაწილისთვის დიდათ საზიანო იყო და იმიტომ რევოლიუცია მათ შორის მაინც და მაინც დიდ სიმპატიას არ იწვევდა. ფრიაღ შესანიშნავია შემდეგი ფაქტი: როცა 1793 წელში რევოლიუციის მოწინააღმდეგეებმა იარაღს მოკიდეს ხელი, ამ საქმეს ყველაზე ჩამორჩენილ ვანდეასთან ერთათ, რომელშიაც საესებით იყო დარჩენილი ფეოდალური მეურნეობა სათავეში დაუდგა ლიონი, პირველი სამრეწველო ქალაქი სახელმწიფოში, შესანიშნავი თავის აბრეშუმის და ოქროს ქსოვილების წარმოებით. ჯერ კიდევ 1790 წელში აქაურმა სასულიერო წოდებამ და აზნაურობამ სცადეს აჯანყების მოხდენა, და ამის შემდეგაც დიდხანს ეს ქალაქი კათოლიციზმის და ლეგატამიზმის უმთავრეს სიმაგრეს წარმოადგენდა. 1795 წელშიაც, როცა იაკობელების ბატონობა დაეცა, პარიჟის ბურჟუაზია სრულიადაც არ ფარავდა თავის როიალისტურ და ანტირესპუბლიკურ სიმპატიებს. მარტო მის ნებაზე რომ ყოფი-

ლიყო საქმე დამოკიდებული, ის მაშინვე აღადგენდა ლეგიტიურ მონარქიას და არისტოკრატ-ემიგრანტების სამშობლოში დაბრუნებაზედაც იზრუნებდა.

IV

არა ნაკლები წინააღმდეგობა იყო გამეფებული ხელოსანთა შორის. ამქრული ორგანიზაცია კარგა ხანია რაც ერთ წერტილზე იყო გაყინული. ის გადიქცა საშეაღებათ—მთელი სახელოსნო წარმოება რამდენიმე არჩეულთა ხელში გადასულიყო. ის შეიქნა პრივილეგია ოსტატისა, განსაკუთრებული უფლება მისი. რამდენათ პატარა იყო და ვიწრო ამ არჩეულ პირთა სამოქმედო ასპარეზი, იმდენათ ადვილი იყო და ხელსაყრელი ქარგლების და მხმარებლების ექსპლოატაცია. ქარგლის ოსტატთა წოდებაში გადასვლა თითქმის შეუძლებელი გახდა. ოსტატთა გახდომისათვის საჭირო იყო: ქარგალი ან ოსტატის შვილი უნდა ყოფილიყო, ან უნდა შეერთო რომელიმე ოსტატის ქალი; ანდა ოსტატის ქერივზე უნდა დაეწერა ჯვარი. რომ ვინმე გარეშეს ოსტატის უფლება მიეღო, ეს შეზღუდული იყო არა მარტო ათასგვარი პირობებით, არამედ გარემოცული იყო იმ გვარი მოთხოვნილებებით, რომლებიც შეუძლებლათ ხდიდენ დასახელებული უფლება მიეღოთ. ხშირათ ამქრული ორგანიზაცია ისე კარჩაკეტ ილი იყო, რომ განსაზღვრულ წევრებზე მეტის მიღება არც კი შეიძლებოდა. ოსტატები ძლიერ ცდებოდენ, თუ იმას ფიქრობდენ, რომ განუსაზღვრელ, პოლიციურ სახელმწიფოში შეიძლება მონოპოლიის შერჩენა მხოლოდ მარტო თავის სასარგებლოთ. ძველი სამეფო უკანონოთ თვლიდა რომელიმე მცირე ჯგუფს მონოპოლიის საშეაღებით ეყვლიდა ხალხი და მისთვის ე. ი. ძალის წარმომადგენლისთვის არაფერი ერგუნებია. უფლება ოსტატის წოდების მოწმობის გაცემისა—რა თქმა უნდა კარგს ფასებში—გვირ-

გვინის მონოპოლიათ იქნა აღიარებული. მანვე იგდო ხელ-
ში უფლება საამქრო გამგეობის წევრების დანიშვნისა. თუ
ამქრები მოისურვებდნენ შეენარჩუნებიათ თავის პრივილეგიე-
ბი, ამ შემთხვევაში მათ გვირგვინოსნისთვის უნდა ეძლიათ
აუარებელი ფულები. აქ დაწესებული ფასები არ არსებობდა,
არამედ რამდენსაც და როცა გვირგვინი მოისურვებდა, ეს ე. ი.
როცა ტახტი ფულს საჭიროებდა*). ოსტატები ძლიერ მოწადი-
ნებული იყვნენ დაეცვათ პრივილეგიები და ძველი სახელმწიფო
წყობილება: ისინი, როგორც ყველაზე ნაკლები პრივილეგიის
მქონე, მსხვერპლი უნდა შექნილიყვნენ რეფორმაციის პოლი-
ტიკისა. ტიურგოს რეფორმების პირველი ისარი მართლაც
მათ მოხვდათ გულში ყველაზე უწინ. სულ წინააღმდეგ პი-
რობებში იმყოფებოდნენ ქარგლები: მათ შეადგინეს ცალკე
წოდება განსაკუთრებულ წოდებრივი ინტერესებით. ისინი
დაქირავებულ პროლეტარებათ არ თვლიდნენ თავიანთ თავს.
ხელი-ხელ ჩაკიდებული ისინი ერთათ მოქმედობდნენ იმ ოს-
ტატებთან, რომლებიც ამქრულ ორგანიზაციას არ ეკუთვნო-
დნენ, და რომელზედაც ქვევით გვექნება ლაპარაკი. თვითეუ-
ლი ქარგალი იმას ნატრობდა და ოცნებობდა, რომ რამე
ნაირათ ოსტატი გამხდარიყო, რასაც ეწინააღმდეგებოდნენ
არა ეკონომიური პირობები, არამედ პოლიტიკური დაწესე-
ბულებანი. ისინი ცდილობდნენ შეეცვალათ არა წარმოების
ფორმა, არამედ ზოგიერთი შემავიწროებელი კანონები; მათ
არ უნდოდათ მომსპარიყო სახელოსნო სისტემა წარმოებისა
და ახალი, უკეთესი შემოეღოთ; ისინი ცდილობდნენ სახე-
ლოსნო შრომის ორგანიზაცია შეეცვალათ და გადაესხვაფე-
რებიათ. ისინი მეტათ მტრულათ უყუყუებდნენ ამქრის ოსტა-
ტებს. ამავე დროს კი სულით და გულით შეტრფოდნენ ოს-

*) ჰენრიხ მესამემ 1581 წელს გამოაცხადა, რომ არავის არა აქვს
ნება ოსტატათ გახდომისა, ვინც არ იყიდის მეფისაგან ამ წოდების მო-
წმობასა.

ტატათ გამხდარიყვენ, სხვა ოსტატებთან დამჯდარიყვენ, რომელთა რიცხვიც თანდათან იზრდებოდა და მატულობდა.

რევოლიუციის დაწყებამდე სამეფოში იყო ისეთი ადგილები, სადაც ამქრული წყობილება არ იყო შემოღებული. თავდაპირველათ ამქრული ორგანიზაცია თითონ ქალაქებში განმტკიცდა და გამაგრდა; სოფლებში არ იყო გავრცელებული. ქალაქებთან მახლობლათ მდებარე ზოგიერთი სოფლები თუმცა შეუერთდნენ ქალაქებს, მაგრამ დღევანდლამდე შეინარჩუნეს თავისუფლება და დამოუკიდებლობა. როცა ლიუდოვიკო XIV მეფობის დროს მძვინვარებდა საშიშარი სილატაკე და სიღარიბე იმ ხელოსანთა შორის, რომელნიც ამქარს არ ეკუთვნოდნენ და რომელთა ზიზღი ამქრის წინააღმდეგ საკმარისათ გაიზარდა, მთავრობამ მოინდომა დაემშვიდობია აღელვებული ხალხი იმით, რომ გააფართოვა ამ ადგილების პრივილეგიები. განსაკუთრებით ბედნიერ ყუფაში დარჩა პარიეის უბნები; სენტანტუანის და du Temple. ყველა ქარგალი, რომელიც ოცნებობდა დამოუკიდებლობაზე და არავითარი იმედი არ ქონდა ამქრის ოსტატათ გამხდარიყო, გაეშურა ამ მიდამოებისაკენ. რამდენათ ძლიერდებოდა მათი რიცხვი, იმდენათ იზრდებოდა მათ შორის კონკურენცია, იმდენათ მეტი უკმაყოფილებით ემორჩილებოდნენ სახელმწიფოს მიერ შემოღებულ ზომებს; იმდენათ მეტ ზიზღს და შურს გრძნობდნენ იმ ოსტატთა მიმართ. რომელნიც შეძლებულათ ცხოვრობდნენ. იქ, სადაც ამქრული წყობილება არ იყო შემოღებული, კაპიტალისტები აშენებდნენ მანუფაქტურას. იქ ყველაზე ადრე იზოვიდნენ იმას, რასაც მეტათ საჭიროებდნენ—გამოცდილ და მცოდნე მუშებს, რომელთაც როგორც უნდოდათ ისე გაყვლდნენ. ამგვარათ, სხვა ათას წვრილ ოსტატთან და ქარგალთან ერთათ აქ ვხვდებით აუარებელ დაქირავებულ მუშებს, რომელნიც ხელოსნებიდან იყვენ გამოსული და მათ აზრებს ეთანხმებოდნენ. პრო-

ლეტარიატი, როგორც დამოუკიდებელი კლასი რევოლიუციამდე არ არსებობდა.

ამ ელემენტებს უერთდებოდნენ სხვებიც, რომლებიც ინტერესებიც არ ეწინააღმდეგებოდნენ მათ ინტერესებს, როგორც მაგალითათ წვრილი მოვაჭრენი და სხვა. თუმცა ძლიერ აქრელებული იყო ეს მასსა, მაგრამ მას მაინც ერთი მისწრაფება და ლტოლვილება ქონდა.

ის გამსქვალული და გაქვინთალი იყო საშიშარი სიძულვილით არა მარტო პრიუილეგიების მქონე წოდების მიმართ: არისტოკრატის, სამღვდელოების და ამქრის ოსტატების, არამედ ბურჟუაზიის მიმართაც, რომელიც ყვლდედა მას როგორც ვაჭარი, ჩარჩ-ბაცაცი და წურბელი. მაგრამ მაინც მიუხედავად ამ სიძულვილისა, რომელიც ხანდახან გამოხეტქდა თავის მწვავე შედეგებით, სანკიულოტები ისეთი სოციალისტები იყვენ, როგორც დღეს მაგალითად ანტისემიტებია. რასაკვირველია, ამით ჩვენ ის კი არ გვინდა ვთქვათ, რომ სანკიულოტები და ანტისემიტები სხვა რამეებშიაც ერთმანეთს გავდენ. ანტისემიტში იმდენათ უახლოვდება სანკიულოტობას, როგორც უილაჯო გაჯაერება დახავსებულ მოხუცებულისას, რომლითაც ის ზიზღს უცხადებს ცხოველ-მყოფელ აღფრთოვანებას და მოქმედებას მხნეობით სავსე ახალ გაზღობისა.

სრულიად არ უნდა ესმოდეს კაცს საქმის გარემოება, რომ სანკიულოტები პროლეტარებათ ჩასთვალოს, ამ სიტყვის დღევანდელი მნიშვნელობით, შეუფარდოს ისინი მხვილ მრეწველობაში დაქირავებულ მუშებს და მიაწეროს მათ უკანასკნელთა ტენდენციები, როგორც ჩადიან პრუსიის შკოლის ისტორიკოსები ზიბელიდგან დაწყებული ონკენ და მარელოლცამდე. ამგვარი აბდაუბლობა და გაუგებრობა ძლიერ შეუშლის ხელს გაცნობას არა მარტო ამ ელემენტებისას, არამედ მთელი რევოლიუციისას, რომელზედაც დიდი გავლენა ქონდათ მათ. ძველ სახელმწიფოს პოლიტიკამ ერთათ მოუყარა თავი საფრანგეთის ყველა ძლიერ და თავდადებულ ელემენ-

ტებს პარიეში, რომლებიც არას დაკარგავენ და ყველაფერი კი უნდა შეეძინით. გასაკვირიც არაა, რომ პარიეს ეს ადგილები სული და გული იყო რევოლიუციის. ისინი გაბატონდნენ პარიეზე და პარიეს შემწეობით—მთელ საფრანგეთზე. მათთვის რევოლიუცია არ დასრულებულიყო მარტო პარიელელების უარის ყოფით: ისინი კიდევ შორს უნდა წასულიყვნენ და რევოლიუცია მუდმივად უნდა აღეარებინათ. მათ არ შეეძლოთ დამშვიდებულიყვნენ, იმისთვის რომ მათი მისწრაფებანი ეწინააღმდეგებოდნენ ნამდვილ და სწორ მსვლელობას კაპიტალისტურ ფორმის განვითარებისას, რომელსაც თითონ გაუკაფეს გზა; ამასთან მათ არ შეეძლო კაპიტალისტური ფორმა წარმოებისა შეეცვალათ და სხვა უმაღლესი ფორმა შემოეღოთ. საამისოთ დრო ჯერ კიდევ არ დამდგარიყო. მათი მიზნის განხორციელება—ყველას და თვითვეულის კეთილდღეობა, შრომის საფუძველზე ამოცნებული,—შეუძლებელი იყო, ვერ თავსდებოდა კაპიტალისტურ მეურნეობის მსწრაფლ განვითარებასთან ერთად. მხოლოდ მუდმივ, განუწყვეტელ რევოლიუციას თუ შეეძლო ხელი შეეშალა მოზარდ კაპიტალისტურ წარმოებისათვის, მით რომ ძალით ჩაერეოდა საზოგადოებრივ—ეკონომიურ ცხოვრებაში, დააწესებდა მაქსიმალურ ფასებს აუცილებელ საქირო საგნებზე, დასჯიდა სპეკულიონტებს, ჩარჩ-ბაცაცებს, დროიძეებს, მოიჯარადრეთ... მაგრამ ამხედრებულიყვენ ბოროტების ძირის კაპიტალისტურ წარმოების—წინააღმდეგ მათ არ შეეძლოთ: ის ცხრა თავიანი დევი გახთა, რომელსაც რამდენათ მეტ თავს ქრიდენ იმდენათ ჩქარა ახალ-ახალი თავეზი ესხმოდა. სანკიულოტების მდგომარეობა მეტათ უნუგეშო იყო. ისტორიამ არგუნა მათ უფლება, მაგრამ არავითარი საშეალება არ მიუცია მტკიცე და გამოსადეგი დაწესებულებები შემოეღოთ.

რევოლიუციასთან კავშირის გაწყვეტა ნიშნავდა იმას, რომ ისინი თავის ნებით უნდა დამორჩილებოდნენ იმ სიღატაკეს, რომელსაც კაპიტალისტური წარმოება უმზადებდა ხელო-

სნებს, წვრილ ვაჭრუკანებს და პროლეტარებს, ეს ნათელი იყო, როგორც მზიანი ღღე. მათ ეს შეიგნეს. მათ დარჩენილათ ერთათ ერთი: კლილიყვენ შეენარჩუნებიათ. უფლება რამდენათ მეტ წინააღმდეგობაში ვარდებოდენ ისინი თანამედროვე წარმოების განვითარების გამო, რამდენათ მათი მისწრაფებანი ეწინააღმდეგებოდენ სხვა დანარჩენ კლასების ინტერესებს, იმდენათ მათ უნდა ესარგებლათ ერთათ ერთი შეჩინილი იარაღით—ტერორით; იმ იარაღით, რომლის ხმარება აუცილებელი იყო სამხედრო წესების გაძლიერების გამო.

მარა ყოველთვის განაგო და მართო ქვეყანა ერთნაირი საშვალეებით არ შეიძლება. განუწყვეტელი რევოლიუცია ნიშნავდა განუწყვეტელს ბრძოლას: საფრანგეთი ებრძოდა გარეშე სახელმწიფოებს, პარიჟი-პროვინციებს, გადატაკებული უბანი-შეძლებულებს. დაბოლოს ეს ნიშნავდა შინაურ ბრძოლას „რევოლიუციონურს მასსაში“. განუწყვეტელ და მუდმივ ბრძოლაში რევოლიუცია დაიქანცა და ადგილი დაუთმო ზურჯუზიას, რომელიც მიუხედავად ათასი დაბრკოლებისა, საათობით იზრდებოდა. მან მიიმხრო შიშველი და მშიერი ხალხი და ჯარიც დაიხსლოვა. ჯარი გლეხი-კაცებიდან შედგებოდა, რომლის ინტერესები განსხვავდებოდენ წვრილ მოქალაქეთა და პროლეტარიატის ინტერესებისაგან.

ამ დამარცხებას, რომელსაც თან მოყვა, 27 ივლისს 1794 წელს, რობესპიერის გადაყენება, და რომელსაც მოაწერეს ხელი და დაამტკიცეს 24 მაისს 1795 წელს,—ამ დამარცხებას უწოდებენ რევოლიუციის დამხობას. ვითომც ისტორიული მოვლენა, ნამდვილ საზოგადოებრივ ურთიერთობაზე აღმოცენებული შეიძლებოდეს „დაემხოს“! რომელიმე საქმე, კერძო პირების მოფიქრებული, შეთქმულობა-აჯანყება, შეიძლება მართლაც დამხობით გათავდეს, მარა არას შემთხვევაში ეს არ ითქმის ისტორიულ განვითარების შესახებ, რომელიც მხოლოდ მაშინ იქცევა რევოლიუციათ, როცა ის დასრულებულია: რევოლიუცია, რომელიც დაემხო, რევოლიუციათ არ

ჩაითვლება. რევოლიუციის დამხობაზე ლაპარაკი ისეთი სისულელეა, როგორც ქარიშხლის დამხობაზე ბაასი. ქარიშხლის დროს შეიძლება დაიღუპოს ეს თუ ის გემი, რევოლიუციის დროსაც ასე მოხდება—დამარცხდება ეს თუ ის პარტია. ერთი რომელიმე პარტია რევოლიუციას შევეუფარდოთ და მივაწეროთ მას ის მისწრაფებანი, რომლითაც გამსჭვალული იყო ერთი რომელიმე პარტია,—ეს არ შეიძლება.

იაკობინცები და პარიეის ზოგიერთ უბნის მცხოვრები დამარცხდნენ. იმისთვის რეალური საზოგადოებრივი ურთიერთობანი რევოლიუციამდე არ წარმოადგენდნენ ნიადაგს, რომელ ზედაც შესაძლებელი ყოფილიყო წვრილ მოქალაქეს, ხალხს და პროლეტარიატს ფეხი მოემაგრებია, უნიადაგო გამოდგა ყველა ის ღონისძიებანი, რომლის წყალობით ისინი ლამობდნენ შეეჩერებიათ კაპიტალისტური რევოლიუცია. მაგრამ მათ მოღვაწეობას ტყუილა უბრალოთ არ ჩაუვლია. ჩვენ დავინახეთ, რომ კაპიტალისტთა სხვა და სხვა ფრაქციები დაინტერესებული იყვნენ დაეცვათ და სრულიათ არ მოესპოთ ძველი სახელმწიფო წყობილება: რევოლიუციის დროს, მათ რაღაც კოტ-კოტა უნდა დაეკარგათ, ამისთვის რევოლიუციას ასე გულცივათ ეკიდებოდნენ. რომ მოესოთ და უარყვათ ფეოდალური შევიწროებანი სახელმწიფოს მართვა-გამგეობაში, ჯარსა და ეკლესიაში, ამისთვის სულ სხვა ხალხი იყო საჭირო, ისინი, ვინც რევოლიუციის დროს არას დაჰკარგვენ, რომელთაც არაერთარი კავშირი არ ქონდათ უმაღლეს წრეებთან, რომელთაც ექნებოდათ ღონიერი მკლავი და მაჯავი მუშტი. ასეთები იყვნენ გლეხკაცები, ამქარს გარეშე ხელოსნები და პროლეტარები. მათ ხელათ დაიკავეს სატახტო ქალაქი პარიეი, დაიმორჩილეს მთავრობა, მეფე, შემოიღეს ხალხის წარმომადგენლობა. შიმშილით წაქეზებული ისინი სულ წინ, წინ გარბოდნენ. თავდაპირველათ მათ მიუძღოდა ბურჟუაზია; მარა ამ ბოლოს, როცა ის შეჩერდა, მათ გადათელეს ის და გასწიეს. ისინი წარმოადგენდნენ იმ ძალას, რომ-

მელმაც შესძლო აეგავა საფრანგეთის მიწიდან ფეოდალური სახელწიფო ისეთი სისწრაფით, რომლის მზგავსიც არ მომხდარა არც ერთ ქვეყანაში. მანვე გაასწორა და დაამზადა ნიდაგი, რომელზედაც დირექტორიის და ნაპოლეონის გამგეობის დროს შეუდარებელი სისწრაფით უნდა ამოცნებულიყო წარმოების ახალი ფორმა, ახალი საზოგადოება. რაიც არ შეეძლო გაეკეთებია კაპიტალისტებს, ეს შეასრულეს თავიანთ ნების წინააღმდეგ კაპიტალისტების მოსისხლე მტრებმა.

საფრანგეთის და განსაკუთრებით პარიზის წვრილ მოქალაქეთა რევოლიუციონური ბრძოლა თუმცა დამარცხებით დასრულდა, მარა მაინც უმნიშვნელოთ არ ჩაუვლია. ძლიერება, რომელიც ამ წოდებამ რევოლიუციის დროს გამოიჩინა, ის დიდებული როლი, რომელსაც ის აქ თამაშობდა, — ყველა ამან მოამზადა ის თავისი თავის შეგნება, ის პოლიტიკური სიმწიფე, რომელსაც დღესაც დიდი გავლენა აქვს ცხოვრებაში. იაკობინელების ტრადიციები ახალგაზღობის შარავნდელათ გარს შემორტყმიან საფრანგეთში ბურჟუაზიულ-რადიკალიზმს; თუმცა ის მოხუცებულია. მარა თავის მხნეობით და ვაჟაკობით ვააცილა თავის მოძმეთ კონტინენტზედ. ამ ტრადიციების წყალობითაა, რომ ნაწილი საფრანგეთის პროლეტარიატისა ბურჟუაზიულ მისწრაფებას ვერ გასცილებია, თუმცა ამ ბოლო დროს ეს ნაწილი თანდათან სუსტდება და მცირდება.

მხოლოთ ჩვენი ისტორიკოსების შეშინებული წარმოდგინება თუ აიძულებს მათ ყველა იაკობელი კომუნისტათ მოეჩვენოს. ნამდვილათ კი სახელდობრ იაკობელების ტრადიციები აპკოლებენ საფრანგეთში აღორძინდეს ძლიერი დამოუკიდებელი სოციალ-დემოკრატიული პარტია.

V.

გლენობა თავის საზოგადოებრივ მდგომარეობით და განვითარებით პროლეტარებზე, წვრილ ვიქრუკანებზე და ამქარს

გარეშე დარჩენილ ხელოსნებზე და ს.ხ — ზე ბეკრათ უფრო და-
ბლა იდგა. უკანასკნელი, რადგან ქალაქებში ცხოვრობდნენ,
შეუძლებელი იყო არ მოყოლოდნენ იმ გონებრივი მოძრაობის
გაეღენის ქვეშ, რომლის ცენტრს ქალაქი წარმოადგენდა-
გარდა ამისა მთავრობასთან მახლობლათ ცხოვრობდნენ და ვი-
წრო ტერიტორიებზე მრავლათ იყვენ შეჯგუფულნი. ასე ერ-
თათ ახლო ცხოვრებამ და განვითარებამ მათ მისცა ძალა და
უხარი მართებლობის წინააღმდეგ მოქმედებისა. მთავრობის
დაწესებებულების სიახლოვემ კი შეაძლებინა პირდაპირი,
უშუამავლო ზედმოქმედება ექ. ნებია მთავრობაზე. თუმცა
საოცარი დაჩაგრული იყო ქალაქის მცხოვრებლების დაბალი
ნაწილი, მარა გლეხობის ხვედრი კიდევ უფრო მძიმე, აუტა-
ნელი იყო თვითნებობა, რომელიც მათზე პარპაშობდა, კიდევ
უფრო დაუსჯელი რჩებოდა. მთელ მხარეზე მოფანტულ, ერთი
მეორეს დაშორებულ, ყოველ გონებრივ საზრდოს მოკლებულ
გლეხობას არავითარი ღონე არ ქონდა არა თუ საერთო
წინააღმდეგობა გაეწია შემვიწროებლებისათვის, იმდენიც ვერ
მოეხერხებია, რომ თავის კენესა-გოდებით ვისიმე ყურადღება
მიექცია.

მაშინ როდესაც აზნაურობა, სასულიერო წოდება სახე-
ლმწიფოს და ქალაქის ბიუროკრატია, ერთი სიტყვით ყველა
ასე თუ ისე შეძლებული ნაწილი სრულიად ან რაოდენადმე
მაინც თავისუფალი იყო სახელმწიფოს პირდაპირი გადასახადები-
საგან, საწყალ გლეხობას მთელი თავის საოცარი სიმძიმით
აწვა კისერზე. ხშირათ მისი წმიდა შემოსავლის სამოცდა ათი
პროცენტი გადასახადს მიქონდა. საშვალო რიცხვით კი პირ-
დაპირ . გადასახადათ წმინდა შემოსავლიდან 50 პროცენტს
იხდიდა. სამხედრო სამსახური უმეტესათ გლეხებს აწვათ. მათ-
გან ყოველ წლობით 60,000 ჯარის კაცი გაჟავდათ. აზნაუ-
რობა კი თავისუფალი ბრძანდებოდა სამხედრო ბეგარისაგან
და თავს უტიფრათ იმით იმართლებდა, მართალია გადასახადი-
საგან თავისუფლები ვართ, მარა მაგიერში „სისხლის ბეგარას“

ვხდითო, რომელსაც ვითომ მარტო და მხოლოდ ის იხდიდა სამშობლოს წინაშე. ნამდვილათ კი ეს „სისხლის ბეგარა“ რამდენათ მას დღეს ასრულებდა აზნაურობა, მძიმე, თავგასაწირავ მოვალეობისაგან სამშობლოს გაყვლეფის ხელ-საყრელ პრივილეგიათ შეიქნა. იმ საყვედურზე კი, უსამართლობაა ჯარში მარტო გლეხები რომ გაყავთო, ამ წესის მომხრეები ამბობდენ, აქაო და ჯარის კაცის მწირი ცხოვრება და მკაცრი სამხედრო დისციპლინა მხოლოდ გლეხებს შეუძლია აიტანოსო. გარდა ამისა გზების გაკეთება, მხედრობის განაწილების დროს ბინის მიცემა და ბარგის გადატან გადმოტანა გლეხების ვალდებულებას შეადგენდა. იმ დროინდელი სახელმწიფოს შენახვა სულ მეტის და მეტის სიმძიმით აწვებოდა გლეხობას. ამევე დროს ფეოდალიზმის უღელიც არსებობდა მთელი თავისის ძლიერებით. ის არა თუ უღელი, ბორკილი იყო, ხელს უშლიდა და აფერხებდა წარმოების გაუმჯობესობას: რადგანაც ყოველი გაუმჯობესობა ამ მხრივ უცილოთ მისი ფეოდალიზმის მოსპობით უნდა დაბოლოვებულიყო.

გლეხი მას ვერ დათესდა და შეიმუშავებდა, რასაც საჭიროთ თვლიდა. მეათედს მხოლოდ დიდი ხნიდან ცნობილ მცენარეულობაზე იღებდენ და არა ახლათ შემოდებულზე, როგორც მაგალითათ კართოფილზე, იონჯაზე. ამათი შექმნა არა ერთხელ აუკრძალავთ. მეყანეობის ყოველი გაუმჯობესობა, როგორც მაგალ. სამეული წესის თესლშეცვლით წესზე გადასვლა მეტათ გაძნელებული იყო. ყოველ წამს, გახურებულ მუშაობის დროს, მებატონეს შეეძლო გლეხი თავის სამუშაოზე გაეყვანა. დაღწევდა თუ არა თავს სავალდებულო მუშაობას, მას ახალი უბედურება ემსხვრეოდა თავზე: მიყავდათ გზების გასაკეთებლათ, ან ჯარების ბარგის გადასაზიდავათ. როცა ყანაში ამწვანდებოდა ჯეჯილი, გლეხი ყოველ საშვალეებას მიკლებული იყო დაეფარა ბატონის ტრედების, შინაური კურდღლების და სხვა გარეულისაგან. ნადირობის უფლება მარტო აზნაურებს ეკუთვნოდა, აგრეთვე მარტო მას

ქონდა უფლება გაეშვა შინაური კურდღლების ჯოგი და გუნდგუნდათ მტრედები და სარგებლობდა კიდევ ამ უფლებით. ეს ფრინველები და ცხოველები უნდა გლეხებს გრჩინათ, ძალა უნებურათ, რასაკვირველია, უნდა დაენებებიათ ასაოხრებლათ თავიანთი ნაჭირნახულევი. ზოგჯერ გლეხს ავალბედენ კიდევ ის დაეთესა, რასაც სიამოვნებით მიირთმევდენ მისი მხეცები და ფრინველები. მხეცების საკუთარ ზედმხედველს ნება ქონდა მოეკლა ვინც გაბედავდა კურდღლის ან სხვა რომელიმე გარეულის მოკვლას. ტენი გაკვირვებულია იმ გარემოებით, რომ რაც უფრო „ზნეობით ფაქიზდებოდა“ ადამიანი, რაც უფრო „ერცელდებოდა განათლება“, მით უფრო მეტ ბარბაროსობას იჩენდა ნადირობაშიო. მარა ნადირობა ხომ აზნაურობისათვის რამდენათ გასართობი იყო, იმდენათვე გლეხების გასაყვლეფი საშუალებაც. რაც უფრო მეტ ბარგათ ხდებოდა საზოგადოებრივ ცხოვრებაში აზნაურობა, მით უფრო ეძრებოდა მაღა გართობა-სიამოვნების და ექსპლუატაციის. „ზნეჩვეულების სიფაქიზე“ მარტო ერთი მეორეში და ფინანსისტებთან განწყობილებაზე თუ ეტყობოდა. რაც შეეხება ნადირობას, აზნაურობა სულ უფრო და უფრო იმრავლებდა მხეცებს და ხშირათ ძალიან მავნებელსაც. მაგალითათ კლერმონტში თავადი კონდეს მამულში დიდის მზრუნველობით ზრდიდენ და უყლიდენ მგლის ლეკვებს მხოლოთ მისთვის, რომ ზამთარში გამოეშვათ და ზედ ენადირნათ. ეს კეთილშობილი ფაქტორნები თავიანთ სალონებში ძალიან სასიამოთ და გატაცებით ბაასობდენ ადამიანობაზე, მარა ამავე დროს ის კი სრულიათ არ აწუხებდათ, რომ ეს მგლები მუსრს ავლებდენ გლეხების ცხერებს და ხშირათ ბავშვებსაც.

მეფე, როგორც პირველი მემამულე¹⁾, მაშასადამე ქვეყნის პირველი გამაოხრებელიც იყო. მისი სანადირო რაიონები პარიზის მიდამოებში იყო გადაქიმული, და რა თქმა უნდა, ეს თითქმის შეუძლებლათ ხდიდა აქ მიწის კულტურას. სატახტო ქალაქის ახლოს, 11 ასეთ რაიონში, მხეცეულობა იმდენ ზა-

რალს შერებოდა, რამდენიც შეუძლია მხოლოდ მტრის ცხენოსან ჯარის 11 პოლკს²⁾). ლუდოვიკო XVI-ს ზეინკალის ხელობის გარდა ერთი გულის თქმა კიდევ ქონდა, ეს იყო ნადირობა. თუ რა ძლიერი იყო ეს გულის თქმა, იქიდან ჩანს, რომ 14 ივლისს, ამ ბასტილიის აღების დღეს, მას დღიურში მელანხოლიურათ აუნიშნავს: ნადირობა არ ყოფილაო. 1762 წელს ერთი რეგლამენტის ძალით სამეფო სანადირო რაიონებში გლეხებს თავიანთ ნაწილების შემოკლება აეკრძალათ, ეს იმისთვის, რომ გარეულ მხეცებს და ფრინველებს თავისუფლათ ენაგარდებია გლეხთა ყანა-ბოსტანზე. ამას გარდა ყველას, მეპატრონეებსაც კი აკრძალული ქონდათ 1 მაისიდან 24 ივნისამდის ყანებზე სიარული იმისთვის, რომ ბარტყების გამოჩეკის დროს დურაჯები არ დაეფთხოთ. დაე ამ დროს სულ გამოახრჩოს ბალახ-ბუღაბმა კულტურული მცენარე, ვის რა დარდი აქვს! იქამდის, 1789 წ., როცა ფეოდალური წესის წინააღმდეგ აჯანყება გაჩაღებული იყო, მაშინაც კი, მიუხედავად დაინტერესებულ გლეხების ყოველგვარ პროტესტისა, მარტო ერთ ადგილზე ფონტენებლოში 108 ქალაქი გააშენეს კურდღლისა და დურაჯებისათვის. ამბობენ, ლუდოვიკო XVI კიდევ კეთილი და მოწყალე მეფე იყო; მაშ რაღა იქნებოდა ნაძვილ შეუბრალებელი მებატონე-მონადირე!

მიუხედავად ყველა ამ დაბრკოლება-ზარალისა თუ გლეხს კიდევ რამე დარჩებოდა მოსაწევი, აქაც არ შეეძლო ხელშეუშლელათ შეენახა თავის ქინახული. სანამ არ გამოცხადდებოდა გადასახადთა ამკრები, არ დაითვლიდა ძნებს და მოსავლის კვალობაზე არ განსაზღვრავდა გადასახადს, მანამ მომკილი პური უნდა მინდვრათ დარჩენილიყო. თუ იმ ხანში ავღრები დადგებოდა, მთელი ქინახული უნდა დაღუპულიყო;

¹ და ²⁾ Laine. Les origines de la France contemporaine l'ancien regime. გვ. 74.

აი გათავებულია კიდევ მოწვევა, მარა გლახს აქაც არ აქვს უფლება კინახული თავის ნებაზე მოიხმაროს. ყურძენი ბატონის ქარხანაში უნდა დაწუროს, მარცვალი ბატონის წისქვილში უნდა დაფქვას, პური ბატონის თონეში გამოაცხოს. მას არ შეუძლია ხელის წისქვილი გაიჩინოს, ამის ნება, რასაკვირველია ძვირათ, ბატონისაგან უნდა იყიდოს. ღვინის საწური ქარხანა, წისქვილი, საცხობი—ყველა ეს ბატონს ეკუთვნოდა, და ის კი იჯარით სცემდა, ამიტომ, როგორც მოსალოდნელი იყო, საოცარ მდგომარეობაში იყო: მუშაობა ნელი და ცუდი. რას დასდევდენ, მუშტარი ხომ „კანონით უზრუნველი“ ყავდათ. ყველა ეს დაწესებულებები არა მარტო აადვილებდა ბატონისაგან გლახის გაყვლევას, მინიმუმამდი აკნინებდა მის შემოსავალსაც. თუ ასეთ პირობებში გლახი კიდევ მოახერხებდა რაიმეს გადანარჩუნებას, დაუბრკოლებლათ იმასაც ვერ გაგზავნიდა ბაზარზე. საკუთარი ღვინის გაყიდვა მხოლოდ ყურძნის მოკრების 4-6 კვირის შემდეგ შეეძლო; ამ დროს ღვინის გაყიდვა ბატონის მონაპოვლია იყო. გზები საოცარ მდგომარეობაში, გასატანი და საბაზრო ბაჟი მეტათ დიდი. გლახი იმითაც კმაყოფილი უნდა დარჩენილიყო, თუ თავის საქონელს ისეთ ფასში გაასაღებდა, რომელიც ხარჯს დაუფარავდა. მარა რა იშვიათათ შეეძლო გლახს რამეს გადანარჩუნება! ყველა ეს შევიწროება, ყველა ეს „კანონიერი“ ძარცვა, რომელზედაც ჩვენ მხოლოდ მიუთითეთ მკითხველს, რადგან მარტო მათ აღნუსხვას მთელი რეესტრები მოუწოდებოდა, (Uachsmuth თავის „Ceshichte Frankreichs im Revolutionszetalter“-ში ასახელებს 150-ზე მეტს სხვა და სხვა საფეოდალო უფლებებს, რომელნიც 1789 წ. 4 აგვისტოს მოისპო ისე, რომ სამაგიერო არა მიუღია ფეოდალებს) ყველა ეს მხოლოდ წვეთია ზღვაში: ყოველ უფლებას მოკლებული გლახი სრულიათ მინებებული იყო მართლებლობის მოხელეთ და მიწათმფლობელთა თვითნებობაზე. ამ უკანასკნელთ კი გლეხისაგან მიქონდათ იმდენი კი არა, რამდენიც „უნდა“ წავლოთ.

არა, — რამდენის წაგლეჯაც შეიძლებოდა. მხოლოდ სრული სილატაკე თუ იხსნიდა გლახს საბოლოო განადგურებისაგან. მისი ქოხი, პირუტყვი, (შინაური საქონელი) იარაღი, ყანა, ყველაფერი უმაღლეს წერტილამდის საწყლათ გამოიყურებოდა. თუ გლახი ორი გროშის შოვნას მოახერხებდა, ფულათ ინახავდა, რადგან მარტო ფულის დამალვა თუ შეიძლებოდა კანონის მსახურთა ხარბი თვალისაგან. ფულს თუ გაიმეტებდა ისევე ნაკუწი მიწის შესაძენათ და არა მეურნეობის გასაუმჯობესებლათ, რადგან მიწის შემოსავლის აწვევა, უთუოთ დაუყონებლივ გადასახადის გადიდებასაც გამოიწვევდა, მხოლოდ უმცირესი ნაწილი გლახებისა თუ ახერხებდა ორიოდ გროშის გადარჩენას და დამალვას, თორემ უმეტესობის მეურნეობის ცუდი მდგომარეობა აუცილებლობის შიდეგი იყო. სახნავს არ აპატივებდენ, ნიადაგი მალე მწირდებოდა, მოუსაველობა ქვეყნის ხშირ-ხშირი სტუმარი შეიქნა, შემონახული, რასაკვირველია, არაფერი იყო, დადგებოდა თუ არა მოუსაველი ან წელი, მაშინვე აუცილებელი სიმშვილობა მოყვებოდა. ამ დროს მრავალი გლახისთვის მეურნეობის გაგრძობა შეუძლებელი ხაზებოდა; ისინი ტოვებდენ სამშობლოს, სოფელი თანდათან ცალიერდებოდა. უკვე 1750 წელს კენე ამბობდა სახნავ-სათესი მიწების მეოთხედი დაუმუშავებელი რჩებაო; რევოლუციის წინ არტურ უნგი წერდა მესამედი ცალიერი რჩებაო. (9 მილიონ გექტარზე მეტი!) სამეურნეო საზოგადოების ცნობებით ამავე დროს ბრეტანში ორი მესამედი სახნავ-სათესისა ცალიერი იყო.

მიუხედავად ამისა, რომ გლახების რიცხვი მცირდებოდა, გადასახადის საერთო ჯამი სწრაფათ მატულობდა და თანდათან გლახთა უფრო და უფრო მცირე რიცხვზე ნაწილდებოდა. რა გასაკვირველია ამის შემდეგ, რომ ზოგიერთ სოფლებიდან ბოლოს მთელი მცხოვრებლები მზათ იყვენ გასაქცევათ. შარა საით? საზღვარ-გარეთ გადასახლება გლახისთვის მაშინ თითქმის შეუძლებელი იყო; იმათ მიაშურეს ქალაქს, დღის

ქირის მუშათ დგებოდენ, მარა ვაი, რომ აქაც წააწყდენ ფეოდალიზმის შევიწროებას და ამქრულ მონოპოლიას. რამდენათ სწრაფათ მიმდინარეობდა მიწის მუშის გაპროლეტარება, იმდენათ აუტანელი იყო ამქრის მონოპოლია და ფეოდალიზმისაგან შევიწროება. გლეხებმა აავსეს ამქრულ შევიწროებისაგან თავისუფალი უბნები და ყველაზე მეტათ ხელი შეუწყვეს იმ ბრბოს შექმნას, რომელიც აქ სწრაფათ მზადდებოდა სინკულოტობისათვის. ზოგი ჯარში ეწვრებოდა, რასაკვირველია, არა უპირატესი წოდების ინტერესების დაცვის სურვილით გატაცებული, იმ წოდების, რომელმაც ისინი სილატაკის კარზე მიიყვანა და თან ყოველი იმედიც მოუსპო ამ მდგომარეობიდან გამოსვლის. საჭირო იყო რამე გარეშე მიხეზი, რომ წინააღმდეგ თავის შემევიწროებლებისა გამოსულიყვენსხვა უმეტესი ნაწილი „მიწისაგან განთავისუფლებულ“ გლეხებისა უკიდურეს სილატაკეში ჩავარდა და მათხოვრობას და მაწანწალობას მიყო ხელი. უკანასკნელთა რიცხვი მიუხედავათ მკაცრი სასჯელისა, სწრაფათ მატულობდა. უფლებით აღქურვილთ ეგონათ უბინაობა და უსაქმობა „დანაშაულთა“ დასჯით მოისპობოდა. თუმცა 1764 წ. გამოცემული კანონით მათხოვრობისათვის და უსაქმობისათვის სამი წლით მდნებში მუშაობა იყო გადაწყვეტილი, მარა ამისდა მიუხედავათ 1777 წელს 1.200,000 მათხოვარი ითვლებოდა*). დანამდვილებით არ ვიცით ეს რიცხვი სიდან არის აღებული, მარა ტყვილა, ანაგებაც რომ იყოს აღებული, მაინც მისი მაჩვენებელია, თუ რა საოცარ ზომამდე ყოფილა გავრცელებული მათხოვრობა. ვინც უფრო მედგარი და გამბედავი ხასიათის იყო, მათხოვრობას, რომელთა ხვედრი გამოუსვლელი გაქივრება და სირცხვილი იყო, არ კადრულობდენ. ასეთები შეიარაღებულ ბრბოთ იკრიბებოდენ და ძალათ მიქონდათ ის, რაც ექივრებოდათ. ავაზაკობა ქვეყნის საშიში და უკურნებელი წყლული გახთა.

*) Loisis Blanc. La Rebol I. 149.

იმ გლეხებშიაც კი, რომელნიც საკუთრებამ და ფეოდალიზმის ჯაქვმა „მიამაგრა მიწას“, თანდათან იღვიძებდა უკმაყოფილება. მართებლობის მოხელენი და ფეოდალები ხშირ-ხშირათ აწყდებოდნენ ეხლა წინააღმდეგობას. მარა ასეთ აქაიკ შემთხვევითი მღელვარებას მალე აცხრობდნენ. საჭირო იყო სატახტო ქალაქში, რომელიც ყოველთვის ქვეყნის „ტონის“ მიმცემი იყო, მომხდარიყო ისეთი ამბავი რომელიც ყველას დაანახებდა სამკვდრო სასიცოცხლო ბრძოლის წამის დადგომას, რომ დიდი ხნის შეგუბებული ნაღველი ყველგან ერთდროულათ გადმომსკდარიყო. მაშინ როცა მოუსაველობამ, მკაცრმა ზამთარმა*) და ბოლოს გენერალური შტატების დებუტატთა არჩევნებმა მღელვარება უმაღლეს წვერვალამდის აიყვანეს, ასეთი ამბავიც მოხთა. ეს იყო ბასტილიის აღება. უეცრათ, გლეხების ერთი შეტევით დაინგრა ფეოდალიზმის მთელი შენობა. აზნაურობის კოშკებთან ერთათ მოისპო ფეოდალთაგან ეკსპლოატაციაც, როცა ღირს შესანიშნავ აგვისტოს ღამეს უპირატესნი თავიანთ პრივილეგიებზედ ხელს იღებენ, მაშინ ისინი უარს ყოფდნენ მას რაც უკვე აღარ ეკუთვნოდათ ამით მხოლოთ უნდოდათ ის მაინც გადაერჩინათ რის გაღარჩენის იმედი კიდევ შეეძლოთ დაეკავებიათ.

არ ითქმის გლეხების მოძრაობა მთელ მხარეს საერთოთ ყველგან მოდებულს, ზევით როცა აზნაურობის მდგომარეობაზე ვლაპარაკობთ, ჩვენ აღენიშნეთ, რომ რევოლუციამდის საფრანგეთში, იყო ისეთი მივარდნილი ადგილები, სადაც ფეოდალიზმის ბატონობის და მის შესაფერ კათოლიკურ შეხედულობას კიდევ ქონდა მნიშვნელობა ადგილობრივ წარმოების წესში. სხვაგან აუტანელი მძიმე უღელი ფეოდალიზმისა, აქ კიდევ დაცვის საშვალეობა იყო. აქ ყოველი თემი თავის-

*) სეტყვამ და გოლვამ მეტათ შეაფერხეს სამეურნეო მეოჯახეობის შემოსავალი 1788 წ. ამავე წლის დეკემბრის დამლევს პარიზში ტემპერატურა 18[°]/₁₀ დაიწია; მარტო სენტ-ანტუანის მიდამოში 30,000 სულს ეპივრებოდა შემწეობა.

თვის ცხოვრობდა და ყველაფერს, რაც ესაჭიროებოდა, თითონვე აწარმოებდა. აქაური გლეხის სამშობლო მხოლოთ იქამდინ იყო, სანამდი თვალს მიუწვდენდა თავის ეკლესიის სამრეკლოდან და რაც კი ამ ნამცეცა ჰორიზონტს იქით იყო, ის უცხოეთი იყო მისთვის. ამ უცხოეთთან მას არაფერი საერთო არ უნდოდა ქონებოდა, რადგან, თუ ის შემოიქრებოდა მის ცხოვრებაში, მხოლოთ იმისთვის, რომ წაერთმია რამე. ამ უცხოეთთან საქმის დაქერა, მისგან დაფარვა, სოფლის მღვდლის და მისი ფეოდალის მოვალეობა იყო; და აი ეს მისგან შეძულებული უცხოეთი, საზიზლარი პარიზის მეთაურობით წერდა კანონებს და ამ კანონების სისრულეში მოყვანას ძველ მონარქიაზე უფრო დაეინებით ითხოვდა. ეს კანონები და მოწერილობები აქაური გლეხის ჩვეულებებს, მის საწარმოვო წესს უფრო ეწინააღმდეგებოდა, ვიდრე ძველი მონარქიის კანონები, რომელიც პატივისცემით ეპყრობოდა ყველაფერს, რასაც გლეხი სცემდა პატივს, რაც მისთვის ძვირფასი იყო, არ იძიებდა მის ქონებას, და არც ოჯახის და თემის მუშაობის იმ დარგს, რაზედაც დაფუძნებული იყო მისი წარმოების მთელი სისტემა. ეს კიდევ ცოტაა. მისი მტერი უცხოეთი ბოლოს იქამდინ მივიდა, რომ შეილებს ართმევდა და ჯარში მიერკეებოდა, მარა ისე მრავლათ, როგორათაც არც მომხდარა და არც გაგონილა დღემდინ*). დიდი მეცადინეობა საჭირო არ იყო აზნაურობის და სასულიერო წოდების მხრივ, რომ ეს გლეხები, რომელთა შეხედულებაზე მათ ასეთი გავლენა ქონდათ, სახელდობ ვანდრაში და კალვადოსში, აეჯანყებიათ პარიზის კონვენტის წინააღმდეგ. საფრანგეთის გლეხოზა საერთოთ კი არასოდეს არ დუქტრდა მხარს ამ აჯანყებას; რადგან მეტათ მქიდრო კავშირა ქონდა რევოლიუციასთან. ძველი მონარქიის აღდგენა, ეს ხომ ძველი ფეოდალური ულ-

*) 1793 წ. თებერვალში კონვენტის მიერ გამოცემული სამხედრო კანონთ ყველა უცოლო ფრანგი 18 წლიდან ორმოცამდის ჯარში უნდა გასულიყო, მხოლოთ ამასთანავე ნება-დართული იყო მაგიერის ჩაუნებაც.

ლის, ძველი სილატაკის დაბრუნებას ნიშნავდა. ძველი მონარქიის აღდგენა ცოტათი ქონების დაკარგვასაც უქადდა. და აი როგორ: საერო საკრებულომ საეკლესიო მამულები საერო საკუთრებათ გამოაცხადა და ამას გარდა ემიგრანტებსაც (გადახვეწილთ) მამულები ჩამოართვა. ეს მამულები იყიდებოდა. თუმცა ეს გარემოება ჩარჩების გამდიდრებას ხელს უწყობდა, მარა გლეხებსაც საშვალებას აძლევდა მიწები შემოიკრებოდათ, რადგან, რაც შეიძლებოდა, შელავათს აძლევდნენ, უადვილებდნენ. საეკლესიო მამულები და შემდეგ გადახვეწილთა მამულებიც ნაჭერ-ნაჭერ იყიდებოდა, გლეხები თავდაპირველათ ცოტას აძლევდნენ, და დანარჩენი კარგა დიდი ხნის ვადით ნაწილ-ნაწილათ შეეძლოთ გადაეხადათ. ამას გარდა ბევრი, ვისაც რევოლუციამდის იჯარით მამული აეღო, დღეს ისე უყურებდა მას, როგორც თავის საკუთრებას.

კარის აზნაურებმა ისეთი სიმამაცე და უქვეშევრდომილესი გრძნობა გამოიჩინეს, რომ როცა თვით სიცხე მიაღდათ, საფრანგეთიდან გადაიხვეწნენ და მეფე ლეთის ანაბარა მიატოვეს. ეს „უსახლკარო ინტრიგანები“ შეთქმულობას შეთქმულობაზე მართავდნენ, უნდოდათ ავსტრიის და პრუსიის ჯარის საშვალებით კვლავ შემოკრილიყვენ საფრანგეთში და ყველაფერი ხელთ ეგდოთ. მათი გამარჯვება კი ნიშნავდა ფეოდალური წყობილების აღდგენას და ჩამორთმეული მამულების ისევ ეკლესიის და ემიგრანტებისათვის დაბრუნებას. ვინც ცოტაოღნათ მაინც იცნობს იმ მძიმე უღელს, რომლის ქვეშ ძლივს იბრუნებდნენ სულს გლეხები რევოლუციამდის, ვინც იცის რა სიყვარულით ექიდება მიწას გლეხი, ის ადვილათ გაიგებს თუ რათ ამოუდგენ ისინი გვერდში ქალაქის რევოლუციონერებს, რათ მიეშურებოდნენ ჯგუფ-ჯგუფათ საზღვრებზე მდგომ მომქმედ ჯარში, რომ დაემხოთ მომბეზრებელი მტერი. მათ აჯანყებდათ და აფრთოვანებდათ არა საკანონმდებლო საკრებულოს საქმე, შემდეგ კონვენტი, პარიეტელი იაკობელები, რომელნიც ომიანობის პირველ ხანებში, 1792 წლი-

დან, ბრძანებლობდენ საფრანგეთში და განაგებდენ მის მხედრობას; არა, გლეხი არასოდეს არ ყოფილა წარმომადგენელობითი მმართველობის მომხრე, რადგანაც მაშინ თავის განცალკევებული ცხოვრებით და ზნეობა-გონებრივ ველურობის გამო ასეთ მმართველობის დროს მას ყოველთვის მცირე გავლენა ქონდა. რევოლუციის დროს გლეხები სადებუტატო კაცს ვერ შოულობდენ თავის წრიდან სახალხო წარმომადგენელობითი საკრებულოში გასაგზავნათ; ისევე არჩევდენ ვეკილებს, ექიმებს, მოხელეებს, ერთი სიტყვით ქალაქის მცხოვრებთა იმ ელემენტებს, რომელნიც პარიზში ბკობდენ და ამ ქალაქის „სარევოლუციო მასის“ ძლიერ გავლენის ქვეშ იძყოფებოდენ. ასეთ პირობებში, თუ ამ ელემენტების ინტერესები გლახთა ინტერესებს შეეჯახებოდა, კანონი უცილოთ გლახთა საზარალოთ გადიკრებოდა, ასეთი შეჯახება კი იშვიათი არ იყო. მშვიდ მწყურვალი „მეშინების“ და პარიზის პროლეტარების დასამშვიდებლათ საფრანგეთის გამგებელ დაწესებულებებს სხვა და სხვა ვალდებულება უნდა ან გლახებისთვის მოეხვია თავს ან ბურჟუაზიისთვის. რა თქმა უნდა, რამდენათაც შეიძლებოდა, უფრო მოუკრიდებლათ გლახებს წააველებდენ ხელს. წერილ ბურჟუაზიის და გლახობის ინტერესებ შორის ხშირათ პირდაპირი, დამოუკიდებელი უთანხმოებაც ჩამოვარდებოდა: მაგალითათ, პირველი იაფ პურს ითხოვდა, ხოლო მეორეს უნდოდა რაც შეიძლება ძვირათ გაეყიდა თავის საქონელი. ეს წინააღმდეგობა განსაკუთრებით გამწვავდა მაშინ როცა იაკობელებმა, ჟირონდისტების ჩამოგდების შემდეგ, განუსაზღვრელი ბატონობა იგდეს ხელთ, და რათა ბოლო მოელოთ განუწყვეტელ შიმშილობისათვის, დააკანონეს უსაქიროეს საგნებზე ფასების მაქსიმუმი და ზომის სისრულეში მოსაყვანათ შემოიღეს უსაქიროეს საგნებზე რეკვიზიცია არა მარტო მხედრობისთვის, პარიზისათვისაც. ეს ზომები ვაქრებისა და ჩარჩების წინააღმდეგ იყო მიმართული, მარა გლახებსაც კი აზარალა ¹⁾).

¹⁾ შიმშილობის მთავარი მიზეზი საგარეო ომიანობა იყო, რომელიც გარდა იმისა რომ მხედრობისთვის დიდ ხარჯს თხოულობდა, უცხოე-

რევოლუციის ყველა დაწესებულებებზე მეტათ გლახებს სამხედრო სამსახური შეუყვარდათ. ის ეხლა თავისუფალი იყო ყოველგვარ წოდებრივ განსაზღვრისაგან; აქ მართლაც „ყოველი ჯარის კაცი სამარშლო კვერთხს თავის ჩანთაში ატარებდა“. ჯარს უმეტეს ნაწილათ გლახები შეადგენდა, რომელთაც ეს სამსახური ბრწყინვალე წარმატებას უქადდა. ვინც სამუდამოთ უბრალო ჯარის კაცათ დარჩებოდა იმათთვისაც კი ის არა მარტო უუძლიერესი იარაღი იყო ახლად მოპოვებულ თავისუფლების და ახლათ მოპოვებული მიწების ფეოდალებისაგან დასაცავათ, რომელიც ევროპის საშუალებით იმუქრებოდა კიდევ შემოსვლას, ის მისი გამდიდრების საშუალებაც იყო.

ექვი არ არის ძღვევა-მოსილ რევოლუციის მხედრობისაგან ძარცვა-რბევას კეჟა დამჯდარი ხალხი რევოლუციის პრინციპების გათვლის (დალუპვის) აშკარა დამტკიცებათ თვლის. მაგრამ ჩვენ ნებას მივცემთ თავს შეენიშნოთ, რომ ასეთი ნაკლი მათ მონარქიის მხედრობისაგან ქონდათ ნაანდერძევი. ფეოდალური წესის დაცემიდან საყოველთაო სამხედრო ბეგრის შემოღებამდის, ჯარს შეადგენდა ისეთი ხალხი, რომელიც ცხოვრებაში ვერ იმარჯვებდა და რომელსაც შიმშილ-სიტიტელე აიძულებდა. ამიტომაც არ არის] გასაკვირალი, თუ ამ ხალხის შეხედულება სამხედრო უფლებაშიც შეტანილიქნა. მართლაც, შოვნის წყურვილი და ჯოხი, აი ის ერთათ ერთი „ზნეობრივი მოტივი“, რომელიც წასული საუკუნის ჯარის კაცს სისხლს ანთხევენებს „მეთვისა და სამ-

თიდან პურის შემოტანას შეუძლებლათ ხდიდა. შესაძლებელია თვით საშინაო სამოქალაქო ბრძოლა კიდევ უფრო გამანადგურებელი იყო, მარა ყველა ამ მიზეზების გარდა, გლახები, რომელთაც ძალას აღარ ატანდა მოხელეები და გადასახადთა შემსყიდველები პური უთუოთ მოწვევის თანავე დაჯყონებლივ გაეყიდათ, თვით ინახავდენ ეტლა თავის საქონელს, უცდიდენ ფასების აწევას. მართლაც ფასი ყველა ამ მიზეზებისა გამო მალე მატულობდა.

„შობლოსათვის“, ისევე როგორც მე-16 და მე-17 საუკუნის ჯარის კაცი სიცოცხლეს სწირავს სარწმუნოებისათვის, ე. ი. მისი ასე თუ ისე შემეცნებისათვის. მხოლოდ საყოველთაო სამხედრო სავალდებულო ბეგრის შემოდებით, როცა ჯარში ყველა კლასებიდან გაყავდათ, სამხედრო უფლებებზე შეხელულება ნელ-ნელა იმდენათ მაინც შეიცვალა, რომ დღეს ომიანობის დროს კერძო პირის გაძარცვა უკადრის საქმეთ ითვლება, გარდა ისეთი შემთხვევისა, როცა არა „კულტურული ხალხები“ იბრძვიან, და როცა „ცივილიზაციას ავრცელებენ“ ბარბაროს „ველურ“ ხალხებში. იმათ კი ახლაც ისე ეპყრობიან, როგორც ოცდა ათი საუკუნის წინ ასეთ შემთხვევებში ასურელები იქცეოდნენ; აქ მტრის ტომის ყველა მცხოვრებლებს ისე უყურებენ, როგორც მტრის ჯარს და მათ ქონებას, როგორც სამხედრო სურსათს, რომელთა განადგურება მოურიდებლათ შეიძლება. საფრანგეთის რევოლუციის მხედრობის შესახებ კიდევ უნდა შევნიშნოთ შემდეგი: მისი მტაცებლობითი ინსტინქტი შესაძლებელი იყო სრულათ გაღვიძებულიყო მხოლოდ მაშინ, როცა იაკობელების ბატონობა დაეცა და „წესიერება“ აღდგენილ იქნა, და ამას გარდა კიდევ ამ ინსტინქტებს „კოლექტივიზმის მტრებთან“ გლახებთან ერთათ დიდი გულმოდგინებით ემსახურებოდნენ საკუთრების სხვა მოსარჩლენიც! კაპიტალისტები, სახელმწიფო კაცები, გენერლები, ერთი სიტყვით ის ხალხი რომელსაც კუკუადამჯდარი მკვიდრი დიდი პატივის-ცემით ეპყრობა.

რევოლუციის ომიანობას დიდი გავლენა ქონდა ინგლისის და საფრანგეთის ეკონომიურ განვითარებაზე. ამ ომიანობის წყალობით ინგლისს ხელში ჩაუვარდა, ზოგი მათგან სამულდამოთაც, არა მარტო საფრანგეთის ახალშენები, ჰოლანდიისაც, რომელიც 1795 წელს საფრანგეთის მფარველობაში გადავიდა და ისპანიისა, რომელიც იძულებული იყო 1796 წელს საფრანგეთს შეკავშირებოდა. ამ გარემოებამ ინგლისელებს ხელი შეუწყვეს ამ ქვეყნების ხომალდების ზნაპირების განუწყვეტლივ

ძარცვაში. საფრანგეთსაც არ ძინავდა ბელგიასა, ჰოლანდიასა, იტალიასა, ეგვიპტესა და შვეიცარიას. არა მარტო ჯარის კაცები ძარცვავდნენ ამ ქვეყნებს: ის რაც მათ მიქონდათ რა იყო შედარებით იმასთან, რასაც ამ ქვეყნებს სწოვდა სარდლები და კომისარები ზოგს თავისთვის და ზოგს ხაზინისთვის, რომელსაც თავის მხრივ მოუპირავეი ვაქრები და „სახელმწიფო კაცები“ აწიოკებდნენ. ომი საფრანგეთისათვის იაკობელების დაცემის შემდეგ ყველა იმ დროს მოსახერხებელ ხელობაზე „ხელსაყრელი იყო“. ომი უტყუარი საშუალება იყო იმისთვის, რომ საუნჯე, რომელიც ფეოდალიზმმა მოაგროვა ეკლესიებში, მონასტრებში, ხაზინებში და უსარგებლოთ იღვა იქ და აგრეთვე უძველესი სავაქრო რესპუბლიკებისა ჰოლანდიის, ვენეციის და გენუის სიმდიდრეები გამოეტანათ და კაპიტალისტურ ფორმის წარმოებაში ჩაეგდოთ. საოცარის სისწრაფით იზრდებოდა აურაცხელი სიმდიდრე, საჭირო იყო მისი სასარგებლოთ დაბინავება და აი სწორეთ ამავე დროს გამარჯვებითი ომებმა საფრანგეთის მრეწველობას დიდი ბაზარი მოუპოვა; ომის წარმოების ახალმა წესმა არა ნაკლებ ხელი შეეწყო მის განვითარებას. ძველ მონარქიის მცირე ჯარებთან შედარებით ეხლა საფრანგეთს დიდძალი ჯარი გამოყავდა საჩქაროთ, რომელთათვისაც მრეწველობას საჩქაროთვე უნდა დაემზადებია ტანისამოსი და იარაღი. ეს გარემოება კაპიტალისტურ წარმოების გადაქმნის დიად ძალათ შეიქნა: თუ ის წინეთ უმთავრესათ ფუფუნების საგნებს ამზადებდა, ახლა თანამედროვე მრეწველობათ გახდა და ამზადებდა მრავალ უსაჭიროეს საგნებს. მაშ აგრე; იყო ფაქტორი, რომელიც ყველა ამაებს ასრულებდა: საფინანსო მმართველობაში სპობდა დეფიციტებს, იფარავდა გლეხთა მიწებს, ამდიდრებდა მათ შვილებს და უხსნიდა გზას, აძლევდა მსხვილ მოგებას ფინანსისტებს, კაპიტალისტებს და მრეწველებს, ასუსტებდა ან სრულიად სპობდა სამუშაოს უქონლობას. ეს ფაქტორი იყო ჯარი. ჯარის ასეთი მნიშვნელობა საფრანგეთის ეკონო-

მიუღრ განვითარებაში ყოველთვის სახეში უნდა ვიქონიოთ, თუ გვინდა გავიგოთ ის პოლიტიკური მნიშვნელობა, რომელიც მან მოიპოვა; იმის წარმოდგენა კი ვითომ ფრანგებისათვის სამხედრო დიდებას თავბრუ დაეხვიოს, ვითომ ყველა ისინი გავგიჟებოთ ნამცეცა სიტყვა „gloire“-ს და ამიდან წარმომდგარი-ყოს მათი დაპყრობითი პოლიტიკა, მათგან გაღმერთება ნაპო-ლეონისა, ასეთი წარმოდგენა მეტათ „იდეალისტური“ იქნება.

მხოლოდ ფრანგების მცირე-რიცხვი იყო სამხედრო მმართველობის წინააღმდეგი. ესენი იყვნენ: პარიზის ძველი ბურჟუაზია, რომელიც ჩვეული იყო უდიდესი თავის შემოსავალი მიეღო ვერსალის სასახლიდან და არა სამხედრო ბანაკი-დან, რისთვისაც გატაცებით ოცნებოდა ძველი დროის დაბრუნებაზე; ამ როიალისტებს მოყვებოდნენ დარჩენილი იაკობელები, რომელნიც დაღვრემილი შეყურებდნენ გულზეავ კაპიტალისტთა მეტიორების ფუსფუსს და ბოლოს იდეოლო-გების პატარა ჯგუფი, რომელნიც ახალ საკანონმდებლო სა-კრებულოებში, სენატში და ხუთასთა საბჭოში ბჭობდნენ. ამ ხალხს სულ ადვილათ მიატოვებია ძღვევა-მოსილმა სარდალმა თავიანთი ადგილები, იგდო თუ არა მან ხელთ წოდება განურჩეველ ჯარის მეთაურობა. მან არა თუ მხარი დაუჭირა მრეწველობის და სასოფლო მეურნეობის შემავიწროებელ ზომებს, პირიქით სპობ-და მათ შინ და საზღვარ-გარეთაც; ამას გარდა ფეოდალთა-გან ექსპლოატაციის მაგიერ თვით ფეოდალების გაყვლეფა და ძარცვა იწყო არა მარტო შინ, უცხო ქვეყნებშიაც. აღ-ტაცებით მიეგებენ ასეთ ხელმწიფეს ახალი კაპიტალისტები და გლეხები; იმპერიის დაარსება არ იყო ძველი მონარქიის აღდ-გენა, ის მხოლოდ ევროპის „გამარეოლოგიონერებელი“ და კაპიტალისტურ წარმოების შარაზე გამოყვანი საშეალება იყო.

VI

აღსანიშნავი დაგვრჩა კიდევ მესამე წოდების ერთი საყურადღებო ელემენტი. ეს არის ბურჟუაზიული ინტელიგენ-

ცია. კაპიტალისტური წარმოების ფორმამ ის ორი მოქმედი ძალა, რომელიც სახელოსნო წარმოების ხანაში მკიდროთ იყო დაკავშირებული, გაყო შრომის ორ კატეგორიით, ორ ნაწილათ: ფიზიკური და გონებრივი შრომის განაწილება ძველ საზოგადოებაშიც იყო ცნობილი და წარმოების ახალმა ფორმამ მხოლოდ უსაზღვროდ გააგანძიერა დანაწილება და შექმნა მთელი დარგი ისეთი შრომისა, სადაც საჭირო იყო მხოლოდ ერთი გონებრივი შრომა.

მეცნიერებით აღქურვილ ტენზიკოსს, რა თქმა უნდა, ჯერ კიდევ ცოტა საქმე ქონდა წარსულ საუკუნეში. სამეცნიერო შექანიკის და ქიმიის გამოყენება მრეწველობაში ძლივს იქნა შემოდებული მხოლოდ წარსული საუკუნის გასულს. მარა წარმოების ახალმა ფორმამ გზების გაყვანის და მიმოსვლის საშუალებათა სფერაში კი გაუჩინა ტენზიკას დიდმნიშვნელოვანი საქმეები: ხომალდების აშენება, ხიდების აგება და გზების და არხების გაყვანა. არა ნაკლები მოთხოვნილება წამოაყენა სამხედრო საქმეც, როგორც მაგალითათ სიმაგრეების აგება, იარაღების ჩამოსხმა და სხვა და სხვა. ქალაქებში მცხოვრებთა თანდათანმა შეჯგუფებამ და მათი უმეტესობის თანდათანმა გაპროლეტარებამ—მოსდო ქალაქებს ათასნაირი სხვა-და-სხვა გამანადგურებელი ავიატაფობა, რის გამო დაიბადა მეტი მოთხოვნილება მკურნალებისა. რაც უფრო ვრცელდებოდა საქონლის წარმოება, მით უფრო იხლართებოდნენ ერთმანეთში საქონლის მეპატრონენი ათასგვარ სხვა-და-სხვა პირობებით, რის გამო მრავალი კითხვები და ვალდებულებანი, (პათგან წარმომდგარი), სადავოთ გახდა. ფეოდალიზმის კანონები, ფეოდალიზმის სამოსამართლო პრაქტიკა ამ სფერაში სრულიად უღონო შეიქნა; საჭირო იყო ახალი კანონები. შესაფერ საფუძვლათ რომის კანონები აღმოჩნდა. საჭირო იყო მცოდნე კაცები, რომელნიც მარტო ამ საქმეს მოკიდებდნენ ხელს და ადვილათ და ჩქარა შეიძლებდნენ იურიდიულ საქმეების თავის გართმევას. ამ გვარათ ვექილები, მოსამართლეები, საზოგა-

დოთ იურისტების კლასი რამდენადაც საჭირო იყო, იმდენათ
გავლენიანი შეიქნა; ახალი ცენტრალური სახელმწიფო, რომელიც
მეცხრე საუკუნის დასაწყისში დაამყარებდა, საფუძვლად
თემების კავშირის ადგილი დაიკავა, ვერ დაკმაყოფილებოდა
მმართველობის ძველი ორგანოებით, სასულიერო წოდებით
და აზნაურობით—ესენი მხოლოდ ხელს შეუშლიდნენ მის მო-
ქმედებას. ამ ორგანოების მაგიერათ ცენტრალური ბიურო-
კრატია დაწესდა; ეს ერთგვარი კატეგორიის ხალხი იყო,
რომელიც სახელმწიფო გამგეობისათვის იღვწოდა არა სხვათა
შორის, არამედ სპეციალურათ და განსაკუთრებით. ამ ელემ-
ენტების აღსაზრდელათ და გასანათლებლათ საჭირო იყო
მრავალი სასწავლებლები და მასწავლებლები. ამ გვარათ გაჩნ-
და კარგა მოზრდილი კლასი, უმეტეს ნაწილათ ბურჟუაზი-
დან, რომელსაც შემოსავალი აქვს თავისი ცოდნის და ქუის
პრაქტიკულათ მოხმარებისაგან. ამიტომ ამ კლასს ქვია ინტე-
ლიგენცია, რაც რასაკვირველია, სრულიადაც არ ნიშნავს
იმას რომ ყველა ამ კლასის წევრი მართლა ინტელიგენცია
ან მთელი ინტელიგენცია მაშინ მოგროვილი. ინტელიგენ-
ციის სათავეში იდგენ მეცნიერები. მათი მიზანი ცოდნის პრაქ-
ტიკული მოხმარება კი არ იყო, ესენი იკვლევდნენ ბუნებას,
საზოგადოებრივ ცხოვრებას და მათ კანონებს, სრულიად და-
მოუკიდებლათ იმისა ექნებოდა თუ არა ამ კანონებს რაიმე
პირდაპირი პრაქტიკული მნიშვნელობა ცხოვრებაში; მეცნიე-
რება თავისთავათ იყო მათთვის მიზანი. განყენებული იყო ამ
ფილოსოფოსების თეორიები, მარა ამათი პირადი მოთხოვნი-
ლება სრულიად კონკრეტული იყო. ყველას ცხოვრება უნ-
დოდა და ხშირათ კარგი ცხოვრებაც.

ძველათ ბერძნებში, სახელდობ ათინელებში, ფილოსო-
ფია, ქეშმარიტების კვლევა-ძიება, საპატიო ხელიობა, შეძლე-
ბულ და თავისუფალ მოქალაქეთა პრივილეგია იყო. თავისუ-
ფალი დრო, მონობით და სხვა საექსპლოატაციო ხერხით მო-
პოვებული, სამსახურს უწევდა ხელოვნებას და მეცნიერებას.

აგრევე იყო რომაელებშიაც, მხოლოდ რომაელები უფრო მოღუბნეები მასალიდან იყვნენ შექმნილი. ისინი ისე ჩქარა იქცნენ ტლანქი გლეხისაგან მთელი ქვეყნის მფლობელათ, რომ არ შეიძლებოდა მათში შექმნის წყურვილი, კმაყოფილება მდაბალი ხარისხისა და უაზრო ფუფუნება უფრო ძლიერი არ ყოფილიყო ვიდრე ცოდნისა, ქეშმარიტებისა და მშვენიერებისაკენ მისწრაფება. მარა რა მოუვიდა მეცნიერებას და ფაქიზ ხელოვნებას საშვალო საუკუნის გასულს, განახლების ხანაში! ვარდა კარის აზნაურობისა, რომელზედაც ახლავე ვიტყვით ორიოდ სიტყვას, იმ ხანაში ჩვენ ვპოულობთ ერთი მხრით გლეხებსავით მოღუბნეებს, დახავსებულ სოფლის აზნაურობას და სასულიერო წოდებას, რომელთათვის გასაგები და მისაწდომია მხოლოდ დაბალი ხარისხის კმაყოფილება და მეორე მხრით ვაქართა წოდებას შექმნის სურვილით გატაცებულს; ეს სურვილი მას იმდენათ უფრო ითრევედა, რამდენათაც ძლიერდებოდა კონკურენცია (მეტოქეობა); იშვიათ შემთხვევის გარდა, ეს ხალხი სრულიად კარგავდა განყენებულათ აზროვნების ნიქს. დაბალი კლასისაგან კი, რომელიც მარჯვენიის მძიმე შრომით ცხოვრობდა, ყველაზე ნაკლებ მოსალოდნელი იყო მეცნიერებისა და ხელოვნებისადმი ლტოლვილება: საამისოთ მას არც განათლება ქონდა, არც დრო და არც მოხერხება. არც ერთ უზრუნველყოფილ და გაბატონებულ კლასს არ ქონდა სურვილი ანუ მისწრაფება სულიერ მოღვაწეობისა: აზროვნება და ხელოვნებითი შემოქმედება „ინტელიგენციას“ დაჩა სამოღვაწეოთ, იმ ხალხს, რომელიც იძულებულ იყო თავის სულიერი ძალები გამოეტანა ბაზარზე ისე, როგორც დღის ქირის მუშას გამოაქვს თავისი ფიზიკური ძალა, მარა ფილოსოფოსები (სწავლულები) და ხელოვნების მკოდნენი (მხატვარნი) მუშტარს მხოლოდ კარის აზნაურობაში პოულობდენ. იმათ შეეძლოთ შეგნება და განცდა უმცლლესი კმაყოფილებისა; ამას გარდა მეტი თავისუფალი დროც ქონდათ და უფრო უზრუნველი ცხოვრება, ვიდრე ვაქართა

წოდებას. თუმცა ეს ყველაფერი ასე იყო მარა მიუხედავად ამისა ვერც ერთი სასახლე ვერ გახდა აკადემიათ ანუ ფილოსოფიურ სკოლათ; კარის კაცები ფილოსოფოსები და მეცნიერები ვერ შეიქნენ, ისინი დარჩენ ხელოვნების და აზროვნების მხოლოდ „მოსარჩლეთ და მფარველათ“—ეს უფრო მოსახერხებელი იყო მათთვის. კარის აზნაურობამ თავისი წინაპართა სიტლანქესთან ერთად დაკარგა მათებური ენერჯიაც-სისტემატიური ბეჯითი შრომა, რა ჯურისაც უნდა ყოფილიყო იგი, მისთვის წამება იყო; მას მარტო გართობა უნდოდა: მეცნიერება და ხელოვნებაც ამ მიზანს უნდა მსახურებოდა. სასახლეში, როგორც ხუმარა და კარლიკები, ისე ფილოსოფოსები და მხატვრებიც ყავდათ. ასეთ პირობებში, რასაკვირველია, ფილოსოფია დიდ გონებრივ მოძრაობას აღარ ითხოვდა; ის უნდა დაწერილიყო ადვილათ გასაგებათ, სასიამოვნოთ და მოსწრებულათ; თვით მე-18 საუკუნის დასაწყისში ვერც ერთი საზოგადოებრივი მოძღვრება ვერ გავრცელდებოდა საფრანგეთში, თუ იგი არ აკმაყოფილებდა ამ მოთხოვნილებებს ან თუ სასახლის წიანააღმდეგ იყო მიმართული. რაც უნდა დიდი ყოფილიყო მისი იდეა, სანამ მის მისაღებათ არ იყო ხელშემწყობი პირობები, იმდენათვე გაიხარებდა იგი, რამდენათაც—საუკეთესო თესლი ქვიშიან ნიადაგზე.

ასეთ პირობებში მესამე წოდების ოპოზიციონურ დედა აზრებს ძნელათ თუ ეღირსებოდა თეორეტიულათ გამოქვდავება. სარწმუნოება იყო ის სფერა, სადაც ყველაზე ადვილათ შეეძლო მოქმედება ოპოზიციონურ ტენდენციებს. როგორც აზნაურობას ისე ბურჟუაზიას ერთნაირათ სძაგდა რომისგან დამოკიდებული ეკლესია. აქ უნდა აღინიშნოს ერთი ფრიად საგულისხმო ფაქტი, მე-18 საუკუნის პირველ ნახევარში განათლების ეპოქის ფილოსოფოსები სასტიკათ კიცხავდენ საეკლესიო ორგანიზაციის ახალს, თანამედროვე პირობების უფრო შესაფერ ფორმებს და არა ძველს, დროს გადასულს. არაერთარი განყენებული იდეებით არ შეიძლება ამ მოვლენის

ახსნა, მარა რეალურ კლასიურ ინტერესების მიხედვით თუ შეეხედავთ გასაგებია. მიწათმფლობელობის ძველი საეკლესიო ფეოდალური ორგანიზაცია, რომელიც აგებული იყო ცნობილ ფორმაზე, დიდი ხანია საფრანგეთში საერთო გამხდარიყო. ეხლა მეფე და არა პაპი აწესებდა წარჩინებულთ, ურიგებდა თანამდებობებს; რასაკვირველია, როგორც უკვე დავინახეთ, მარტო აზნაურობას. თუმცა აზნაურობა კიდევ დასკინოდა სარწმუნოებას, მარა არ შეიძლებოდა ასეთი წესით კმაყოფილი არ ბრძანებულყო. ამიტომაც ეკლესიის წინააღმდეგ მიმართულ ზომებს ის ვერ იტანდა. მარა იყო ერთი საეკლესიო ორგანიზაცია, რომელიც სრულათ პაპის ხელში იყო და მეფეს არავითარი უფლება არ ქონდა მასზე. ამ ორგანიზაციის დიდ ვებერთელა შემოსავალს განაგებდა პაპი, უცხოელი, და ახმარდა არა მარტო ფრანგებს, არამედ ესპანელებს, ნემცებს და სხვებსაც, რადგან ორგანიზაცია საერთაშორისო იყო და ეროვნებას არ არჩევდა. ეს შემოსავალი წარჩინებულ წოდების გასამდიდრებლათ როდი იხარჯებოდა, ორგანიზაცია მხედველობაში არ ღებულობდა არავითარ წოდებრივ განსხვავებას და თავის წევრებს აწინაურებდა მხოლოდ მათი ღვაწლის მიხედვით. ეს ორგანიზაცია, ეს ორდენი სძაგდა აზნაურობას, მარა არა ნაკლებ სძულდა ბურჟუაზიასაც. სწორეთ ამ ორდენმა მოახერხა ეკლესიის გამდიდრების ყველა თანამედროვე საშუალებებით სარგებლობა. მით უმეტეს აღვილი იყო გამდიდრება, რომ მთელ მსოფლიოში ფესვი ქონდა გადგმული, ჩინეთიდან და იაპონიიდან დაწყებული მექსიკამდის და პერუმდის, ყველგან თავისი მისიონერები, აგენტები და ჯაშუშები ყავდა, ყველგან, სადაც და რამდენათაც არ უშლიდა ხელს პროტესტანტების მეტოქეობა. მან არა თუ ევროპაში მოაწყო არტისტიულათ თავისი საკმეები, არამედ ექსპლოატაციის მთელი სისტემა შექმნა კოლონიებშიაც (ახალშენებშიაც). აქ ის როდი დაჯერდა ძარცვით, ვაჭრობით და პლანტატორული მეოჯახეობით შეძე-

ნილ შემოსავალს, ადგილობრივ მკვიდრთა შრომითაც ისარგებლა სხვა და სხვა სამრეწველო საქმეებში, როგორც მაგალითად შაქრის ქარხნებში და სხ. ეს ხალხი, რომელმაც ასე მოხერხებულათ იცოდა თავის საქმეების მოგვარება, რომელიც ცბიერი იყო და დაჟინებით თავისის გატანას ახერხებდა, ეს მკვიდრო ორგანიზაციის წევრები, მაგრათ ერთი მეორეს ხელჩაკიდებულნი, რომელთაც არ ქონდათ არავითარი სამშობლო, რომლის მეტოქეობასაც ბურჟუა კათოლიკე ყველგან ხვდებოდა ან მოელოდა მაინც, სადაც კი მოსალოდნელი იყო რაიმეს „ჩაჯიბვა“, რომელიც მას იმდენათვე სძულდა, რამდენათაც ეშინოდა, იყვენ არა ებრაელები, როგორც ეს შესაძლებელია ჩვენი ნათქვამისაგან იფიქროს ვინმე თანამედროვე „არიელმა“ ან „ქრისტიანმა“. არა, ესენი იყვენ იეზუიტები. აი ამ ბურჟუაზიის და კარის აზნაურობის საერთო მტერს დაატყდა თავზე განათლების ეპოქის ფილოსოფოსებისაგან სასტიკი გაკიცხვა და მეფეების რისხვა და უკმაყოფილება და პოლიციური ზომებიც. მარა იეზუიტთა დევნა ისევე ცოტათ შეველოდა წასული საუკუნის ეკონომიურ მოუწყობლობას, როგორც დღეს ებრაელთა დევნა.

ამავე დროს ფილოსოფოსები და საზოგადოებრივი ცხოვრების მკვლევარნი თანდათან დამოუკიდებელი ხდებოდნენ სასახლისაგან; „ინტელიგენტთა“ რიცხვმა საგრძნობლათ იმატა, ბურჟუაზიას სახელმწიფო საქმეებისადმი ინტერესი დაეზადა. წიგნები, რომლებიც ეკონომიურ და საპოლიტიკო საკითხებს შეეხებოდა, მოძრავ საქონლათ გადაიქცა და ამ წიგნების ვაჭრობასთან ერთათ აღორძინდა ჟურნალისტიკა. ბურჟუაზიის ფილოსოფოსს და მწერალს უკვე აღარ ექირვებოდა სასახლიდან პენსიები და საჩუქრები. მათ ეხლა შეეძლოთ ცხოვრების სახსარი თვითონ მოეპოვებიათ, თუმცა ზოგჯერ მეტათ მცირე იყო მათი საშვალეობა. სწორეთ აი ამ დროდან, მე-18 საუკუნის მეორე ნახევრიდან, შესაძლებელი ხდება გამოსვლა და გავრცელება სხვა და სხვა მოძღვრებისა არა თუ

სასახლისგან დამოუკიდებლათ, პირდაპირ მის საწინააღმდეგოთა. კაპიტალისტების საწინააღმდეგო მოძღვრებაც კი თანაგრძნობას პოულობდა საზოგადოებაში. სასახლის უზომო ფლანგვით, თანამედროვე საზოგადოებრივ ელემენტების უთანხმოებით მრავალ კაპიტალისტებს ქონდათ სარგებლობა და რასაკვირველია ისინი მტრულათ შეხვდნენ ცვლილების ყოველ მისწრაფებას. დღითი დღე ირკვეოდა, რომ მხოლოდ გლეხებს და ქალაქის დაბალ „ხალხს“, სწორეთ იმ ნაწილს მცხოვრებლებს, რომლისთვისაც ყველაზე მეტათ საგრძნობელი იყო ბატონობა, შეეძლო დაწინაურებულ კლასების ბატონობისათვის ბოლო მოეღო. ფილოსოფოსები სულ მეტის და მეტის ყურადღებით მოეკიდნენ ხალხს და „ფილოსოფოსისაგან“ ეკონომისტებათ და პოლიტიკოსებათ შეიქნენ; ისინი სულ უფრო და უფრო მტრულათ ეკიდებოდნენ არა მარტო სასულაერო წოდებას და აზნაურობას, საზოგადოთ „მდიდრებსაც“. მიუხედავთ ამისა, როცა მე-18 საუკუნის მეორე ნახევარში დასაწყისი მიეცა სოციალისტურ კრიტიკას, საზოგადოებამ ვერ შეიგნო და ძალიან სუსტი თანაგრძნობით შეხვდა. იმ საზოგადოებრივ მოძღვრებათა შორის, რომელთაც მაშინ დიდი გავლენა ქონდათ, ყველაზე უწინ რუსოს მოძღვრებაში კომუნისტურ აზრებს (ტენდენციებს) მხოლოდ ის დაინახავს, ვინც საქმეს მეტათ ზერელე იცნობს; ფეოდალური შევიწროება საქონლის წარმოების განვითარებას ხელს უშლიდა და ამიტომ დრო მოითხოვდა ეს შევიწროება თავიდან მოეცილებიათ. ბურჟუაზიის ინტელიგენციას მეტათ კარგათ ქონდა შეგნებული ცხოვრება და მისი მოთხოვნილება, რომ ამ დროს სოციალიზმი არ წამოეყენებია წინ, რომლის განვითარების იმედი ჯერ კიდევ მომავალშიაც საექვო იყო. თუმცა ინტელიგენცია ჩაგრულთ და უსახლკარო (ბოგანო) კლასებს სიმპატიით ეპყრობოდა, მარა მაინც არ შეიძლებოდა მათი შეხედულება ბურჟუაზიის შეხედულებაზე მალლა დამდგარიყო, რადგანაც ის ამ კლასს ეკუთვნოდა თავის ოჯახური დამო-

კიდებულებით და თავისი საზოგადოებრივი მდგომარეობით, ერთი სიტყვით არსებობის ყველა პირობებით. მხოლოდ აი რა იყო: სხვა და სხვა კაპიტალისტთა ჯგუფს დროებითი და ინდივიდუალური (პირადი) ინტერესები ხელს უშლიდა კაპიტალისტთა კლასის ძირითადი და არსებითი ინტერესების შეგნებას, როგორცაა მაგ. წინამდებარე ყველა კაპიტალიზმის განვითარების ხელის შემშლელ დაბრკოლებათა. წინააღმდეგ, დროებითი და პირადი ინტერესები ბევრ კაპიტალისტს ფეოდალური რეჟიმის მომხრეთ ხდიდა და თითქმის ყველას ყოველნაირი ცვლილების მტრათ. ინტელიგენციის შეხედულება კი არ იყო დროებითი ინტერესებით შემოფარგლული, ის საქმიან ბურჟუაზიაზე მაღლა დადგა, შეძლო ფაქტების აღნუსხვა და მათგან ლოდიკურათ სწორი აზრების დასკვნა; საკმაო ცნობებიც ქონდა წასულ და აწმყო საზოგადოებრივ ცხოვრების შესახებ, — ერთი სიტყვით მან შეიგნო ბურჟუაზიის ძირითადი და არსებითი ინტერესები, რომელიც მაშინ სრულიად ეთანხმებოდა ისტორიული განვითარების (მსვლელობის) საზოგადო მოთხოვნებებს. ინტელიგენცია იყო სწორეთ ის ძალა, რომელიც იცავდა ამ ინტერესებს არა მარტო სასახლისაგან, სასულიერო წოდებისაგან, ზოგჯერ გლეხებისაგან, წერილ ბურჟუასა და პროლეტარებისაგან, არამედ თვით კაპიტალისტთა სხვა და სხვა ჯგუფის წარმომადგენელთაგანაც, თუ კი მათი დროებითი და შემთხვევითი ინტერესები მთელი ამ კლასის ძირითად ინტერესებს ეწინააღმდეგებოდა. ინტელიგენცია თავის პირად, დროებით ინტერესებით როდი ხელმძღვანელობდა; ის მოქმედებდა საზოგადოებრივ მოვლენების ღრმა შეგნებით, რომელიც მრავალ წლობითი გონებრივ მუშაობით მოიხვეჭა; ბურჟუაზიის ინტელიგენცია გამოვიდა არა მატერიალური ინტერესების დამცველათ არამედ წმინდა, პრინციპების, წმინდა იდეების წარმომადგენლათ; ისინი როგორც „დოქტრინიორები“ ისე გამოვიდნენ წინააღმდეგ კაპიტალისტ — „პრაქტიკებისა“; ეს უკანასკნელნი თავის უვიცობით ამა-

ყობდენ და ცდილობდენ მხოლოდ თავის სასარგებლოდ გამოეყენებიათ სახელმწიფო ამა თუ იმ წარმავალ პრაქტიკულ კითხვაში.

ბურჟუაზიის ინტელიგენცია ჯერ კიდევ არ იყო ის რაც იგი შემდეგში შეიქნა: მას ჯერ ფიქრათაც არ მოდიოდა თავის მოძღვრება „მოქმედ სახელმწიფო კაცების“ სურვილისა და გემოვნებისათვის შეეფარდებია, ნაცულათ იმისა რომ მათგან მოეთხოვა მათ მოძღვრებას დამორჩილებოდენ. რევოლიუციით ინტელიგენციამ დიდი ძალა მოიპოვა, რის გამოც მან შესძლო თავის აზრების ცხოვრებაში გატარება. დაეცა კარის აზნაურობა და მასთან ერთად მჭიდროდ დაკავშირებული ფინანსისტთა უმაღლესი წრეები, და საფრანგეთში ერთად ერთი კლასი-და დარჩა, რომელსაც უნარი ქონდა სახელმწიფოს მართვა-გამგეობისა: ეს იყო ბურჟუაზიის ინტელიგენცია. ახლაც, როცა უმეტეს შემთხვევაში კონსტიტუციონურ სახელმწიფოებში, ხალხის უმეტესი ნაწილი, უპირველესათ ქალაქის მუშები, პოლიტიკურ ცხოვრებაში მონაწილეობით რამოდენიმეთ გაეცვენ სახელმწიფოს მოთხოვნილებას, საკანონდებლო მოქმედების ვალდებულებას, მართვის თანამედროვე წესს და საქმეების საპარლამენტო განხილვას, — ახლაც კი პარლამენტში ბურჟუაზიის ინტელიგენცია მეტობს. რა დიდი მნიშვნელობა უნდა ქონოდა მას ასი წლის წინეთ საფრანგეთში, სადაც მრავალს საუკუნეთა განმავლობაში თავგამოდებით დევნიდენ ყოველ პოლიტიკურ ცხოვრებას, ყოველნაირ პოლიტიკურ მოძრაობას! პარიზის წვრილი ბურჟუაზიაც კი არ ირჩევდა წარმომადგენლებს თავის წრიდან, იგი ირჩევდა იურისტებს, ეურნალისტებს და სხვ. და სხვ.

ამ გვარათ ბურჟუაზიის ინტელიგენციის ხელში გადავიდა სახელმწიფო უფლება, რითაც სარგებლობდა ინტელიგენცია თავის ტენდენციების ცხოვრებაში გასატარებლათ. ეს ტენდენციები იყო ბურჟუაზიის კლასიური ინტერესების გამომხატველი. რადგანაც ეს ტენდენციები ყველაზე მეტათ შეესაბა-

მებოდა ისტორიულ მსვლელობის უმთავრეს და არსებით მოთხოვნილებას, ამისთვის თავისთავათ რევოლუციის ნამდვილ ტენდენციებს უერთდებოდა. გარდა ამისა რევოლუციის დროს ინტელიგენციას ყველაზე მეტი შემთხვევა და უფლება ქონდა ლაპარაკისა; მისი მოღვაწეობა, მისწრაფება და მოთხოვნილება სხვებისაზე უფრო სავსებით აღიბეჭდა და დარჩა წიგნებში და გაზეთებში. რა გასაკვირველია ამის შემდეგ, რომ იდეოლოგები, რომელნიც მარტო გარეგნობით კმაყოფილდებიან, იმ დასკვნამდის მივიდნენ, ვითომ ფილოსოფოსებმა და მათმა იდეებმა შექმნა რევოლიუცია, ვითომ ისინი ხელმძღვანელობდნენ და განაგებდნენ მას.

ექვს გარეშეა, ბურჟუაზიული ინტელიგენცია იმ კლასს ეკუთვნის, რომელმაც სხვაზე მეტათ დააზჩნია თავისი ელფერი საფრანგეთის რევოლიუციას; რამდენათაც რევოლიუცია გამოიხატა სახელწიფოს მართვა-გამგეობაში, ეს ინტელიგენციის საქმეა, მარა გასაკვირველი იქნება კაცმა იფიქროს, რევოლიუცია მინისტრთა დეკრეტებით და პარლამენტთა გადაწყვეტილებებით არის გამოწვეულიო. მნიშვნელოვანი მომენტები, როგორც ინიციატივა, ისე საბოლოო გადაწყვეტა ყოველთვის ხალხის აჯანყებას ეკუთვნოდა, სახელდობ პარიზის მიდამოების მცხოვრებთ და გლეხობას. უმთავრესი გადაწყვეტილებები სხვა და სხვა საცრო საკრებულოებისა, როგორც დამაარსებელი და საკანონდებლო კრებათა, კონვენტისა მხოლოთ აკანონდებდნენ მას, რაც უკვე გაკეთებულ იყო ხალხის მიერ.

ეს საკრებულოები (დაწესებულებანი) სარევოლიუციო ბრძოლის დროს სრულიად უღონო შეიქნენ; ის ხალხის ბრძანების მიმღები უფრო შეიქნა, ვიდრე-ბრძანების გამცემი. თვით რევოლიუციაში როდი ჩანს ინტელიგენციის დიადი მნიშვნელობა და გავლენა, ის ჩანს უფრო მაში, რაც რევოლიუციით განზტყიდა. ინტელიგენციას არ აუღია ზასტილია, მას არ გადაუგდია ფეოდალიზმის უღელი, მას არ დაუხსნია საფრანგეთი წინაურ და გარეშე მტრებისაგან, მარა მან მისცა

ის პრინციპები, ის საფუძველი, რომელზედაც დღესაც აგებულია მისი საზოგადოებრივი ორგანიზაცია; მან შექმნა სამართალი, რომელიც დღესაც თანამედროვე საზოგადოების ურთიერთობის შესაფერათ და უნაკლულოთ ითვლება. რა თქმა უნდა ისეთ ბედნიერ ვარსკვლავზე დაბადებულმა სარდალმა ეს სამართალი, როგორც სხვაც ბევრი რამ თავის მიზნისთვის გამოიყენა. „სამოქალაქო კოდექსი“ „ნაპოლეონის კოდექსი“ გახდა, მარა ეს კოდექსი მაინც რევოლიუციის დროის ინტელიგენციის შექმნილია.

VII.

ორიგინალური ადგილი მესამე და პირველ ორ წოდებათა შორის სახელმწიფო სამმართველო დაწესებულებებს ეკავა.

აქ რამდენათმე კიდევ დარჩა, ფუნქციას და არა შემოსავალს მოკლებული, ძველი ფეოდალური მმართველობის დაწესებულებები. შესაფერი ადგილები და თანამდებობები სახელმწიფოს ექსპლოატაციის საუკეთესო საშუალება იყო ფეოდალ აზნაურების სასარგებლოთ ამიტომაც ისინი ისე დაჩქარებით როდი უქმდებოდა, რამდენათ ზედმეტი ხდებოდა. როგორც ეს უკვე დავინახეთ, მე-XVIII საუკუნის განმავლობაში კიდევ უფრო გამრავლდა რიცხვი საუკეთესო შემოსავლიან, მარა უაზრო თანამდებობათა.

ამ გამოუსადეგარ (უსარგებლო) სამმართველო ორგანოების გვერდით უნდა აღმოცენებულიყო ახალი ორგანოები; ახალი მონარქიის შესაფერი, როგორც სამოსამართლო, ისე საპოლიცო და გადასახადთა უწყებებში. არსდებოდა სულ ახალ-ახალი თანამდებობები; ამ ადგილებზე მოხელეთ თვით მეფე ნიშნავდა. მარა პირველ ხანებში მეფე ამ მოხელეთ ან სრულიად არაფერს აძლევდა და თუ აძლევდა მეტათ მცირე ჯამაგირს. უფრო ხშირათ კი თავის თავი თვით უნდა დაეჯილდოებიათ ქრთამით და სხვა გვარ გადასახადებით, — ამ სახით უზღავდენ მცხოვრებლები მათ სამსახურის მოვალეობის ასრულებას. რა, ათრო თართოიობოდა მოხიოთა სამოქიოთა თარ-

გალი, მით უფრო მატულობდა მათი შემოსავალი; აქედან ღიღი ნახტომი აღარ იყო საჭირო, რომ მეფეებს, რომელთაც მუდამ ფული ექივრებოდათ, „ბოძების“ მაგიერ პირდაპირ ვაჭრობა დაეწყათ თანამდებობებით. ეს ჩვეულება ჯერ კიდევ XV საუკუნეში შემოვიდა და სწრაფათ და მაგრათ მოიკიდა ფეხი, და მეფის შემოსავლის უმთავრეს წყაროთ შეიქნა. შემოსავლის გასადიდებლათ თანამდებობების რიცხვსაც უმატებდნენ. საქმე იქამდინ მივიდა, რომ არა თუ ამქართა და სხვა კორპორაციათა წარმომადგენელნი, უბრალო ამქარის ხელოსნებიც მეფის მოხელეებათ მონათლეს და ამათაც დაავალეს ეყიდათ თავიანთი „ადგილები“. იმ შემთხვევაში კი როცა ამქარი იმდენათ მდიდარი არ იქნებოდა, რომ თვით ეყილა მეფისგან დამოუკიდებლობა, ქელაქებს განგებ ართმეედნენ ავტონომიას, და თუ ის თავის გამოყილვას ვერ შეიძლებდა, ქალაქის მოხელეებს სახელმწიფო მოხელეებათ გამოაცხადებდნენ და მათ შენახვას რასაკვირველია, მოქალაქეთ დააკისრებდნენ. მარა მონარქიის მუდმივ უსაზღვრო საქიროებას კერც ეს ზომები შველოდნენ. დაბოლოს საოცარი უაზრო ზედქეტი თანამდებობების გამოგონება დაიწყეს; მაგალითათ, ლიუდოვიკო XV-ს მეფობის უკანასკნელ წლებში შემდეგი „თანამდებობები გამოიგონეს: პარიკების, გოქების და ლორების ზედამხედველები, თივის მონავარიშეები, შეშის დაწყობის მეთვალყურეები, კარაქისა და მარილიანი ერბოს ზედამხედველები და სხ. და სხ. 1701 წლიდან 1715-დგ მეფეს ახალი თანამდებობების გასაღებისგან შემოუვიდა 542 ლივრიკინ და რა ხალხი ყიდულობდა ამ თანამდებობებს, ამას ყურადღებას არავინ აქცევდა. ჯარის ხაზინადრები მათ ადგილს ყიდულობდნენ, ვისაც მათთვისვე უნდა გაცემთებია კონტროლი და ამგვართ ყოველგვარ კონტროლს თავიდან იცილებდნენ. რადგან მეტათ ბევრ ახალ-ახალ ადგილებს აჩენდნენ, შირათ მათი ფასაცემოდა; იყო რასაკვირველია ისეთი ადგილებიც, რომელნიც ყოველთვის კარგ ფასათ საღდებოდა.

მაგალითათ უმაღლეს საზღვარსაღი დაწესებულებებში, პარლამენტებში ადგილები მეტათ ძვირათ ფასობდა. აქ თანამდებობა, გარდა იმისა რომ შთამომავლობით გადადიოდა და, როგორც უმეტესი ნაწილი სხვა თანამდებობებისაც, გადასახადისგანაც ათავისუფლებდა, აზნაურობის ღირსებასაც ანიჭებდა და დიდი ქრთამის ადების იმედებსაც აძლევდა: პარიზის პარლამენტის პრეზიდენტის ადგილი ღირდა 500,000 ლივრი.

აშკარაა რომ ეს მოხელენი, ეკონომიურათ სრულიად მეფისგან დამოუკიდებელნი, არა თუ უკონტროლოთ რჩებოდენ, თავიანთ მოვალეობის ასრულების დროსაც ხელმძღვანელობდენ მხოლოთ თავიანთ ანგარა მიზნით. არ ეშინოდათ სამსახურიდან გადაყენების, არც დაწინაურებას მოელოდენ და რადგან არ ქონდათ არავითარი კავშირი და ინტერესი იმ უწყებასთან, რომელსაც განაგებდენ, ისინი თვითნებურათ მოქმედებდენ. ჩვეულებრივ შემოსავალს და დავლას აღარ ჯერდებოდენ, და ცდილობდენ უფლების ბოროტათ მოხმარებით შემოსავლის ზრდა უმაღლეს წერტილამდინ აეყვანათ. გადასახადთა ამკრები მოხელეები ატყუილებდენ ხაზინას, გადასახადისაგან ათავისუფლებდენ მდიდრებს, რომელნიც ფულით იგებდენ მათ გულს და რომ დანაკლისი შეეგნათ, მოხელეები მთელ გადასახადს ღარიბებს ახვევდენ თავზე. გათახსირებული იყო სასამართლო, გათახსირებული იყო პოლიცია; უწყსრიგობა, უკულმართობა და მექრთამეობა სხელწიფოს ყველა მართვა-გამგეობის დარგში გამეფებული იყო; ყველა ეს გამოწვეული იყო არა „უფროსთა“ საამებლათ და კარიერიზმით, არამედ მარტოთ მარტო შეძლებულ „ქვეშევრდომთათვის“ ყოველგვარ შელავეთის მისაცემათ, რადგანაც ვინც ადგილს ყიდულობდა არაფერი წარმატების იმედი არ ქონდა.

ასეთი მოხელეებით შეუძლებელი იყო ახალი დროის დიდი სახელმწიფოს ხანგრძლივი მართვა-გამგეობა. უკანასკნელთან ერთათ გაჩდენ ახალი მოხელეები, ახალი ბიუროკრა-

ტია, ცენტრთან მჭიდროთ დაკავშირებული და სავსებით მეფისაგან დამოკიდებული. ამ ბიუროკრატიაში არა მარტო ფეოდალური სამმართველო დაწესებულებები გააუქმა, არამედ საყიდელი თანამდებობებიც, მარა ამავე დროს ოდნავაც არ შეუმცირებია არც მათი რიცხვი, არც ჩვეულებრივი ექსპლოატაცია *). მხოლოდ მათი მეოხებით სახელმწიფო მეფის უბრალო სამფლობელო შეიქნა და მეფის ინტერესები სახელმწიფოს ინტერესებათ, და მით უკანასკნელნი მეფის პირად ინტერესებათ. მართლაც, რაც უფრო ძლიერი და მდიდარია სახელმწიფო, მით უფრო ძლიერი და მდიდარია მისი მეფე, მისი ზრუნვის უმთავრეს მიზნათ ეხლა მის ქვეშევრდომთა ქონებრივი კეთილდღეობა შეიქნა. რაც უფრო აძევებდა ბიუროკრატია სახელმწიფოს მართვა-გამგეობის ძველ ფორმებს, მით უფრო უცრლათ და დაეინებით ეპატრონებოდა ქვეყნის ეკონომიურ ცხოვრებას, მით უფრო თავჯამაღებით მფარველობდა ვაჭრობა-მრეწველობას და მიწათ-მოქმედებას. სახელმწიფოს მმართველობა ცდილობდა ადმინისტრაციული და სხვა და სხვა რეფორმებით ყველა მათი განვითარების შემაფერხებელი დაბრკოლება აეცილებია და მცხოვრებთა მწარმოებელი კლასები დაეფარა უპირატესი წოდების უზომო შევიწროებისა და გამანადგურებელ ექსპლოატაციისაგან. ერთი სიტყვით, რაც უფრო აბსოლუტური ხდებოდა მონარქია, მით უფრო ძლიერდებოდა მისი ტენდენცია გამხდარიყო „განათლებულ“ მონარქიათ.

ეკლესია რომ არ ვიანგარიშოთ, მეფე სახელმწიფოში

*) Tocqnvill-მა თავის შესანიშნავ თხზულებაში: *L'ancien regime et la révolution* კლასიკურათ დაასურათა, თუ როგორ იზრდებოდა ფეოდალიზმის სუდარის ქვეშისტორიული აუცილებლობის თანახმათ ახალი ბიუროკრატია, რომელმაც ჯერ კიდევ მაშინ გამოიჩინა მომავალი ბიუროკრატის ყველა ნიშნობლივი თვისებები, მარა რევოლუციამ მას მეტათ ცალმხრივათ ესმის, ის მაში ხედავს მხოლოდ პოლიტიკურ და ადმინისტრაციულ ცვლილებას.

უუდიდესი მემამულე იყო. „ნამდვილათ კი არ ვიცი 1789 წელსი როგორ იყო განაწილებული მიწა მესაკუთრეთა შორის“, ამბობს დე-ლავერნი, „ჩვენ მხოლოდ მეთის დომენების შესახებ გვაქვს ცნობები და ამ მხრივ ყველა ერთმანეთს ეთანხმება, რომ ეს მიწები სათემო მიწებიანათ საფრანგეთის ტერიტორიის მებუთედს შეადგენდა. ჩვენ შეგვიძლია წარმოვიდგინოთ, თუ რამდენათ დიდი იყო მეთის საკუთრება, თუ გავიხსენებთ იმ მილიონ მორგენებს, რომელიც ეკავა საკუთრათ სანადიროთ დანიშნულ მეთის ტყეებს; მათი სივრცე დაახლოვებით ოლდენბურგის დიდ საჰერცოგოს მთელ ტერიტორიას უდრიდა. ამას უნდა მივუმატოთ კიდევ მეთის გვარეულობის თავადების საკუთრება; ეს მიწები ნეკერის სიტყვით, საფრანგეთის ჰეშიდელს შეადგენდა, მაგრამ მეთეს, როგორც საფეოდალო დომენების მესაკუთრეს, თავის საკუთარი, სახელმწიფოს ინტერესებისგან განცალკევებული, ინტერესები ჰქონდა, როგორც ვეებერთლა მიწების უმაღლეს მესაკუთრეს. ფეოდალთა მეფეთვით ფეოდალი იყო, რომლის „ძმები“ და „კეთილი მეგობრები“ ყველა დანარჩენი ფეოდალები იყვნენ, და აბა რა გასაკვირველია, რომ ის ბეჯითათ გაქოსარჩლებოდა და დაეცვა ფეოდალური უპირატესობანი და ექსპლოატაცია და წინაღობოდა ყოველგვარ მის მომსპობ ან შემასუსტებელ რეფორმებს. როგორც ფეოდალთა მეთაურს, სახელმწიფოს მართვა-გამგეობის დედა ძარღვათ ქვეშევრდომთა ქონებრივი კეთილდღეობა კი არ მიაჩნდა, არამედ რაც შეიძლება მეტის და მეტის სარგებლობის გამოტანა თავისთვის და თავის კარის კაცთათვის. როგორც უმაღლესი წარმომადგენელი წარჩინებული წოდებისა, ის სახელმწიფოს ძალას სუსტის (გადამხდელი) წოდების ძლიერისაგან ე. ი. უპირატესი წოდებისგან დასაცავათ კი არ ხმარობდა, წინააღმდეგ, უნდოდა დაეხშო, ჩაექრო უძლურებში მცირეოდენი სურვილიც თავიანთ თავის ძლიერთათვითნებობისაგან დაფარვისა.

ასეთი უკიდურესობა განსაკუთრებით ცხადათ გამოაჩნდა

ლიუდოვიკო XV-ს, რომელიც თავის თავს ფეოდალ ექსპლოატატორების და მფლანგველების თავათ თვლიდა და თავიც ასეთი შეხედულების შესაფერათ ეკავა; მარა ჩვენგან აღნიშნულ ორქოფობამ კლასიკური გამოხატულობა მიიღო ლუდოვიკო XVI-ში; სუსტი, ყოყმანა, ყოველ დამოუკიდებლობას მოკლებული მისი ხასიათი, თითქო განგებ იყო შექმნილი ყოველგვარ წინააღმდეგობის განსახორციელებლათ. წინააღმდეგ, ასეთი ორქოფობის ნასახიც არ იყო მარია ანტუანეტაში: ის იყო უფიცი, თავქარიანი და არაფითარი წარმოდგენა არ ქონდა სახელმწიფოს მართვაგამგეობის საქმეზე. სახელმწიფო საქმეებით მხოლოთ მაშინ დაინტერესდებოდა, როცა დაქირდებოდა ზრუნვა თავის რჩეულებზე, ან მონღომებდა გადაყენებია თავისთვის არა—სასიამოვნო პირები, რომელთაც უარყვეს აესრულებიათ ყველა მისი გულის წადილი. ის მეფობის დანიშნულებას მხოლოთ გართობაში და საამისოთ ფულების მოპოებაში ხედავდა. აი ამის, ამ „madam Deficit“-ის წინააღმდეგ იყო, რომ მიიმართა ყველაზე უწინ ხალხის სიძულვილი. ის ჩაგერის და ექსპლოატაციის განხორციელებას წარმოადგენდა; მან ბევრათ მეტი ვნება მოუტანა საფრანგეთს, ვიდრე პამპადურმა, რომელიც, რასაკვირველია, მაზე უფრო ბიწიერი იყო, მაგრამ სახელმწიფოს საქიროებათა შესახებ ბევრათ უფრო შეგნებულ გამომდგა.

რამდენათ ლიუდოვიკო XVI კლასიკური წარმომადგენელი იყო წასული საუკუნის აბსოლიუტური მონარქიის „ორქოფობისა“, იმდენათ მისივე მეფობის დროს აგრეთვე კლასიკური გამოხატველი იყვენ ამ „სულის ორქოფობისა“ ტურგო და კოლონი. პირველი მათგანი იმდენათვე ღრმა აზროვნების იყო, რამდენათვე ძლიერი—ხასიათით. მან სცადა მინისტრობის დროს ნამდვილ ესარგებლებია სახელმწიფო უფლებით ჩაგრულთა დასაცველათ, ხალხის კეთილდღეობის ასაწევათ, სცადა გაეტარებია ცხოვრებაში ის პრინციპები, რომლებიც თეორეტიკოსებისგან აღიარებულ იქმნა მიუცილებლათ და სა-

ვალდებულოთ საზოგადოების და სახელმწიფოს არსებობისათვის; მან უარყო სახელმწიფოს მართვა-გამგეობის უფლებით ბოროტათ სარგებლობა, რომ ამ მხრივ ის არ გაეხადა კარის აზნაურობის საექსპლოატაციო ორგანიზაცია; მან მოსპო საბატონო ბეგარა, შინაური ტამოქენა, ამქრები და გაათავისუფლა მრეწველობა რეგლამენტების შევიწროებისაგან. მას უნდოდა გადასახადი აზნაურობასაც და სასულიერო წოდებასაც ეკისრნათანასწორათ მესამე წოდებასთან და სახელმწიფო შემოსავალ გასავალი წარმომადგენელთა კრებულის კონტროლისთვის დაექვემდებარებია. მარა ეს ხომ მიუტყვევებელი შელახვა იყო „წმიდა უფლებებისა“, და აი ამ გამბედავ რეფორმატორს წინაღუდგა დედოფლის მეთაურობით მთელი ბრბო კეთილშობილ ექსპლოატატორებისა და ტურგო დაეცა 1776 წ. ბევრი ცდის შემდეგ, საქმე ისე მოეწყოთ, რომ მგელიც მაძლარი ყოფილდა და ცხერებრ უვნებელი, მეფემ მართვა-გამგეობის სათავეში კოლონი ჩააყენა (1783 წ.). ეს კაცი მთლათ დედოფლის გემოვნების იყო: ფუქსავატი, ქარაფშუტა, უტიფარი. ის იმ პრინციპის მიმდევარი იყო, რომ გაუმძლარ აზნაურობისათვის შეეწირა მსხვერპლათ არა მარტო არსებული, სახელმწიფოს მომავალი შემოსავალიც, ეძარცვა არა მარტო ნაღდი სახელმწიფოს ფინანსები, კრედიტიც. სესხი სესხს მსწრაფლათ მოყვა, ასე რომ სამი წლის განმავლობაში ხაზინამ შეიძინა 650 მილიონი ლივრი¹⁾. ეს ჯამი იმ დროის პირობებში ვეებერთელათ თანხა იყო. ეს ფულები თითქმის მთლათ დაიხარჯათ სასახლეზე, მეფე-დედოფალზე და იმათ რჩეულებზე. როცა დავინახე რომ ყველათ ხელს იშვერდათ, ამბობს ერთი პრინცი იმ დროის სასახლის მფლანგველობაზე, მაშინ მე ქული გავუშვირეთ. მართლაც კარი თავისი ამალით იმ დროს ნეტარებაში იყო. არსით, არც ერთი გამაფრთხილებელი ხმა არ გაისმოდა იმის შესახებ, თუ სანამდის მიიყვანდა საქმეს ასეთი უგნური ფლან-

1) უფრო დაწვრილებით ცნობები იხილეთ *Loui Blanc* 1, 233.

გვა. თვით ლუდოვიკო მე-XVI სრული კმაყოფილი იყო თავის მინისტრით, რომელიც ისეთი „მომქმედი“ აღმოჩნდა, ისე ხერხიანათ წაიყვანა საქმე, რომ მეფემ თავის საკუთარი ვალი 250,000 ლივრი გადაიხადა. მთელი სასახლე განცვიფრებული იყო ამ დიდებული კაცით, რომელმაც ასე ჩქარა და ადვილათ მოახერხა „სოციალური კითხვის“ გადაწყვეტა.

სასახლის უგუნური ფლანგვის ბუნებრივი შედეგი იყო მთელი ამ სისტემის აუცილებელი დამხობის დაჩქარება. სამის წლის ასეთი გიჟური პარპაშის შემდეგ კოლონს ხერხმა უმტყუნა; როცა წლიური დეფიციტი 140 მილიონ ლივრამდის ავიდა, თვით კოლონს უნდა აღეარებინა, რომ ველარავითარი სესხა ველარ იხსნიდა სახელმწიფოს ყოველ წუთს მოსალოდნელ გაკოტრებისაგან. და ერთათ ერთი ხსნა სახელმწიფოს ხარჯის შემცირებაში და შემოსავლის აწვევაში იყო, მარა როგორც ერთი, ისე მეორე და ინაურებულ წოდების ანგარიშზე უნდა მომხდარიყო. როცა 1787 წლის თებერვალში მოწვეულ ნოტაბლებს გამოაუცხადა ეს კოლონმა, მისი სიტყვის წინააღმდეგ იფეთქა უპირატესი წოდების სიბრაზე და ზიზღმა; ბრაზი მოდიოდა უპირატეს წოდებას მხოლოდ მისთვის, რომ უსირცხვილო ფლანგვას და პარპაშს უნდა ბოლო მოღებოდა, რადგან გაგრძელება შეუძლებელი შეიქნა. კოლონი გადადგა. მარა, როცა მისმა მოადგილეებმა განაგრძეს გადასახადის გადიდება უპირატეს წოდებაზე და, როცა უკანასკნელნი დარწმუნდნენ, რომ მეფე ვერ უზრუნველყოფდა მათ მიერ საფრანგეთის ექსპლოატაციას სამერმისოთ იმ ზომამდე, როგორც დღემდის იყო, ისინი ამხედრდნენ მეფის წინააღმდეგ. დაუჯერებელია ეს ფაქტი, მარა სრული სიმართლეა. აზნაურობა, სასულიერო წოდება, პარლამენტები, ერთი სიტყვით, ყველა უპირატესი წოდება, რომელთაც დიდი ხანია, რაც ნიადაგი გამოეშალა ფეხ ქვეშ და რომელთა ერთათ ერთი იმედი, ბურჯი კიდევ მხოლოდ მეფე და მისი უფლება იყო, ახლა მთელი შეერთებული ძალით შეეცადნენ, რომ სწორეთ ეს თავისი ბურჯი მოესპოთ, დაემხოთ.

აი როგორ დააბრმავებს გაუმაძღრობა დროს გადასულ კლასს: სწორეთ თავის დაცემის წინ თვითვე ყოველ მანვე დამოკიდებულს ღონეს ხმარობს, რათა დააჩქაროს თავის დაცემა.

წარჩინებულ წოდებას არაფითარი წარმოდგენა არ ქონდა მანვე, თუ როგორ იცვალა საზოგადოებრივი ძალების ურთიერთობა. მათ ეგონათ საზოგადოებრივი ძალების ურთიერთობა სულ იმავე მდგომარეობაში იყო, როგორც „მას ჟამსა შინა“, როცა მეფესაც ებრძოდნ და მესამე წოდებასაც. ისინი გაცხარებით ითხოვდნ 1614 წლის მსგავსათ გენერალური შტატების მოწვევას, მაშინ როდესაც თავის ბურჯათ ისევ შესაძლებელი იყო მეფის ძლიერება გამოეყენებიათ. მათ თითონ თავიანთ პრივილეგიების საშვალებით მოინდომეს ექსპლოატაციის უფლების დაცვა არა მარტო მესამე წოდებისაგან, არამედ თვით ბიუროკრატიულ სამეფოსაგანაც. სწორეთ იმ დროს, როცა უპირატესობის მიქონე წოდებები უფრო მჭიდროთ უნდა შეკავშირებულიყვენ, რადგან მათ ყველას ერთნაირი საშიში საფრთხე მოელოდათ. სწორეთ იმ წამს ატეხეს ერთი ალიაქოთი ნადავლის განაწილების გამო. სიბრაზით დაბრმავებული უპირატესი წოდება ფაქტიურათ სარევილიუციო ნიადაგზე დადგა. უმაღლესმა სამოსამართლო დაწესებულებებმა, პარლამენტებმა ძალით ხელში იგდეს უფლება, რომელიც წინეთ არ ქონიათ და მისში 1788 წელს შეწყვიტეს თავისი მოქმედება; სასულიერო წოდებამ გადასახალზე უარი განაცხადა, სანამ გენერალურ შტატებს არ მოიწვევდნ; აზნაურობა პროვინციებში შეიარაღდა და საქმეშ სერიოზული ხასიათი მიიღო დოფინეს, ბრეტანს, პროვანსს, ფლანდრიასა და ლანგედოკში.

წარჩინებულ წოდებას ის არ აფიქრებდა და არ აწუხებდა, რომ ამ არეულობაში სულ მეტსა და მეტს მონაწილეობას ღებულობდა მესამე წოდება და რომ ისიც თხოულობდა გენერალური შტატების მოწვევას; წარჩინებულნი დარწმუნდნ, რომ სამეფოს აწი აღარ შეეძლო ექსპლოატაციის თავშესა

ფარი ყოფილიყო, მაშ ის დღის იქით მათი მტერი იყო. ამ ამიტომაც უპირატესმა წოდებამ მიზნათ დაისახა აბსოლუტური მონარქიის დამხობა. მესამე წოდება კი რა ყურადღების ღირსი იყო! მას ზიზლით უყურებდენ, და მათი ვის-ღა ეშინოდა! ან კი ვის შეაშინებდა ტეტია გლეხობა, ვილაც ხარაზები, თერძები და ერთი მუქა ადვოკატები?! რომ კიდევ რამე მომხდარიყო, განა ხიფათს თავს ვერ დაახწევდენ წოდებრივ დაყოფის მიხედვით კენჭის ყრით? ბოლოს. სოფლის მღვდლები ხომ ყავდათ გლეხთა ტვინის დარაჯათ მიჩენილნი! იყო ჯარიც, რომელიც თავს გაუთქვეფდა ხარაზებს და თერძებს. თუ ისინი თავხედათ მოიქიცვოდენ.

მონარქიულმა სახელმწიფომ ვერ შეძლო წინააღმდეგობა გაეწია ამ ყველა წოდების შეერთებულ შემოსევისათვის. მეტი გზა არ ქონდა, უნდა დათანხმებულიყო გენერალური შტატების მოწვევაზე. 1789 წელს, 5 მაისს მოწვეულ იქნა და გაიხსნა გენერალური შტატების კრება. საზოგადოთ ამ დროს თვლიან რევოლუციის დასაწყისათ. მარა საკვირველი ის არის, რომ აბსოლუტური სამეფო უფლების წინააღმდეგ დრტვინვა პევრათ უფრო ადრე დაიწყო და დაიწყეს სწორეთ პრივილეგიის შექონე კლასებმა: მათ მისცეს პირველი ბიძგი, მათ გამოიწვიეს ის მოძრაობა, რომელიც მათივე დაღუპვით უნდა დაბოლოვებულიყო. გასაოცარია, რომ სწორეთ ისინი ითხოვდენ დატინებით იმ კრებულის მოწვევას, რომელსაც უნდა დაემთავრებია მათი დაცემა. რა თქმა უნდა წაკინკლავებული ძმები, აზნაურობა და მეფე, მალე ისევ შეერთდენ; წარჩინებულნი მალე ისევ მეფის გარშემო შემოკრებენ, როგორც კი დაინახენ; რომ მტრულათ ეკიდებოდა ხალხი,—მესამე წოდების დეპუტატები—მარა გვიანლა იყო.

VIII

საკვირველია ეს ბრძოლა მეფისა და აზნაურთა შორის საფრანგეთში რევოლუციის წინ, მარა კიდევ უფრო საკვი-

რველი და დაუჯერებელია, რომ ასეთ მტრობას ადგილი ქონდა ევროპის მონარქიაში რევოლუციის აფეთქების შემდეგაც. საკვირველია, რომ უბრალო დროული ინტერესები იწვევდა ბრძოლას იმ ელემენტთა შორის, რომელთა არსებითი, საერთო ინტერესები უცილოთ ითხოვდა მაშინ მათ კავშირს და საერთო მოქმედებას.

იოსებ II-მ შეიგნო დროს მოთხოვნილება და თავის სახელმწიფოში შემოიღო ისეთი რეფორმები, რომელთა გატარება მხოლოდ სახეში ქონდა და ისიც დრო გამოშვებით ლიუდოვიკო XVI სუტ მთავრობას. მან მოსპო წოდებრივი წარმომადგენლობითი დაწესებულებები და წარჩინებულნი უბრალო ხალხის თანასწორად დაუმორჩილა ბიუროკრაციას; ამით აზნაურობას ჩამოერთვა გადასახადებისაგან განთავისუფლება ზე უზღუდავი ბატონობა გლეხზე, სასულიერო წოდებას — მრავალი მონასტრები, სახელმწიფო თანამდებობების ვაკრობით გაარისტოკრატებულ მოხელეებს კი, რომელნიც განსაკუთრებით ფეხ მოკიდებული იყვნენ ბელგიაში, (იმ დროს ჰაბსბურგების სამფლობელო იყო) მოესპოთ ქრთამები. ამ გარემოებაში გამოიწვია უპირატესი წოდების მღელვარება, დრტეინვა და მთავრობის წინააღმდეგობა, რომელიც უნგრეთში და ბელგიაში 1789 წ. შეიარაღებულ აჯანყებათ გადაიქცა. პრუსიის მთავრობა ყოველი ღონით ცდილობდა ცეცხლი გაეძლიერებინა, რადგან იმედი ქონდა ამით ავსტრიას დაასუსტებდა“.

პრუსიის ელჩს, იაკობის, ვენაში ოპოზიციის ბელადებთან დიდი დაახლოვებული განწყობილება ქონდა და ცდილობდა აეგულიანებია ისინი, წაექეზებია ისეთ ნაბიჯისკენ, რომელიც იმპერატორის წინააღმდეგ ნაცხადურ აჯანყებას გამოიწვევდაო“, ამბობს ბ. ფ. ზიბელი, რომელსაც, მაღლობა ღმერთს, ვერაფერს დასწამებს მონარქიის მტრობას. არა, საუცხოვო სურათი არ არის: რევოლუციის აფეთქების წელს პრუსიის მეფე არისტოკრატ და ულტრა-მონტანისტთა მეთაუ-

ხეებთან ერთათ მოქმედებს წინააღმდეგ გერმანიის იმპერატორისა?!

უნგრეთის აზნაურობის ურჩობა კიდეც აიხსნება, ის ჯერ კიდეც თავის თავათ საკმაოდ ძლიერი იყო და თავის ინტერესების დასაცავათ მონარქიაში არ საჭიროებდა. ამ აზნაურობამ და არა მთავრობამ დააცხრო გლეხების აჯანყება 1784 და 1785 წლებში. სულ სხვა იყო ბელგიაში.—აქ ფეოდალები ისეთივე უძლური, მათი მდგომარეობა ისეთივე შეფერხებული იყო, როგორც მეზობელ საფრანგეთში მარა მიუხედავათ ამისა საფრანგეთის აზნაურობის მაგალითმა მათ ქკუა ვერ ასწავლა. ბასტილიის აღების თანავე და 4 აგვისტოს დემოკრატებთან ერთათ მან მოახდინა ამბოხება და ბელგია დამოუკიდებელ რესპუბლიკათ გამოაცხადა 1790 წელს. 4 იანვარს ბელგიის სხვა და სხვა პროვინციების სახელმწიფო მოხელეებმა დაარსეს ბელგიის შეერთებული შტატები, რომელიც სრულიად არ წააგავდა ამერიკის შეერთებულ შტატებს და აშენებული იყო ფეოდალურ წესზე; ამ „თავისუფლების“ მოპოების შემდეგ დაუყონებლივ ჩამოვარდა უთანხმოება წარჩინებულ წოდებასა და ხალხის უფლების წარმომადგენელთა შორის, რომელნიც საფრანგეთის მაგალითს ბაძვდნენ. ამას გარდა პრუსიამაც მოატყუილა თავის მოკავშირენი. იმის მაგიერათ რომ ავსტრიისთვის ომი გამოეცხადებია, რაც ერთ დროს მოსალოდნელი იყო, მან ჰაბსბურგის მონარქიას დაუახლოვდა და რეინენბახის ხელშეკრულობის ძალით (27 ივნ. 1790 წ) მასთან შესაკავშირებლათ ეშაადებოდა. როცა იოსებ II გადაიცვალა, მისი მოადგილე დათმობის პოლიტიკას დაადგა, რის მაგალითიც კიდეც მანვე უწინ თვით იოსებ II მისცა. უნგრეთი მალე დამშვიდდა და უნიადაგო, განცალკევებული ბელგიის აჯანყება მალე მოისპო (1791—92 წ. ზამთარში). ამ რევოლიუციონურმა ეპიზოდმა ძლიერ გამოაფხიზლა ბელგია, მისი სრულიად დაწყნარება შეუძლებელი შეიქნა. აქ მზადდებოდა ახალი,

ნამდვილი რევოლუციონური მოძრაობა და, როდესაც ფრანგები შემოესია ამ მხარეს, 1792 წელს, თითქმის გაუქირვალად: აიღეს მშვიდობიანი ბელგია შესაძლებელი იყო გამხდარიყო მტკიცე ნიადაგათ საფრანგეთის წინააღმდეგ კონტრ-რევოლუციონურ ოპერაციებისათვის, აქედან შეიძლებოდა რევოლუციის ძალიან საშიშ მდგომარეობაში ჩაყენება, მარა აზნაურთა, სასულიერო წოდებათა და მოხელე — არისტოკრატის ბრმა გაუმადრობამ ბელგია მარტო ფრანგებისთვის მოხერხებულ თავშესაფარათ გახადა.

უნგრეთის და ბელგიის აზნაურობაზე უფრო თავისუფლათ შეეციის აზნაურობას ეკაჟა თავი. გუსტავ III რამოდენიმე სახელმწიფო ცვლილებების საშვალებით თან და თან აკვეცდა მათ სხვა და სხვა პრივილეგიებს, სანამ უკანასკნელათ, 1789 წელს განუსაზღვრელი უფლება არ მოიპოვა; მაგრამ ამ უფლებით და შემოსავლით, რომელიც მას აზნაურობის დამხობის შემდეგ ერგო, სახელმწიფოში კეთილდღეობის დასამყარებლათ კი არ უსარგებლენია არამედ თავის ბავშური დროს გასატარებლათ, რომელიც დიდ-ძალ ფულს ითხოვდა. ეს სათეატრო გმირი, რომელიც მარტო დრამატიულ ეფექტებზე ოცნებობდა, სასაცილო დიდების მანიით იყო შეპყრობილი. მან მოინდომა ეთამაშა ევროპაში მონარქიულ ინტერესების დამცველ მოწინავე მებრძოლის როლი ე. ი. ჰერკულესის როლი, რომელსაც უნდა თავი მოეკვეთა გველვეშაპ რევოლუციისათვის; ის საფრანგეთის წინააღმდეგ ჯვაროსნების ომს ქადაგებდა და თვითონ უნდოდა თავის ფლოტი მდინარე სენით პარიზს დაეცემოდა და ამგვარათ მოესპო ეს რევოლუციის ბუდე. 1791 წ. ის აქენს გაემგზავრა, რათ: მონაწილეობა მიეღო საფრანგეთის ემიგრანტების შეთქმულო ბაში იმ მიზნით, რომ აღედგინა მონარქია. ამ დროს კი თვის მის წინააღმდეგ მოახდინა შეთქმულობა შეეციის აზნაურობამ რომელიც დაბოლოს დარწმუნდა, რომ ის მხოლოთ მაშინ დაიბრუნებდა თავის პრივილეგიებს, როცა მეფეს მოიშორებდა თავი

დან. 1793 წ. 17 მარტს, ეს რევოლუციის მოწინააღმდეგე თავგამოდებული მოღვაწე გაგმირა ტყვეით ერთმა შეთქმულთაგანმა, ანკარსტრომმა. ეს მოხდა თითქმის ერთი წლით ადრე იმ დრომდე, როდესაც სამხედრო დროის კანონის ძალით რესპუბლიკელებმა დამნაშავეთ იცენეს ლუდოვიკო XVI ომიანობის დროს სამშობლოს მტრებთან ფარულ დამოკიდებულებისათვის.

საფრანგეთის რევოლუციამ ევროპას დიდი ომიანობის დასაწყისში მოუსწრო. რუსეთის იმპერატორია ეკატერინა II-მ დაითანხმა იმპერატორი იოსები ოსმალეთთან ბრძოლაში მონაწილეობა მიეღო, — იმედი ქონდათ ამ სახელმწიფოს გაინაწილებდნენ. ომი რუსეთმა დაიწყო 1787 წ., ავსტრიამ კი 1788 წ. პრუსიას აღარ შეეძლო გულგრილათ ეცქირა ამ ომისთვის, რადგან თვით ფრიდრიხ II-ს დროიდან პრუსიის პოლიტიკა იმაზე იყო მიმართული, რომ ხელი შეეშალა ავსტრიის გადიდებისათვის, თუ პრუსიის საზღვრებიც მისდა შესაფერათ არ გაფართოვდებოდა. თუ ავსტრია ოსმალის პროვინციებს შემოიერთებდა, მას უნდა დაეკმაყოფილებია პრუსია ამ გვართ: ავსტრიას უნდა დაებრუნებია პოლონეთისათვის გალიცია, პოლონეთი კი თავის მხრივ პრუსიას დაუთმობდა რამოდენიმე ადგილებს ქალაქ ტარნოთი და დანციგით. ცხადი იყო, ავსტრია ნებაყოფლობით ამას არ დათმობდა, ამიტომ პრუსია ომის სამზადისს შეუდგა და დაიწყო მოკავშირეთა ძებნა. უახლოებლეს, მოხერხებულ მოკავშირეთ სწორეთ ის მხარე გამოადგებოდა, რომელსაც კიდევ უპირებდნენ თავის საკუთარი ტერიტორიის ნაწილის წაგლეჯას — ეს იყო პოლონეთი. გ. ფ. ზიბელი თავის თხზულებაში, რომელიც ჩვენ უკვე მოვიხსენიეთ, რამდენადაც ვიცით, ყველაზე უფრო დაწვრილებით განიხილავს იმ საკითხს, თუ რა გავლენა ჰქონდა პოლონეთის მეორე და მესამე განაწილებას საფრანგეთის რევოლუციაზე; თავის მსჯელობას ის ძველ საარქივო წყაროებზე ამყარებს, რომელიც საზოგადოებისთვის არ

არის ადვილათ გასაგები. იმ ქარტეხილს, რომელიც თავს დაატყდა პოლონეთს, ზიბელი „დიდ და ღრმა ცოდვების“ შედეგათ ველის და გვიხატავს პოლონელ არისტოკრატის დაცემის შემზარავ სურათს და იმ ექსპლოატაციის და დაჩაგვრის სურათსაც, თუ როგორ აწამებდა არისტოკრატია პოლონეთის ხალხს... იმ დროს, როცა ეკატრინე II-ს მხედრობა ოსმალეთთან ბრძოლაში იყო გართულა, პოლონეთის პატრიოტებმა გადაწყვიტეს, ახლა დაგვიდგა მოხერხებული წამი რუსეთის გავლენა თავიდან მოვიშოროთ და სამშობლოს კონსტიტუცია გამოუცხადოთ, რომ ამით რაოდენათმე მაინც შეესუსტებიათ ფეოდალური ანარხია. პრუსია, რათა ავსტრიისთვის რამე ევნო, აქეზებდა პოლონელებს გაბედულათ ემოქმედნათ, აიძუებდა გალიციის შესახებ და იმავე დროს თითონაც თვალი ეჭირა ტორნზე და დანციგზე და ბოლოს 1790 წ. 29 მარტს, პოლონეთთან ფორმალურათ კავშირი შეეკრა იმ პირობით, რომ ორივე მხარე ერთი მეორეს უნდა დახმარებოდა, თუ გარეშე შტრები შემოესევოდა.

ამავე დროს პრუსია, როგორც დაეინაზეთ, უნგრეთის და ბელგიის მემბოხეთაც მხარს უჭერდა.

ინგლისი პრუსიასთან იყო შეკავშირებული, რადგან ის იმ თავითვე ხედავდა რუსეთში ისეთ სახელმწიფოს, რომლის გაძლიერება მეტათ საზარალო იქნებოდა მისი ვაჭრობისათვის. ერთათ ერთი სახელმწიფო, რომელიც კიდევ შესაძლებელი იყო პრუსიის წინააღმდეგ გამოსულიყო, იყო საფრანგეთის მონარქია, ავსტრიის მოკავშირე ზმასთან ახლათ დამოყვრებული. აშკარაა რა ბედნიერება იყო პრუსიის კარისთვის, როცა ტეფოლიუციამ ეს სახელმწიფო მისთვის უშიშარი გახადა! აი ასე ნაკლებათ ესმოდა რევოლიუციის მნიშვნელობა პრუსიის მთავრობას, ისე დააბრმავა ის საზღვრების გაფართოვების წყურვილმა, რომ საფრანგეთის სამეფოს დასუსტებას სიამოვნებით შეხვდა, როგორც სასურველ მოვლენას, მხოლოთ იმიტომ რომ ეხლა ერთათ ერთი ხელის შემშლელი პირობა ის-

პობოდა, რომ პოლონეთის შესახებ თავისი პლანები გაეხორციელებია.

პრუსიის მთავრობამ არა თუ გაიხარა დიდი რევოლუციით, კავშირიც კი გამართა მასთან. პრუსიის ელჩი გოლცი პარიჟში მეტათ დაუახლოვდა საერო კრების დემოკრატიულ პარტიას. პრუსიის მეფეჲ პეტეონს, უკიდურეს მემარცხენეთა დეპუტატს, ერთხელ მილოცვა გაუგზავნა ერთი დემოკრატიული სიტყვის წარმოთქმისთვის. თვით პრუსიის მეფემ ცხარე მონაწილეობა მიიღო იმ საკითხის გადაწყვეტაში, რომ ომის და ზავის გამოცხადების უფლება საფრანგეთში მეფეს ჩამორთმეოდა, რადგან ამით თავიდან აიცილებდა საფრანგეთთან ომს, და რომ გოლცისთვის სახელი არ გაეტება, ასეთი საფრთხილო მინდობილობების შესასრულებლათ გაგზავნა ებრაელი ეფრაიმი (1790 წ. სექტემბერში); ეს ის ეფრაიმი იყო, რომელიც ბელგიის აჯანყების დროს პრუსიის ინტერესების სასარგებლოთ მოქმედებდა.

ევროპაში საქმეების მდგომარეობა 1770 წ. მეტათ ხელსაყრელი იყო პრუსიისათვის: საფრანგეთს არ შეეძლო ომი დიპლომატიური მოსაზრების მიზეზით; ბელგიაში აჯანყებამ გაიმარჯვა, უნგრეთშიც აჯანყება იყო; პრუსიას რუსეთის ჰხრივ უშიშრათ ყოფდნენ პოლონეთი და შვეცია; რუსეთი და ავსტრია მეტათ შეცული და შეფიქრებული იყვნ ოსმალეთთან ომის მოლოდინით, რომელმაც სრულიად მოულოდნელათ დიდი ძალა გამოიჩინა. ასეთ პირობებში ავსტრია სრულიად უმწეო ეჩვენებოდათ პრუსიის წინაშე, რომელიც მდიდარ ანგლისს დაუკავშირდა, და ამიტომ ფრიდრიხ ვილგელმ II აწვევდა მას საომრათ. მარა ამ დროს ავსტრიაში გადაიცივალა ენერგიული, მტკიცე ხასიათის იოსები და ტახტზე ავიდა ერთხილი, წინდახედული ლეოპოლდი (20 თებერვ. 1790 წ.). სან იმდენი დაუთმო მტრებს, რომ იარაღი დააყრევინა, უნგრეთი დაამშვიდა, გათიშა ბელგიაში აჯანყებულნი და შეუთანხმდა პრუსიას რეიხენბარის ხელშეკრულობით, რომლის

ძალით მოსპობილ იქნა ყოველივე ომიანობის გამომწვევი მიზეზები მით, რომ დაკმაყოფილებულ იქნა პრუსიის მოთხოვნილებანი.

სწორედ ამ დროს საფრანგეთის რევოლიუცია იმ წერტილამდე მივიდა, იმდენათ ცხადათ გამოიკვეა მასი ტენდენციები წინააღმდეგ აბსოლუტური მონარქიისა, რომ ამ გარემოებას თვით ქვეყა მოკლედ სახელმწიფო კაცებიც კი საგონებელში უნდა ჩაეგდო უცხოეთის მონარქიებში. ცხადი იყო, რომ თუ რევოლიუციონური ტენდენცია საფრანგეთში გაიძარჯვებდა, ის უთუოთ მეზობელ ქვეყნებსაც, გერმანიას, ბელგიას და პიემონტს მოედებოდა; დღიით დღე უფრო და უფრო ირკვეოდა, რომ ევროპის მონარქიებს ან უნდა მოესპოთ ეს ტენდენციები, ან თავი დაეთარათ მაინც როგორმე მათგან. ამას კარგათ გრძნობდენ და კიდევაც შეუდგენ ამაზე გულახდილათ ლაპარაკს. მონარქიული ტენდენციების ასეთი გამოაშკარაებება იყო: ლეოპოლდის პროკლამაცია მანტუიდან, მისი ცირკულიარული ნოტა პადუიდან და ბოლოს და ბოლოს ის სასტიკი მანიფესტი ავსტრიის და პრუსიის მხრივ, რომლითაც მათ მიმართეს საფრანგეთს პილნიცაში დადებულ ფორმალურ ხელშეკრულობის შემდეგ. იმპერატორი არაფრათ არ აგდებდა ემიგრანტების სამხედრო სამზადისს, რომლებმაც თვით საფრანგეთის საზღვრებზე ნამდვილი არმია შეადგინეს საფრანგეთში შემოსაქრელათ. საფრანგეთში ექვი აღარავის ქონდა, რომ პრუსია და ავსტრია რევოლიუციასთან საომრათ ემზადებოდენ, მარა თვით მოკავშირენი კი ერთ ნაბიჯსაც არ დგამდენ ისეთს, რომელიც გამოააშკარაებდა მათ პლანებს. ბ. ფ. ზიბელი დაწვრილებით იკვლევს იმ დროის სახელმწიფოების დამოკიდებულებას და ფიქრობს, რომ მათი დამოკიდებულებიდან შესაძლებელია კაცმა დაასკენას, რომ ისინი ყველა მშვიდობის მოყვარეობით იყვენ გამსქვალულნი და თითქო ომი თვით საფრანგეთის მიერ იყო გამოწვეული. მაგრამ ჩვენ სულ სხვა დასკვნაზე მივედით. მართალია საფრანგეთში,

როგორც ქრონდისტები, ისე სასახლე და მისი მომხრენი ომს თხოულობდნენ: პირველნი იმიტომ, რომ ომს აუცილებლათ თვლიდნენ, და უკეთესია პირველი ჩვენ დავეცეთ, სანამ მტერი მოემზადებაო; მეორენი კი იმედოვნებდნენ, თუ ომი მოხდა, პრუსია და ავსტრია დაიპყრობენ საფრანგეთს და აღადგენენ ძველ მონარქიასო. ომი კი მაინც არ იწყებოდა, არა მშვიდობიანობის მოყვარეობის მიზეზით, არამედ მხოლოდ და მხოლოდ იმიტომ, რომ არც ერთ დაინტერესებულ სახელმწიფოს ნდობა არ ქონდა ერთმანეთის. რუსეთი ცდილობდა მალე გაეთავებია ომი ოსმალეთთან, რადგან ავსტრიის და ოსმალეთის შერიგების შემდეგ მარტო დარჩა, უნდოდა გაეთავისუფლებია არმია და მოეხმარა პოლონეთის წინააღმდეგ, რომელიც ცდილობდა საკუთარ ფეხზე დამდგარიყო. პრუსიამ იცოდა, რომ პოლონეთის საკითხი მალე უნდა გადაწყვეტილიყო; მას სწადდა საზღვრების გაფართოვება და იმედოვნებდა რუსეთთან კავშირით წინააღმდეგ პოლონეთისა მოეპოვებია ის, რაც ვერ მოიპოვა პოლონეთთან კავშირით წინააღმდეგ რუსეთისა. ორივე ამ სახელმწიფოსთვის ავსტრია არა სასიამოვნო მეზობელი იყო; ამიტომ ისინი ცდილობდნენ როგორმე გაებათ ლეოპოლდი საფრანგეთთან ომში, რომ ამით გაეთავისუფლებიათ მისგან თავი პოლონეთის საქმეში. მარა ამას ავსტრიაც კარგათ გრძნობდა და ენერგიულ მოქმედებაზე თავს იკავებდა პოლონეთის საკითხის გადაწყვეტამდის. ლეოპოლდზე ბევრათ უფრო დამყოლი იმპერატორი ფრანც II გამოდგა, რომელიც გამეფდა 1792 წ. იგი იყო ახალგაზდა, უმნიშვნელო კაცი, დიდს არათერს წარმოადგენდა, და მისმა მთავრობამ თავისი სასაცილო მოთხოვნილებებით, რომ აღედგინათ საფრანგეთში ძველი წეს-წყობილება და სასტიკი მუქარებით იქამდის მიიყვანა საფრანგეთი, რომ ომი გამოაცხადებია (20 აპრილს 1792 წელს). ახლა კი ომი პოლონეთის განაწილებამდის უნდა გაეგრძელებიათ. არც პრუსიას შეეძლო მონაწილეობა არ მიეღო ამ ომში, რადგან მისი მონაწილე იყვენ გერმანიის იმ-

პერია და პილნიცის მოკავშირენი. მარა მოკავშირენი ძალიან გაუბედავთ იქცეოდნენ. ისინი მეტათ ამკირებდნენ მტრის ძლიერებას; ემიგრანტების და პოლიციის ჯაშუშების მიერ მოტანილ ცნობებიდგან წარმოიდგინეს, რომ საფრანგეთში ყველა გამსქვალული იყო უქვეშევრდომილესი გრძნობებით და არაფერს ისე მოუთმენლათ არ მოელოდნენ, როგორც იაკობელების უმცირესობის „უღლის“ გადაგდებას. ეს აზრი რომ შემცდარი იყო, ეს მალე მწვავეთ უნდა გგრძნო პრუსიის არმიას. მიუხედავად ამისა, ასეთ მოსაზრებას კიდევ აქვს ადგილი „შეგნებულ ისტორიკოსების“ თავში. მოკავშირეებს იმედი ქონდათ, რომ ლუდოვიკო XVI საიდუმლოთ დაგვეხმარება, და ხელს შეუშლის ფრანგების სამხედრო მოქმედებასო. ეს იმედები გატრუვდა ტიულიერის აღებით 10 აგვისტოს. ერთი უმთავრესი მიზეზთაგანი პრუსიის და ავსტრიის დაგვიანებისა და სამხედრო მოუმზადებლობისა იყო ის გარემოება, რომ მოკავშირეები ჯერ კიდევ ვერ შეთანხმებულიყვენ პოლონეთის განაწილების შესახებ. ამ დროს ეკატერინე II-ს მხედრობა უკვე შევიდა პოლონეთში და პრუსიამ, რომელიც 1792 წლის მაისამდინ პოლონეთის მოკავშირის როლს თამაშობდა, ბოლოს ნილაბი ჩამოიხადა და „მშვიდობიანობის და წესიერების აღსადგენათ“ პოლონეთის ახალი განაწილება მოითხოვა. იმ დროს, როცა რუსის მხედრობა „მოკავშირეებისგან“ მიტოვებულ პოლონელებს ამარცხებდა, ავსტრია და პრუსია საფრანგეთის წინააღმდეგ უგულოთ ომობდა და როგორც ერთი, ისე მეორე უფრო გაფაციცებთ თვალყურს ადევნებდა პოლონეთში საქმის მსვლელობას. მაშ რაღა გასაკვირველია, რომ ეს ომი მოკავშირეებისთვის დამარცხებით დაბოლოვდა.

საფრანგეთის მდგომარეობა ბევრათ უფრო საშიში შეიქნა შემდეგ წელში. ავსტრია ენერგიულათ შეუდგა სამზადისს, რომ დამარცხების სამაგიერო გადაეხადა საფრანგეთისათვის. რევოლიუციის საწინააღმდეგო კავშირს მრავალი სახელმ-

წიფოები შეუერთდა: ინგლისი და ჰოლანდია ფრანგების მიერ ბელგიის დაქვეით შეშფოთებული, და იმავე ინგლისის გაულენით—სარდინია, პორტუგალია, ისპანია და ნეპალი. თვით საფრანგეთის ზოგიერთ ქალაქებში და ოლქებში აჯანყება მოხდა; ძველი საფრანგეთის არმია მოსპობილი იყო, ხოლო ახალი, რევოლიუციონური ძლიერ შედგა. ძველი არისტოკრატი აფიცრები ან დათხოვნილი იყვნენ, ან თვით გადაიხვეწენ სამშობლოდან, ახლები კი ჯერ-ჯერობით საკმარისი არ იყვნენ. ძველი ჯარისაგან ბევრი ამოწყდა წინა წლის ომინობის დროს: არმიის უმეტესობა ახლათ გამოყვანილი ჯარის კაცთაგან შედგებოდა; ყველა ამას უნდა დაეუმატოთ, რომ ღენერლები ხშირათ ღალატობდნენ და არ იყვნენ საიმედო. ტერორის რომ თავი იხატოთი ქალით არ მოეკრიბა საფრანგეთის ყველა ძალები და მტრის წინააღმდეგ ყველგან ჯარის მომეტებული რიცხვი არ გამოეყვანა, რომელნიც, თუმცა დისციპლინა და სამხედრო გამოცდილება არ ქონდათ, მარა სამაგიეროთ დიდი ენტუზიასტები იყვნენ, შესაძლებელია რესპუბლიკა სრულიად დაღუპულიყო ევროპის მონარქიების შემოსევით. მიუხედავად იმისა, რომ რესპუბლიკა მთელ თავის ძალ-ღონეს იკრებდა, მისი მდგომარეობა მეტათ სამძიმო იყო, მარა მისდა საბედნიეროთ მოწინააღმდეგეთა გაუმადლობა ისევე დიდი იყო, როგორც მათი სიძულვილი რევოლიუციისადმი. თითოეულ მათგანს საფრანგეთთან ომი თავის სასარგებლოთ უნდოდა გამოეყენებია; არც ერთს ერთმანეთის ნდობა არ ქონდა. თითოეული თავისთვის მოქმედებდა და ცდილობდა ხელში ჩაეგდო ნადავლის ის ნაწილი, რომელიც უნდოდა მიეღო. სარდინია ავსტრიისგან საზღვრების გაფართოებას ითხოვდა; ავსტრია ამ მოთხოვნილების დაკმაყოფილებაზე უარს ამბობდა, თუ მას არ შემოუერთებდნენ საფრანგეთისგან წართმეულ ნაფარას; სარდინია ამან მეტათ გააფიცხა. ძვირფასი დრო უსარგებლო დავიდარაბაში იკარგებოდა: აჯანყებულ ლიონს თავის დროზე ვერ შემოხსნეს ალყა, და ამით იტალიიდან საფრანგეთზე

დაცემის საქმე ჩაიშალა. ინგლისის ჯარებმა ბელგიაში უფრო საჩქარო საქმე ვერ მონახეს, და ღინკირხენს, ამ საქირო ნავთ-სადგურს ალყა შემოარტყეს, რადგან მისი ხელში ჩაგდება ეგრე რიგათ სწადდა ინგლისს. ჰოლანდიელები მალე მოქანცა ომმა, მით უმეტეს, რომ ამ ომიდან არაფერ სარგებლობას გამოელოდნენ. მარა ყველაზე დამღუპველი ის იყო, რომ პრუსიასა და ავსტრიის შორის მტრობა სწრაფათ იზრდებოდა.

რუსეთი და პრუსია შეთანხმდნენ (ზამთარში, 1791-1792 წ.) და მოახდინეს პოლონეთის მეორე განაწილება. ავსტრიამ ჯილდოთ მხოლოდ იმედები მიიღო, რომ შემდეგში შემოუერთებდნენ საფრანგეთის ტერიტორიის ნაწილს. პრუსია იმუქრებოდა დაუყონებლივ შეესწყეტ ომში მონაწილეობას, თუ ინგლისი და ავსტრია არ მიიღებენ პოლონეთის ამგვარ განაწილებასო; ეს, რასაკვირველია, ვერ განამტკიცებდა ავსტრიის და პრუსიის კეთილგანწყობილებას. ამ ომში ახლა ავსტრიამ მიზნათ დაისახა ის მიწები წაერთმია საფრანგეთისთვის, რომელთა შეძენა დიდი ხანია სურდა: ეს იყო ელზასი და ნაწილი ჩრდილოეთ საფრანგეთისა. მარა პრუსიას, ყელამდინ ჩაფლულს პოლონეთის საქმეებში, ახლა სრულიად დაეკარგა ხალისი სერიოზული მონაწილეობა მიეღო იმ ომში, რომელიც რევოლიუციის საწინააღმდეგო ომისგან პრუსიის მეტოქე ავსტრიის დაპყრობითი ომათ გადიქცა. პრუსიის ჯარი მეტათ ბევრ დროს კარგავდა უბრალოთ მაინის ალყის შემოართყმაში და თითქმის გულგრილოთ უცქერდა ავსტრიის საფრანგეთთან შეტაკებებს ელზასში. როცა ავსტრია დაუახლოვდა რუსეთს, პრუსიას ორივე თავის „მოკავშირეების“ შეეშინდა და 1793 წ. სექტემბერში თითქმის სრულიად შეწყვიტა საფრანგეთთან ომი. უმეტესი ნაწილი თავის ჯარისა რეინიდან პოლონეთის საზღვარზე გაიწვია, რომ ამით უზრუნველ ეყო თავის მონაწილეობა პოლონეთის განაწილებაში. მესამე კოალიციის საქმე 1794 წ. კიდევ უფრო უარესათ წავიდა; ისპანიასა და ინგლის შორის განხეთქილება ჩამოვარდა. გა-

ზაფხულზე პოლონეთი აღდგა და საქმე იმ ზომამდის მივიდა, რომ რუსებმა მალე ვერ დაამშვიდეს პოლონელები. პრუსიას უნდა დახმარება აღმოეჩინა მისთვის. საფრანგეთთან ომში პრუსიის, მონაწილეობაზე ფიქრიც არ შეიძლებოდა ახლა; არც ავსტრიას შეეძლო მთელი თავის ძალებზე ამ ომისთვის შეეწირა; ისიც იყო პოლონეთის უკანასკნელი ჟამი დადგა და ამიტომ ავსტრიას პოლონეთის საზღვარზე დიდძალი ჯარი უნდა გამოეყვანა, თუ უნდოდა მესამე დანაწილების დროსაც ისე გვერდი არ აეხვიათ, მისთვის როგორც მეორე განაწილებაზე. ინგლისს რომ ყოველი ღონე არ ეხმარა ამ კოალიციის შესამაგრებლათ, ის სწორეთ ამ დროს დაიშლებოდა.

ამავე დროს საფრანგეთის რევოლუციონური არმია გაძლიერდა; მან ისეთი ორიგინალური ტაქტიკა შეიმუშავა, რომელიც ძველ არმიასზე ბევრით წინ აყენებდა; ახალ აფიცრობიდან კი გამოვიდა ის გენერლები, რომელთაც ახალი არმია მთელი ევროპის თავზარ-დამცემ არმიათ გადააქციეს; ესენი იყვნენ გოში, კლებერი, მორო, ბონაპარტი და სხ. სანამ ფეოდალური მონარქიები ერთმანეთს ედავებოდნენ იმ ნადავლის გამო, რომელიც ჯერ კიდევ არც კი წაერთმიათ,—ამ დროს, რევოლუციონურმა არმიამ საშიში ძალა მოიპოვა. ახლა სამხედრო საქმე, რომ არ მომხდარა ისე კარგათა, რომ წასულიყო, მოკავშირეთათვის ყოვლად შეუძლებელი იყო საფრანგეთში რევოლუციის მოსპობა და აღდგენა, დროებით მაინც, იმ წეს-წყობილებისა, რომელიც გამეფებული იყო იქ 1789 წლამდის. ის გარემოება კი, რომ 1794 წლიდან რესპუბლიკამ სატევი ომი დაიწყო, და მონღომა ძირიანათ შეერყია მთელ ევროპაში ფეოდალიზმი, ხოლო მოსაზღვრე სახელმწიფოებში კი სრულიად მოესპო, ეს გარემოება უმეტესათ მისი მოწინააღმდეგეთა იმ წვრილმანი, შეუგნებელი გაუმადლობის შედეგი იყო, რომელზედაც ჩვენ ზევით ვილაპარაკეთ.

ამ გვარათ ჩვენ ვხედავთ, რომ საზოგადოებრივი განვითარება არის არა მარტო ახლათ ჩასახულ კლასების ძველ, გარდამავალ კლასებთან ბრძოლის შედეგი, ე. ი. არა მარტო არსებულ წესწყობილებაში დანტერესებულ მცხოვრებთა ნაწილის ბრძოლის შედეგი იმ ნაწილთან, რომლისთვისაც არსებული წესწყობილება დღითი დღე აუტანელი ხდება, არამედ ის არის სხვათა შორის შედეგი იმ შინაური ბრძოლისა, რომელიც არსებობს თვით ორივე მოპირდაპირე კლასების წევრებს შორის. როგორც გარეგანმა კლასთა შორის ბრძოლამ, ისე შინაურმა, ამ კლასებს შიგნით არსებულმა ბრძოლამ ბევრათ შეუწყო ხელი რევოლიუციის აყვავებას. თუმც ეს დაუჯერებელია, მარა ამის უარყოფა შეუძლებელია: არა მარტო გაბატონებული ნაწილის დაყოფა, არამედ თვით დამონავეებული ნაწილის დაყოფაც კი რევოლიუციის ძლიერი მოძრავებელი ძალა იყო. კლასობრივ ინტერესების წინააღმდეგობას კაპიტალისტებსა და წვრილ ბურჟუას და ქალაქსა და სოფელ შორის არ გვგონია, რომ როდისმე დაესუსტებოს რევოლიუცია; წინააღმდეგ, ის უფრო აქეზებდა სარევოლიუციოთ ხალხს: ეს წინააღმდეგობა უმატებდა ენერჯიას, რომელიც გადადიოდა რევოლიუციაში; ეს წინააღმდეგობა უფრო და უფრო ფართო მიზანს უსახავდა სარევოლიუციოთ წამოზიდებულ მასსას და განუწყვეტლივ მიერეკებოდა წინ.

გაბატონებულ კლასებს კი ასუსტებდა ეს წინააღმდეგობა და სულ თან და თან ავიწროებდა მათ მიზანს: იმის მაგიერ, რომ ენერჯიულათ, შეერთებული რაზმით შებრძოლებოდენ რევოლიუციას, ეს გაბატონებული კლასები მარტო იმით კაცოფილდებოდენ, რომ არსებული წესწყობილების დანგრევით მხოლოთ წარმავალი წვრილმანი სარგებლობა მოეპოვებიათ.

შეტდომების გასწორება.

გვერდი:	სტრიქონი:	დაბეჭდილია:	უნდა იყოს:
7	4 ქვევიდან	მაჯიბრებოდენ	გაჯიბრებოდენ
17	13 "	ენაუარდებსა	ენაუარდსა
28	7 ზევიდან	მხოლოთ	მარტო
30	11 "	მომხრე იუო,	მიმხრე იუო.
32	4 ქვევიდან	ლეკატიმიზმის	ლეკიტიმიზმის
39	8 ზევიდან	იაკობინცები	აკობინელები
44	2 ქვევიდან	Laine	Taine

